

LA

DISSECTION
DES MUSCLES DE
CLAUDE GALIEN,
LIVRES DEUX.



ALYON,

PAR GUILLAUME ROVILLE,
A L'ESCV DE VENISE.

M. D. LXIII.

Avec privilege du Roy pour six ans.



Extraict du priuilege du Roy.



A R grace & priuilege du Roy, est permis à Guillaume Rouille, de imprimer ou faire imprimer Galien de la Dissection des muscles, traduit de Latin en François, & defendu à tous autres de ne imprimer, ne vendre, en ce Royaume, ledict liure, que de la presente impression pour le temps & terme de six ans, sur peine de confiscation desdicts liures & d'amande arbitraire: cōme plus amplement apert, par le Priuilege general dudit sieur oūtroie audit Rouille, pour tous les liures qu'il imprimera, à commencé du iour & datte, que lesdicts liures seront acheuez d'imprimer. Donne à saint Germain en L'aye, le 9. de Septembre 1555.

Signé Fizes.

Et sellé du grand seau en cire iaune.



A MESSIEURS LES
MAISTRES CHIRURGIENS,
ET COMPAGNONS ESTV-
DIANS EN L'ESCHOLE
DE CHIRURGIE,
A LYON.



Ombien est utile & ne-
cessaire la cognoissance
& pratique de l'Ano-
tomie au chirurgie, pour
l'exercice de son art, Ga-

liele declare assez chap. 3. liure 1. des Ad-
minist. anatom. & vous autres messieurs
les maistres en faictes suffisante preuue,
qui auez tousiours avec extreme soin &
diligence vaqué en icelle, come fondement
asseuré de nostre profession: & certes ce
moyen est le principal & le plus grand de
tous ceux que Dieu nous a donnés, pour
gagner, & à bon droit, la reputation de

personnages non seulement suffisantz: mais
 excellentz en nostre art, iacoit que aux au-
 tres parties de la chirurgie, vous ne deuez
 rien aux plus insignes & fameux de no-
 stre Frãce. Et pource que la dissection des
 muscles du corps humain, traictee de Ga-
 lien en plusieurs liures, notammẽt & ex-
 pressẽment en cestuy cy est singulieremẽt
 prouffitabile, i'ay traduit cest opusculẽ en
 Frãçois, lequel pourra uous rafraichir &
 conseruer la memoire de ceste particuliere
 obseruation, qui consiste en la figure, situa-
 tion, grandeur, connexion, nombre, origi-
 ne, insertion, & office des muscles, qui
 ouurira le chemin aux compagnons stu-
 dieux, tant ordinaires en nostre eschole,
 que autres de nostre nation, pour acquerir
 l'intelligence de ce, qui plus les auancera
 & poussera en la perfection où ils preten-
 dent. Or Galien, comme il nous auert en
 plusieurs lieux, & signamment au chap.
 3. liure 1. des Administrations anatom.
 & au


5
¶ au chap. 10. liure premier de ce Com-
mentaire, a redigé par escrit l'histoire
& explication des muscles, sur le corps
du Singe, qui ha comme i'ay peu som-
mer, vingt & quatre muscles plus que
l'homme, ce que en la fin de mes Ad-
notations ie deduiray plus amplement,
& plusieurs d'iceux autrement situés &
figurés que nous. Outre ce au denom-
brement d'iceux, il n'a pas tousiours
suyui vn certain ordre de les compter,
comme il a faiet aux muscles de la cui-
sse, qui est vne procedure fort belle &
facile. D'auantage il n'en a obserué plu-
sieurs, qui depuis ont esté recogneus &
remarqués par ses successeurs, ainsi que
le temps nous reueille & aguise l'esprit,
& iugement, comme il se voit aux mu-
scles de l'echine, desquelz il n'a speci-
fié que le premier & second, cinqui-
me & sixieme, parlant des autres dou-
ze indistinctement, & obscurement: &

6
au cinquieme de la poictrine, duquel il
n'a fait aucune mention du tout, ioint
qu'il en attribue plusieurs à quelques
vnes partie de nostre corps, qui sont de-
stines à l'action des autres, comme le pre-
mier du palleron à la poictrine, le troisie-
me du fourchon de la langue, nommé des
Grecz, los Hyoeides, au palleron. A ce-
ste cause ie me suis efforcé rendre son
texte plus clair, & intelligible par quel-
ques adnotations ou corollaires, & redi-
ger par tables en vn brief sommaire les
muscles de chacune partie, comme au-
iourd'huy on les compte, & assigne, sui-
uant ce que l'Anatomie nous en monstre,
& la resolution aussi des plus illustres
auteurs de nostre temps, qui ont deduit
ceste matiere, le determine: singuliere-
ment du docteur M. Andre vressal,
prisé & honoré de nostre siecle entre tous,
pour sa grandissime diligence, & labour
incroyable en cest argument. Ce mien tra-
uail

uail certes, comme il est petit, ne merite
 d'estre mis en lumiere: & de vray ie ne le
 souffrirois estre publié & présenté à la cen-
 sure des hommes doctes, qui ont bien d'au-
 tres plus serieuses & graues occupations
 à s'employer que à lire vn tel fatras, at-
 tendu que les exemplaires Grecz & La-
 tins, quand ilz voudront despendre quel-
 ques heures en la lecture de ce liuret, ne
 leur manque point: & moins encor le
 laisserois ie venir aux mains des enuieux
 malins, qui ne trouuent rien de bon à leur
 goust, que ce qui est creu, & forgé en
 leur boutique, n'estoit le desir que i'ay
 d'aider à l'honneste affection de vous au-
 tres compagnons, mes bons freres, & amis,
 frequentantz nostre auditoire, laquelle est
 retardee par faute d'exemplaires tra-
 duictz en nostre langue: & aussi que ie
 delibere en nostre exercice ordinaire de
 chirurgie, d'ici en auant, interpreter ce
 commentaire, incontinent apres le liure

des os, ce que ne se pourroit commodement
 faire sans ceste version: vous prendres donc
 en gré ce liuret, d'aussi bon cœur que le
 vous offre, & dedie, pendant que s'im-
 primeront les œuvres de l'usage des par-
 ties du corps humain, & des Admini-
 strations Anatomiques, que j'ay sem-
 blablement en vostre faueur, &
 pour vostre respect seule-
 ment, ces iours passés,
 tournéeés de Grec
 en Fran-
 çois.





DE LA DISSECTION

DES MUSCLES, DE

CLAVDE GALIEN, PRE-

MIER LIVRE.

P R E F A C E.



*V*cun n'a escrit de la dissection des muscles, qui ne merite d'estre repris: toutesfois Marinus l'a escrite plus exactement & diligemment que les autres: mais pource qu'il n'en a point escrit en un liure de part, & n'a point

tenu d'ordre pour traicter de tous, à ceste raison la dissection des muscles colligee par Pelops, Lycus, & Aelianus, à bon droit a esté bien estimée. Pelops en son troisieme liure Des institutions Hippocratiques, a monstré la dissection des muscles, & des autres parties du corps. Lycus a composé un fort grand liure sus mesme argument. Aelianus au liure qu'il a fait comme un sommaire des liures escrits de son pere, nous ha déclaré la dissection des muscles, & ensemble de toutes les autres parties du corps. Le liure de Lycus est par trop prolix, par ce qu'il expose toutes choses fort au long, & qu'il a meslé des questions logiques & contentieuses avec ce qui apparroist en l'anatomie: & aussi qu'il a tenu plusieurs propos des

maladies, qui ne touchent, ni seruent de rien à la dissection des muscles. Aelianus & Pelops ont seulement traité la dissection des parties exterieurement apparentes, ce que j'ay intention de faire en ce liure. En deux autres commentaires j'ay discoursu du mouuement des muscles: j'ay parlé de leur vtilité, & de toutes les autres parties du corps, au grand ceuvre intitulé, De l'usage des parties. j'ay enseigné aux liures des Administrations anatomiques, comme on se doit exercer en la dissection non seulement des muscles, ains aussi de toutes les autres parties de l'animal: & à ceste cause, ie n'auois delibéré escrire aucune chose particulièrement de la dissection des muscles, ains reduire en un volume tout ce que j'ay inuēté de nouveau par l'anatomie, & puis exposer tout ce que nos predecesseurs medecins ont obmis, ou mal obserué, & entendu: toutesfois pource qu'aucuns miens amis se veulent exercer d'euxmesmes en l'anatomie, ilz m'ont prié & non sans cause, leur faire quelque Commentaire & recueil des choses qu'ilz auoyent venues chez moy, lors que ie les leur monstrois, & m'ont incité à composer ce liure, auquel j'explique tout ce qui se veoit en la dissection des muscles: sans aiouster aucune preuue, ou demonstration de leur action, ains reduisant seulement en memoire, les choses qui ont esté deduites & demōstrees en autres liures. Ces mesmes qui m'ont acheminé à ceste entreprise, ont esté d'amis, que ie note, & face mention de ce que Lycus a laissé ou nōchalamment escrit: par ce que sur tous on le tient auoir exposé tres clairement & tresbien la dissection des muscles. voila ce que promet ce mien liure, venōs à la narration d'iceux.



Vi desire s'exercer en l'anatomie des muscles, doit auoir suffoqué vn singe en l'eau, premierement l'ecorcher, comme nous auons dict aux Administra-

tions *anatomiques, en quoy plusieurs ont failli * Chap. 2.
donnans indiscretemet ceste charge au premier *liur. 4.*
trouue: aussi rompent ilz & confondent plusieurs choses, & entre autres le muscle tenure & large, qui au dessous de la peau est situe au coul. Si aucun ne la veult appeler muscle, ains substance ou nature musculieuse, ou en quelque sorte qu'il luy plaira, ie luy permets, & ne m'en soucie. Ce muscle comence en l'interieure partie, du lieu où sont les leures & les iouës: & en la posterieure, de l'echine: & tel qu'il est, à scauoir tenure & membraneux, est estendu tout al'entour, dessous la peau du coul: à raison dequoy, il ne se voit point, & semble plustost vne membrane qu'un muscle, pendant qu'on le regarde estant encor ioinct avec la peau: car s'il est separé d'icelle, on cognoist manifestement que c'est vn vray muscle, ce muscle ne retient ou lié aucune ioincte, aussi n'est il implanté en aucune, ains remue seulement les iouës, & la peau, aux quelles il est adherent. Son mouuement est euident & clair en nous, auant que faire l'anatomie d'iceluy, quād sans bouger la machoire inferieure & ouurir la bouche, nous voulons reculer les iouës l'une de l'autre obliquement. Quand le spasme doit venir à quelqu'un, ce muscle est tendu & retiré le premier de tous. Les spasmes furnommes Canins, se font estant principalement ce muscle

scle tors & affligé. Nous appellerons ce muscle pour rendre nostre discours plus clair, & intelligible, en Grec *μυὸς ἐπὶ τῷ τραχηλῶν*. comme si nous disions dilatation musculieuse. Ce muscle donc est posé al'enuiron de tout le coul: & va contre bas, en l'antérieure partie, iusques au forcelles: en la postérieure, iusques au commencement du dos, iouxté la teste des pallerons. Ce qui est entre son origine & son implantation est membraneux, & s'estend par le meillieu de l'echine du coul. Ceux qui iusques à present ont faict profession de l'anatomie, n'ot cognen ceste partie, pource qu'ils escorchoiét mal les animaux. Mais il est temps de venir aux muscles de la face.

Des muscles des leures. Chap. II.

LEs muscles des leures, qui sont du tout mêlés avec la peau d'icelles, sont en nombre quatre: deux en la supérieure partie, à scauoir vn de chaque costé, qui des iouës descendent contre bas obliquement: deux en la partie inférieure, produictz de l'extremité de la machoire, ou est le menton, nommé des Grecz *γέγιον*, à scauoir vn de chaque costé, cestuy ci du dextre, & cestuy-la du fenestre. Si les deux supérieurs sont tendus, la leure du dessus est tirée contremont: Si l'vn d'eux seulement est tendu, la leure est tirée vers iceluy. Ce mesme doit on dire des muscles inférieurs: car si tous deux sont tendus également, la leure est tirée contrebas: & si l'vn est tendu seulement, la leure est tirée vers iceluy. Quant au mouuement des leures en la partie intérieure, nous en parlerons au liure, auquel nous traicterons

rons de tous mouuementz douteux, & obscurs.

Des muscles des ailes du nez. Chap. III.

[L]y a deux muscles fort petits, ayans leur origine de la pomme de la ioue : de chaque costé vn : qui sont implantés chacun en l'aile du nez qui correspond de leur costé : & qu'ils ouurent.

* Le nez n'est serré & fermé d'aucun muscle, ains serend en moyenne constitution, quand les dictz muscles cessent de leur action : & n'y a muscle aucun qui l'ouure dauantage qu'il n'est pour lors : mais quand il se fait quelque grande & veheméte inspiration, les ailes du nez pour estre plus ouuertes, suivent & obeissent a l'impetuosite de l'air. Le nez est tiré cnotrebas par ce qu'il suit les leures avec les quelles il a connexion.

* *Ains plus tost les entretiennent ouuertes : ce qui apparoist par les parolles suivantes.*

COROLLAIRE.

Nous tenõs estre quatre muscles du nez : les deux susdicts, qui ont leur origine de l'interieure partie de la pomme de la iouë. Chacũ d'iceux est comme diuisé en deux pieces, de laquelle l'une va en l'aile du nez tournée de son costé, & l'autre, en la leure superieure, a l'endroit ou elle est située au dessous du nez, on estime l'action de ces muscles estre de hausser contre-mont le nez, & non de l'ouurir, par ce que de soy-mesme à cause de ses os & de la durté de ses chartilages, il se tient assez ouuert. Les deux autres muscles du nez, sont cachés en son interieure capacité, sous la tunique qui par dedans le couure : & sont ces muscles fort membraneux & petits, leur action est, de retirer & referrer en dedans les ailes du nez.

De

*Veoy
rveff. chap.
liure 7.*

AV* dessous de la peau du front est estendue vne substâce tenure & subtile, vnüe avec la dicte peau: & à ceste raison toute la peau du front ha mouuemēt, sans que la machoire soit remuee.

Des muscles des yeux. Chap. V.

LEs muscles situés en la base de l'œil, soit qu'ou les cōpte pour vn, soit qu'on les estime deux, ou trois, ioinctz & vnis ensemble, seruent pour tenir l'œil assëuré, principalement quand il nous faut regarder droict & fermement quelque petite chose. Tous les autres muscles qui remuent l'œil sont en nombre six: desquelz les quatre gouuernent les mouuemens droicts: les autres deux virēt & tournoyent tout l'œil, & ceux ci ayans leur origine de la region du grand coin, s'inferent au petit. Des quatre qui font les mouuemens droicts, l'un le tire contrehault: le second, contre bas: le troisieme vers le nez: le quatrieme vers le petit coin. Ceux qui disent ces muscles n'estre que cinq, & non six, comme Lycus mesme l'a cuide, se trompent non seulement au nombre d'iceux, mais aussi en la congnoissance de leur action.

COROLLAIRE.

De ces six muscles, les quatre qui gouuernent les mouuemens droicts ont leur origine de la grosse & dure mēbrane, qui couure le nerf optique, & du nerf de la seconde coniugation, en chaque œil: & sont inferés en la corne de l'œil, en ligne droite, suivant la largeur d'iceluy, pres du grand cercle qui environne l'iris, ou la pupille. Les deux moindres qui font tournoyer

noyer l'œil, ont mesme origine que les superieurs, mais insertion differente, par ce qu'ils sont implantés en l'assiete basse de l'œil, par vne ligne oblique, iouxté l'iris, ou la papille, l'un du costé du grãd coin, & l'autre du costé du moindre. ces deux muscles oultre ce qu'ilz tournoyent l'œil, le menent & tirent quelque peu contre hault, & contre bas. Aucuns veulent le septième muscle ne seruir point seulement, pour couvrir le nerf optique, & assseurer ferme l'œil, ains aussi faire quelque mouuement droit d'iceluy, selon comme il lache ou guinde les vns ou les autres de ses filetz.

Des muscles de la machoire inferieure.

CHAP. VI.

LE mouuement de la machoire inferieure se faict par quatre coniugations de muscles. Les temporelz, nommés des Grecz *πρόσφίται*, la tirent contremont: ce que font aussi les muscles situés au dedans de la bouche. Et est menee & remuee de costé par les muscles situés aux iouës, nommés des Grecz *μαστήρες*, & de nous macheurs, ou masticatoires, leur estat donné ce nom à cause de leur vtilité. Et est tirée contre bas par les deux qui restent, & qui sont longz & estroictz. ilz ont leur naissance au dessous, & au derriere des oreilles: s'auanceans en la partie anterieure, par le coul, puis se rencontrans ensemble al'endroit ou les deux pieces de la machoire sont ioinctes. Leur action est, quand ilz se tendēt, d'ouurir la machoire. Entre tous les * muscles, ceux ci seulz ont leurs * *Ce mesme se voit en deux muscles de los* deux extremes parties, charnuës; & la mitoyenne, semblable a vn exquis & vray tendon. Des autres coniu

Hyoicles: & aux muscles de la seconde coniugatiō des muscles de la teste, par quoy il n'est point propre à ces muscles ici.

coniugations, les temporelz, qui sont grans & puissans, vn de chaque costé, s'implantent en la machoire, & du bout des poinctes d'icelle, nommees en Grec *νοπῶναι*, s'attachans à leur ecphyse ou faillie, par des aponeurōses fortes, qui sont tendons applatis, & semblables à mébranes, par lesquelles aponeurōses ilz tirent la machoire cōtre-mont, & ferment la bouche: à raison dequoy non seulement les modernes & ieunes medecins, mais aussi les vieilz & anciens, comme Hippocrates, ont nommé ces muscles, Macheurs. Pres du lieu ou commencent à sortir & se monstrier les tēdons de ces muscles, est situé par dehors, au dessus, & a l'entour, * vn os trauesier, nommé des Grecz *ξύρμα*, & de nous le iou du visage. Les muscles cachés dans la bouche, sont assis & couchés sus la partie large, & enfoncée de la machoire inferieure, & vont contremont au palais, estans * inserés dans certains os caués, & vuides, situés en cest endroit là, circuis & enuironéz d'aucunes apophyses, ou auancemens qu'il nomment en Grec *πτερυγοειδῆς* pour ce qu'elles ressemblent à des * ailes. Dans les os susdicts, ces muscles ont vn tendon * fort & robuste. Toute la partie trauesiere de ces muscles est ioincte & coherente avec les muscles temporelz, & certes ilz ont mesme action que les temporelz, à scauoir de tirer par dedās, la machoire contrehault. Aucū les ont pensé estre vne portion des temporelz, comme Marinus: les autres les separent d'iceux, & les cuident estre differens, cōme Aelianus, & Pelops. Lycus ne les ayant point cogneus, reprēd ceux qui disent estre quatre muscles

* On l'appelle constumierement & vulgairement, l'os paris: ou l'os lugal.

* Ainsi plus tost ilz naissent de la, & sont inserés en la machoire.

* De chauuesours.

* Il entend leur chef, & comment, qui est fort nerveux.

scles temporelz. Les deux muscles qui restent, de figure triagulaires, sont assis par dehors, en la longueur de la machoire inferieure, & s'auanceans plus outre, montent & s'insèrent à la pomme, & au iou du visage, avec leurs deux cheffz: & certes ce sont deux muscles en chaque iouë, & non seulement vn: desquelz l'action & l'usage s'entresuit, & seconde mutuellement, quand nous machons, par ce que l'un remuë la machoire en la partie anterieure, & l'autre en la posterieure. Ces mesmes muscles se ioignent & vnissent avec les muscles temporelz, dans le iou du visage.

Des muscles inserés de la teste aux pallerons.

C H A P. VII.

ESTRE leuee la dilatation musculieuse, * on veoit
 Esortir deux muscles du quignon de la teste, * *Veoy ci
 dessus ch. I.*
 nomme en Grec *ινιον*, & en Latin, *os occipitis*, vn de chaque costé, l'un à dextre, l'autre à senestre. Leur commencement estant large, & gresle, par vne ligne trauesiere, s'achemine vers les oreilles, & toutesfois ne paruiet iusques à icelles, ains demeure beaucoup plus court. De là, ces deux muscles ont leur origine & commencement: puis, s'elargissant tousiours de plus en plus, finablement s'implantent en la creste des pallerôs, iusques a la sommité ou fest de l'eпаule, nommee en Grec *ακρωμιον*, & comprennent mesme quelque partie des forcelles. Auant que faire l'anatomie nous pouuons manifestement veoir ces muscles en ceux qui font profession ordinaire des exercices: car ilz sont fort pleins, refaictz, & charnus, & occupent tout le coul. Leur action n'est point telle qu'afermoit Lycus,

auec plusieurs autres Anatomistes : car il ne tirét point contre bas la teste vers les pallerons, ains tirent les pallerons vers la teste. Cela auons nous monstre & prouué aux Anatomiques * administrations, auquel ce uure nous auons aussi traicte amplement de plusieurs autres mouuemens incongneus aux medecins noz predecesseurs, & enseigné la methode & dresseiere par laquelle se doiuet examiner & trouuer les mouuemens de chacu muscle. Auoir coupé & osté le chef des muscles susdicts, vne autre coniugation de muscles longs, & gresles, est couchee au dessous d'iceux. Ces * muscles en leur commencement sont gresles, & larges, & toutesfois en s'auanceant deuiennent tousiours plus rondz, & en fin se terminent en vn tendon gresle, vrayement rond comme vn nerf, inferé en la base du palleron, qui descendant premierement en l'interne * partie du palleron, puis se trainant iouxte la base, va iusques à la moitie d'icelle, & illec s'implante en l'os de ladicte base. Son vsage & action est de soufleuer la base des pallerons droit vers la teste. Lycus n'a point cogneu ce tendon.

Des muscles qui meuuent les pallerons.

C H A P. VIII.

LE mouuement du Palleron est fait par sept muscles en chaque costé. Les deux premiers, desquelz j'ay ores parlé, du quignon de la teste vord biais cōtre bas. Le troisieme ha son origine de l'apophyse trauersiere de la premiere rouelle. Le quatrieme, de l'os, qui enuironne le sifflet, ou larynx, qu'aucuns nomēt aussi l'enœud de la gorge. les deux autres

* Chap. 6.
liure 4.

* Ces muscles se trouvent aux Singes, & non aux hommes. Veoy vress. chap. 26 liure 2.

* Au coin superieur de la base.

autres, ascaudoir le cinquième, & sizième, ont leur origine de l'eschine. le troisième ayant le septième monté des reins ou lumbes, en la iointe de l'epaule, & est vn fort grand muscle. Cy apres, ie declareray la construction & nature, en la partie de ce liure, ou il sera traicté des muscles qui remuent la iointe de l'epaule. Le troisième muscle ayant son origine de la première rouelle, *s'insere en la sommité de la creste du palleron, a l'endroit ou iouste le fest de l'epaule, appellé des Grecz *απωμωτορ*, ell'est la plus haulte & releuee, & s'ested quasi iusques en la troisième partie de la dicte creste, ce muscle est charneux & peu large, il mene le palleron vers la partie trauersiere du coul. Lycus n'a cogneu l'action de ce muscle, ni l'origine, ni son implantation, disant qu'il a sa naissance des apophyses & auancementz du cabacet, qu'ilz nomment *συνδεσμός*, parce qu'ilz ressemblient à vn ponceon faict pour escrire, & cuident quil va en la sommité de l'epaule. le muscle *produit de l'os qui enuironne le sifflet, est principalement inferé en la partie de la coste superieure du palleron, ou est le commencement de l'apophyse & forieture, nommée en Grec *ἀγκυροειδής*, par ce qu'il est semblable à vne ancre. Ce muscle est long & estroit, & mene le palleron en l'antérieure partie du coul vers son principe, ce qui est commun à tous muscles en general. Le muscle *qui des reins môte en la iointe de l'epaule, estant adherent à toute la base, & partie caue du palleron, le lóg de sa coste inferieure, avec ses prises, & connexions, tire en la partie inferieure & posterieure tout le palleron, le

Aux singes son insertion est telle, mais aux hommes il s'implante en l'intérieure partie de l'angle supérieur, de la base du palleron.

** Ce muscle est, le quatrième de l'os Hyoïdes.*

**: Ce muscle est le quatrième de ceux de l'avant bras. Veoy vress. chap. 23. liure 2.*

Ce muscle est l'inferieure partie du second du palleron, nommé le capuchon. En l'homme il a son origine seulement des huit rouelles supérieures de la poitrine, & non des douze.

menant deuers soy contre bas & en derriere. Des deux aultres muscles par lesquels seulz, Lycus estime le mouuement du palleró estre fait, l'un qui est superficial ha son origine de toutes les rouelles de la poitrine, & s'inferé en l'inferieure partie du palleron. L'autre situé au dessous de cestuy-ci, ha sa naissance des sept rouelles de la poitrine, & des cinq du coul, & s'inferé en toute la partie cartilagineuse de la base. L'un & l'autre de ces deux recule en derriere le palleró, mais le premier en le reculant, le tire aussi contre bas: & le second la retire cõtre mont, deuers le coul. Si ces deux muscles sont tendus ensemble, ilz reculent le palleró en derriere, vers l'échine du dos, & les sept rouelles supérieures de la poitrine, iouxte lesquelles ilz sont estendus, & couchés.

COROLLAIRE.

L'ordre requiert apres les muscles de la face, qu'on disseque ceux de la teste & du coul: ce qui n'est possible auant que d'oster ceux du palleron, qui les couurent, parquoy Galien en premier lieu les Anatomise, & nous les reduirons en forme de table premiere-ment a la verité, & suivant l'opinion & obseruation des plus fideles & suffisantz Anatomistes de nostre temps, confirmée par la veue du subiect: puis seló que la narration de Galien les compte & declare.

*1. Ha sa naissance charneue de la secóde, troisiéme, quatriéme cinquiéme, & quelquefois siziéme costé, iacoit que rarement, auant que elles cõmen-
cét à finir en la cartilage qui se ioinct au brichet, & nõ comme dict Gal. de la iointe des costes auec le brichet, & du brichet mesme. Ce muscle estant
couché*

touché sous le palleron, en fin s'insere par vn tendon large & nerveux, entremeslé de chair, en l'interietire partie de l'apophyse Ancree, à l'endroit d'ou sort le chef le plus nerveux, du premier muscle entre ceux qui flechissent l'aumbras. Ce muscle, ha comme cinq ou six chefs, vn en chaque costé, diuises en figure de doigtz ecartés. Galien le tient pour le second de l'aumbras.

2 Et celuy qu'on nomme le capuchon, il naist du quignon de la teste, descéd iusques à la huitième rouelle de la poitrine, & s'insere trauesierement en toute la creste du palleron, en la sommite de l'épaule, & en la plus large partie des forcèles.

Les 4. muscles du palleron, à la verité de la anatomie.

3 Naist de l'apophyse trauesiere de la premiere rouelle, & aussi de la 3. 4. 5. & en l'homme s'insere en l'interieure partie de l'angle superieur, de la base du palleron: & au singe en la creste du palleron.

4 Naist des crestes des 4. ou 5. rouelles superieures de la poitrine, & des 4. inferieures du coul, nō comme Gal. dict, des 7. superieures de la poitrine, & 5. inferieures du coul, & s'insere presque en toute la base du palleron.

Galien au commencement de ce chapitre, dict les muscles, du palleron estre sept en nombre, & toutesfois mettāt en cōpte le quatrième de l'aumbras, duquel nous parlerons en son lieu, ilz s'en trouuent huit, lesquelz ie reduiray pareillement en table, pour aider à la memoire de l'apprenti, & pour plus facilement les chercher & recognoistre sus le suiet: & aussi pour rendre plus intelligible la procedure de Gal. écrite en ce liure, & aux ad-

ministrations Anatomiques, liure 4. chap. 6. & 10.
1. La superieure partie du capuchon, iusques à la
premiere rouelle de la poitrine.

2. Vn petit muscle propre aux singes, il naist au
dessous du premier, & du mesme lieu, & se trainât
par l'angle superieur de la base du palleron; s'in-
serc au meilleu de sa base.

3. Est le 3. de la table precedente, comme il se trou-
ue aux singes.

4. Est le 4. de l'os hyocides, que descrirons en son
lieu.

5. Est le 4. de l'auambras, qui au dire de Galien
remue le palleron, comme par accidēt, par ce qu'il
est attaché aux muscles situés audict palleron.
Nous le descrirons en son lieu.

6. Est l'inferieure partie du capuchon: qui au sin-
ge naist des 12. rouelles de la poitrine, & en l'hô-
me, des 8. superieures seulement.

7. Est le 4. de la table precedente.

Des muscles qui remuent la teste.

CHAP. IX.

LEs mouuēmens propres de la teste, qui se font
sans que le coul se remue, sont fort petits, &
de petite estēdue, deux en nombre, cōme aussi les
joinctes de la teste sont deux, l'vne par laquelle la
teste est tournoyee de costē: l'autre par laquelle ell'
est inclinee sus la poitrine, & releuee cōtre mont.
les mouuēmens de la teste, qui se font avec le mou-
uēment du coul, sōt plus grās, & de plus grāde estē-
due: mais j'en parleray ci-apres plus amplement.
Pour maintenāt ie traicteray des muscles, qui luy
sont

sont propres. Apres la susdicte coniugation des muscles gresles, que nous auons dit, auoir leur origine de l'os dit quignó de la teste, * & soufleuer le palleron, il ha suiuiamment vne autre cõugation, qui ha son origine trauersiere, charneue, & large, estendue iusques aux oreilles. A * ceste ci est adherente vne autre, ayant son origine du lieu, qui est au dessous des oreilles: ces deux cõugations vont le long de tout le coul obliquement en l'anterieur partie: & en leur premiere origine, sont medio-cretement ioinctes & vnies ensemble, puis en apres au dessous d'icelle, * elles se desunissent & separer plus qu'au parauant elles n'estoyent, à raison de quoy peut estre quelques vns cudent en chaque coste du coul estre deux muscles, & non vn seulement l'vtilite, le mouuement, & la situation des filetz est semblable en ces deux muscles: en cela different ilz seulement, que les filetz du premier muscle estans charneux en leur origine, & demeurás telz iusques à leur fin, s'implantent en la forcelle: & les filetz du second ayans leur chef semblable à vn ligament, & leur fin, à vn redon applati, s'implante & termine au brichet. Qui voudroit eplucher les choses par le menu, & trop subtilement, ce second muscle se pourroit diuiser en deux, parce que pres du coul, la ou il luy adhere, & estant attaché avec iceluy, touche à quelque sienne parties, il se diuise comme en deux. L'vne partie & la premiere * avec vne extremité nerueuse est inserree au brichet: l'autre faict vne insertion charneue au commencement de la forcelle: & ceste insertion est située au meillieu de l'insertion du muscle

* En la cõ-
ble des mu-
scles du pal-
leron, selon
le denombre-
mēt de Ga-
lien, ces mu-
scles sont cõ-
ptés pour les
secondz.

* ceste coniu-
gatiõ de la-
quelle il
faict deux,
est la 7. des
muscles an-
terieurs de
la teste.

* Quasi à
l'endroit
du meillen.

* Cela ne se
trouue ni en
l'homme, ni
aux autres
animaux
de quatre
piedz.

precedent, qui se termine au brichet, & l'insertion du muscle susdict, qui ha sa naissance du quignon. Si nous regardons le mouuement & l'vtilité, nous ne compterós tous ces deux muscles que pour vn. Son mouuement se faict en la partie oblique: son vtilité est de tournoyer & virer la teste en la partie anterieure: mais si nous consyderons qu'ilz ne demeurent pas tousiours exactement & parfaictement vnis, que leur origine & insertion n'est du tout semblable, & ne téd droict en vn mesme lieu, nous les estimerons estre deux. Leur origine est double, l'vne charnue, du quignon de la teste: l'autre plus nerueuse, au dessous de l'oreille. Leurs insertions telles, que les auons maintenát specifiees, sont pareillement deux, l'vne charnue, qui se rend en la forcelle: l'autre nerueuse qui se faict au brichet. Les professeurs de l'anatomie n'ont erre grandement en ceci: mais ilz ont certes lourdement failli en ce qui apparóist euidemment, & qu'on iuge à l'œil, pensans, qu'vne partie du muscle ayant son origine du quignon, est inserée en toute la longueur de la forcelle: Lycus toutesfois dict & afferme cela, & non seulement luy seul, mais aussi d'autres medecins personnages reputés & fameux, iacóit que ce muscle n'occupe pas la moitié de la forcelle, tant s'en faut qu'il la couure, & empoigne toute. Les muscles de ceste coniugation sont fort grans, & de forte qu'auant l'anatomie on les peut facilement veoir, & remarquer, & principalement au corps de ceux qui font profession ordinaire de diuers exercices du corps. Les Grecz les appellent Gymnastes. Les muscles qui naissent du quignon,

en la

en la partie postérieure, sont beaucoup moindres que les susdictz, & en plus grand nombre. De ceux-ci y a, par maniere de dire, deux especes, l'une, de ceux qui sont communs au cou & à la teste: les autres qui sont particuliers à la teste. Les communs au cou & à la teste sont diuisés en huit, asçavoir quatre en chaque partie de l'echine. La premiere coniugation ha son origine large au quignon, & descendant s'estroisist, tellement que la figure de chacun de ces muscles separeement, est semblable à vn triangle cōtenu dans angles droictz, duquel la base sera leur origine de la teste, & l'une des costes prochaine de l'angle droict, sera la ligne tirée sus les crestes des rouelles: & la troisieme coste qui reste, sera la ligne qui ioinct les deux susdictes. De ce que auons dict il est donc manifeste, que les filetz de ces muscles sont obliques, tournés & tracés de la partie laterale de la teste, vers la postérieure partie d'icelle. Ces deux muscles, de chaque part vn, sont estendus & couchés l'un sus l'autre, cōme deux lames & pieces de chair, ainsi rangees. Les auoir coupés & ostés, aucunes fois on veoit manifestement trois coniugations * de muscles, & le plus souuent deux, desquelles l'une estendue iouxte la creste des rouelles, ha ses muscles mediocrement larges, qui du quignon vont obliquemēt aux parties laterales des rouelles: l'autre ha ses muscles rondz: & qui ont la situation de leurs filetz contraire a la situation des filetz des muscles de la premiere coniugation susdictes, par ce que de la partie trauesiere de la teste ou ilz prennent leur origine, il vont en la creste des rouelles. Quand * on

* Ces trois coniugations ne sont comptées que pour la seconde de la teste: & les trois muscles en chaque coste, que pour vn.

* Veoy la
fin du 6.
cha. liure 4.
des Ana-
tom. admi-
nistr.

compte ces muscles pour trois coniugations, l'une sera assise iouxte les crestes de l'echine: la seconde iouxte les apophyses trauesieres des rouelles: la troisieme est situee au meillieu des deux. On peut neantmoins veoir que en l'origine de ces muscles souuentefois les filetz de la posterieure partie vont en l'antérieure de biais, tellement qu'ilz finissent tous en la partie des rouelles, ou sont leurs apophyses trauesieres. Auoir osté ces muscles, tu voiras clairement les coniugations de ceux, qui sont en la ioincte * de la teste. En cest endroit il y a d'une part & d'autre quatre petits muscles. Les deux naissent d'un mesme lieu & principe, ascauoir de l'os de la teste, en l'extremite du quignon, & touchent à la ioincte mesme. L'un d'eux & le plus nerveux, s'en va en la creste ou apophyse posterieure de la seconde rouelle, se faisant plus estroit au lieu de son implantation: l'autre s'insere de biais en l'apophyse trauesiere de la premiere rouelle. Vn autre troisieme ioinct ces deux ensemble, qui de l'apophyse trauesiere de la premiere rouelle va en la creste de la seconde. Ce muscle est insere en la partie laterale de l'apophyse trauesiere de la premiere rouelle, comme le fufdict, premier de ces trois, est insere en la pointe de l'apophyse posterieure de la seconde rouelle, laquelle apophyse les Grecz nomment *anabaz*, & nous la creste. Sous le muscle premier de ces trois, y en a couche vn autre petit, qui du quignon s'insere en la premiere rouelle. * L'action & office de ces petits muscles recités maintenat, qui sont huict en nombre, est remuer la teste a l'endroit de sa ioincte

* Ces muscles que, sui-
uamment il
recitera, s'ot
les propres
de la teste.

En la par-
tie posterieu-
re, ou est la
creste des
autres ro-
uelles.

ioincte seulemēt, comme l'action de ceux qui sont
 couchés au dessus, est, de remuer la teste avec tout
 le coul. Quand nous haussions la teste cōtrement,
 c'est action se faict par les muscles, qui vōt droict
 en la premiere & seconde rouelle. Les autres qua-
 tre remuent la teste, en la faisant incliner quelque
 peu de costé: & d'iceux, les deux qui ont leur ori-
 gine de la teste, & descendent doucement en biai-
 sant, la menent vers les parties laterales. Les autres
 deux faisans leur action, reduisent en sa situation
 naturelle asçauoir vers la teste l'extension obli-
 que d'icelle, & des parties de la premiere rouelle,
 contigues, faicte par le mouuement des muscles
 susdictz, qui leur sont opposites: & est notoire à
 chacun, qu'en chaque cōiugation de ces muscles,
 si vn muscle seul faict son actiō, la teste est remuee
 & menee de costé: si les deux la font ensemble, il
 s'ensuit vn seul mouuement droict. De ceste mes-
 me façon, aux coniugations des muscles gisans
 sus les susdictz, & occupans tout le derriere du
 coul, les obliques la haucent contremont par mou-
 uement oblique, & les droictz, par mouuement
 droit. Les professeurs de l'anatomie se sont abusés
 en ces muscles, veu qu'ilz n'ont escrit, ni leur nō-
 bre, ni leur action, ni leur assiere, ni leur ysage, ni
 leur figure. Outre ces dictz muscles, il y en a en-
 cor deux en l'antérieure partie, fors & longs, qui
 remuent la teste ensemble avec le coul. Ces * mu-
 scles vont iusques à la cinquieme rouelle de la poi-
 etrine, estās couchés en l'antérieure partie sus tou-
 tes les rouelles, & au dessous du gosier. Leur chef,
 qui est charneux, ha sa naissance de l'inferieure
 partie

* Ces mu-
 scles sont re-
 nus et com-
 ptes pour la
 1. coniuga-
 tiō du dors.

partie de la teste, & occupe la region contenue entre la ioincte de la teste, & l'extremite inferieure de la cousture cheyronnee, ou lambdoeide en icelle. Si ces muscles tous entiers font leur action, ilz flechissent la teste avec le coul: & quand seulement leur partie superieure inferce, de la teste en la premiere & seconde rouelle, faict son action, elle remue la teste seule contre bas vers la poitrine: la dicte partie superieure ha quelquefois vne euidente & particuliere circonscription, ou delineation, qui correspond en proportion aux petis muscles posterieurs ci dessus * mentionnes. Outre les muscles susdictz y a deux autres coniugations de petis muscles al'entour de la ioincte de la teste, procedantes des parties traueserieres: l'vne ioinct & attache la premiere rouelle à la teste, l'autre qui ne se trouue pas tousiours, attache la seconde rouelle

* Qui de la creste de la seconde rouelle vôt au quignon.

* Nos Anatomistes ne recognoissent point ces muscles.

* 4. de chaque costé: le 1. de la teste.

* 4. petitz de chaque costé, qui meuuent par derriere la teste, sus la 1. & 2. rouelle.

avec la premiere. L'action de ces * muscles est, remuer de costé les ioinctes de la premiere rouelle seulement, en baissant la teste. De tous ces muscles qui enuironnent la ioincte de la teste. Lyeus en a cogneu deux seulement, ignorant tous les autres, comme aussi les huit posterieurs * du quignon de la teste, communs à icelle & au coul, ainsi que nous auons declare: & la raison a este qu'il n'a peu distinguer ces muscles d'avec ceux de l'echine. Quant aux autres huit * il les ha ignorez, & n'est de merueilles, parce qu'ilz sont tapis & cachez sous les huit sus mentionnes.

COROLLAIRE.

Pource que la façon d'enseigner la particularite des muscles, obseruee de Galien est differente de la nostre,

nostre, & confond les muscles aediés au mouuemens des parties du corps, comme en ce denombrement il aconfond ceux du dos, avec ceux de la teste, nous redigerons sommairement le discours d'iceux en tables, suiuan l'ordre iatenu. La teste est remuee par quatorze muscles, asçauoir sept de chaque costé, ou bien sept coniugations: mais nous ferôs le compte par les muscles d'un costé seulement.

Le 1. ha son origine de la poincte de la creste, des cinq premieres rouelles de la poictrine, & aussi des cinq inferieures du coul, mais petitement: il s'implante en ligne trauerriere, par vne charnue & large insertion, en l'os du quignon de la teste.

Le 2. a son origine du meillieu de l'apophyse trauerriere de la cinquième & quatrième rouelle de la poictrine: & s'implante au meillieu de l'os du quignon de la teste. Il semble estre composé de trois muscles, desquelz l'un est ia d'escrit, qui en chemin se mesle avec yn autre produit de la creste de la septième rouelle du coul, & ne sont estimés ces deux que pour vn. Le second naist des apophyses trauerrieres de la premiere & seconde rouelle de la poictrine, & s'infere au quignon de la teste, en la racine de l'apophyse mamillaire. Le troisième est vne masse de chair couchee sous les deux mentionnés, qui montant obliquement des apophyses trauerrieres des rouelles vers la creste d'icelles, s'implante en l'os du quignon.

Le 3. va droit de la creste de la seconde rouelle, en l'os du quignon.

Le 4. couché sous le precedent, va droit du meillieu de la postérieure partie de la premiere rouelle, en l'os

en l'os du quignon.

Le 5. va biaissant, du quignon, en l'apophyse tra-
uersiere de la premiere rouelle.

Le 6. va biaissant, de l'apophyse trauersiere de la
premiere rouelle, en la creste de la seconde.

Le 7. procede du meillieu du brichet, & de la
partie de la forcelle enioinctee là, & s'insere en l'a-
pophyse mamillaire de l'os des temples.

Le 1. ha son origine charnue du quignon: &
s'implante par vne extremité charnue en la for-
celle.

Le 2. ha son origine nerueuse au dessous & der-
riere des oreilles, & s'implante par vne extremité
nerueuse au brichet. Aux hommes ces deux ne sont
que vn, qui est le septième de la table precedente.
Aux singes ilz sont ainsi separes.

Le 3. est le premier de la table precedente.

Le 4. est le second de la table precedente.

Le 5. est le tiers de la table precedente.

Le 6. est le cinquième de la table precedente.

Le 7. est le sixième de la table precedente.

Le 8. est le quatrième de la table precedente.

Le 9. par le deuant du coul, procedant des par-
ties trauersieres des rouelles, ioint la premiere
rouelle avec la teste.

Le 10. ayant mesme origine, & mesme achemi-
nement, ioint la seconde rouelle avec la premie-
re. Ces deux muscles ne se trouuent point aux ho-
mes, & de nostre temps ne sont recognus par les
anatomistes.

Le 11. est le premier du dors, que descrirons en
son lieu.

*Selon Gal.
le mouue-
ment de la
teste se fait
par 11. mu-
scles, en cha-
que costé,
desquelz*

Des muscles de l'artere respiratoire. Chap. X.

LA grosse artere respiratoire, surnommée, Apre, ha quatre muscles propres, & peculiers, qui en se tendant, l'estroieissent, & reserrent: tirans cōtre mont, tant le fourchon de la langue, nommé vulgairement, l'os Hyoeides, que le nœud de la gorge ou larynx. Les plus grandz de ces muscles ont leur origine de l'extremite inferieure de la ligne droite du fourchon de la langue nommé l'os Hyoeides, s'auanceans par toute la longueur de la dicte grosse Artere, & s'implantent en l'interieure partie du brichet. Quelquefois chacun de ces muscles te semblera estre fendu & diuisé en deux. Les autres deux ont leur origine de la trauersiere & inferieure partie de la targuette du sifflet, (qui est vne chartilage nommee des Grecz *επιπεσίδης*, & vulgairement scutiformis,) embrassans ladicte Artere de costé, se terminent & inserent au brichet. Recordons nous toutes choses estre dictes & obseruees sus les singes. Quant a la difference qui est entre les singes & les autres animaux, nous en traictons aux Administrations anatomiques.

CORROLAIRE.

Si nous prenons la grosse artere respiratoire, ou Apre, cest tout vn, pour le sifflet, & le canon d'icelle penetrant dans le poulmon, nous luy pourrons bien attribuer des muscles, entant que le sifflet, qui est son chef, en ha de propres & de communs: mais si pour l'Artere nous entendons son canon seulemēt, elle n'a ni muscles, ni mouuement volontaire. Or de ces deux cōiugations que Galien décrit, comme propres a icelle, la premiere est du fourchon de la langue, nommé

os Hyo

os Hyocides: l'autre est des muscles communs au larynx, ou sifflet, & pour ce que ci apres nous reciterons les muscles tant propres que communs du sifflet, avec ceux du fourchon de la langue, pour maintenant nous n'en tiendrons plus long propos.

Des muscles propres au sifflet. Chap. XI.

* Ceste con-
iugation est
la premiere
des muscles
communs du
sifflet.

* Ceste con-
iugation est
la troisieme
des communs
du sifflet.

EN l'antérieure partie de la targuette du sifflet, sont couchés deux muscles, l'un à dextre, l'autre à senestre, tout droictz, en la longueur d'icelle, qui ont leur origine de l'inférieure partie du fourchon de la langue. Ces muscles tirent la targuette en l'antérieure & supérieure partie. Deux autres muscles naissans de l'extrémité postérieure de la targuette, vn de chaque costé, sont inferés au gosier, l'embrassent, & environnent, comme le muscle nommé sphincter embrasse le cou de la vessie. Ces muscles serrent & pressent la targuette. En apres deux muscles en chaque costé, approchent & ioignent les extrémités de la premiere & seconde chartilage. Apres ceux ci quatre autres de la seconde chartilage vont en la troisième, desquelz les deux dilatent la ioincte en derriere, & les deux autres la dilatent de costé. Apres ceux ci, y en a deux autres, n'apparoissans point avant que le sifflet soit ouuert, qui ioignent tousiours la targuette avec la chartilage nommée des Grecz τριχοειδής, par ce qu'il ressemble le bec d'une aiguiere, & non pas tousiours la seconde qui n'a point de nom avec la tierce. Ces muscles font action opposée aux quatre susdictz. D'auantage environ la base de la tierce chartilage y a vn muscle parti en deux, ou deux muscles, ou comme il te plaira

* Les grecs
appellent la
premiere
chartilage
du sifflet,
Targuette:

plaira les nommer, qui ne se trouuent pas en tous animaux, ains en aucuns seulement, & qui serrēt ceste chartilage, fermants le sifflet. Les professeurs de l'anatomie ont certes grandement erre au denombrement, & declaration de ces muscles.

la troisieme, Bec d'aiguiere. La seconde n'a point de nom. Aucuns l'appellent le Deillot, par ce quel ressemble a vn Deillot de corne, duquel les Turcs sent au pouce, pour tirer plus roide la chorde de l'arc.

COROLLAIRE.

Le sifflet ou larynx est composé de trois chartilages: la premiere nommee des Grecs *βυρσοειδής*, & de nous la targuette: la seconde dictée des Grecs *ἀνωρινός*, par ce quelle n'a point de nom, & d'aucuns le Deillot, comme il a esté noté en la marge: la troisieme composée de deux pieces, retenues par certains ligamens, & par la membrane qui en dedans tapisse le sifflet, nommee des Grecs *ἀπυρσοειδής*, & de nous bec d'aiguiere. Outre ces trois chartilages est le couuerceau du sifflet, qui empesche que la viande & le boire ne tombent dans iceluy. Ce couuerceau est d'une substance membraneuse, entremeslee de gresse molle, si robuste qu'elle tient de la force du ligament. Les Grecs le nomment *ἐσφυατίζ*, par ce qu'il couure la fente & creuace du sifflet, nommee des Grecs *γλωττίς*, des latins *ligula*, & de nous l'enche du sifflet, pource qu'elle ressemble à une enche de hautbois. Ceste fente est le principal organe de la voix, selon l'opinion d'aucuns. Voila sommairement la structure du sifflet, lequel est remué par vingt muscles, asçauoir douze propres, & huit communs des propres.

Les quatre premiers ioignēt la premiere chartilage avec la seconde, & les approchās ensemble ferment l'enche. En vn costé, des deux, l'un est interieur, qui de la seconde chartilage va en la premiere, ayant ses filetz rangés du derriere au deuant.

l'autre exterieur, qui de la premiere chartilage va en la seconde, ayant ses filetz rangés du deuant en derriere. Ainsy leurs filetz s'entrecourent en fautoit, ou en forme de X.

Les autres quatre ioignent la seconde chartilage avec la tierce, en vn costé, l'vn des deux gist sus toute la posterieure partie de ladicte chartilage: l'autre naist de la partie de la seconde chartilage, qui reçoit l'apophyse inferieure de la premiere, ses filetz montent obliquement, & avec leur extremite couurent la portion de la troisieme chartilage, qui n'estoit encor occupee de l'extremite du precedent. Ces muscles ouurent l'enche. Les deux premiers font ce mouuement droit en derriere: les autres le font en biaisant.

Deux ioignent la premiere avec la tierce, ilz naissent du meillieu de l'interieure & posterieure part de la premiere chartilage: & s'implantent en l'anterieure part de la troisieme. Ces muscles serrent & compriment l'enche.

Deux petis, quasi ronds comme vne poire, sont en la base de la troisieme chartilage, au lieu ou le sifflet est ioinct au gosier, & la troisieme chartilage rapportee à la seconde. Ces muscles procedent de la racine de la troisieme chartilage, la ou elle est prochaine de la premiere, & s'estendent contre-mont iusques au meillieu d'icelle. Ces muscles serrent & ferment l'enche, Voila briuement les muscles propres du sifflet ainsi nommes, à cause qu'ilz n'ont leur origine, estendue, insertion, de nulle, par nulle, en nulle part que du sifflet, & ne seruēt à nul autre mouuement, qu'aux siens. Les muscles

communs

communs sont appellés ainsi, par ce qu'ilz ont leur origine d'autre part que du sifflet, & semblent aider en quelque chose, au mouuement des autres parties, desquelles ilz naissent: ou bien tirer vers icelles hors la circonscription du sifflet, les parties dudit sifflet, aux quelles ilz sont inserés. Ces muscles sont en nombre huit, desquelz,

Les deux ont leur origine de toute l'inferieure partie du fourchon de la lague, qui est l'os Hyoides, & s'implantent, chacun de son costé, en l'inferieure partie de la targuette. Ces muscles en tirant la premiere chartilage contremont, dilatent le sifflet.

Deux autres allegués ci dessus par Galien pour muscles de l'Artere respiratoire, naissent au Gorgin, de l'interieure partie du brichet, & môtans d'un costé & d'autre de l'artere respiratoire, & s'insérant en la targuette, vont rencontrer l'extremite des precedents, se ioignant à icelle. Ces muscles en tirant contre bas la premiere chartilage, referrent le sifflet, & d'auantage estreignent & tiennent roide la grosse artere respiratoire, afin que quand on icte la voix, elle ne se redouble, ou elle ne s'elargisse trop: qui a peut estre, donné occasion à Galien, de l'escrire estre muscle d'icelle.

Deux autres, qui sont trauerriers, naissent du derriere du gosier, & s'implantent aux costés de la premiere chartilage. Ces muscles en serrant la dicte chartilage, ferment l'enche. Le beuf ha trois muscles de chaque costé, qui du gosier vont en la targuette: le premier, commun aux autres animaux: puis au dessous d'iceluy, deux autres petis

obliques: l'un inseré en la coste superieure de la targuette, & l'autre en l'inferieure: ce que nature a raisonnablement ordonné, par ce que les char-tilages de son sifflet sont grandes, & dures.

Deux autres incogneus à Galien, au moins ne les a il particulierement descrits en aucun lieu, combien qu'au chapi. 12. du 7. liur. de l'vsage des part. il dise outre les douze muscles propres du sifflet, en estre huit encor, n'en d'escruiat touresfois que six, naissent du meillieu de l'interieure partie du fourchon de la langue, & s'inferent en la racine du couuerceau du sifflet. Ces muscles haucent & redressent ledict couuerceau, abbaisé & abbatu par le manger & boire. L'homme d'une part & d'autre de l'artere ha des glandes charnues qui reçoivent les nerfz reuersifz remontans. Ces glandes sont couchees aux costés de la seconde chartilage, si grosses & grandes aux bœufz, qu'on les pourroit tenir pour deux muscles. Aucuns cuidet, & ainsi ie l'estime, ces muscles estre descrits ci-apres, pour les muscles du d'estroit de la gorge.

*Des muscles, propres du fourchon de la langue
nommé l'os Hyocides. Chap. XII.*

* Le 12.
chap. qui
estoit des
premiers
muscles de
la poictri-
ne, a este
remué d'ici
& transpo-
sé deuant
le 18.

* Je le com-
parerois
plus tost

L'Os couché sus la teste du sifflet, est d'aucuns nommé en Grec, Hyocides, d'autres Hypsi-loeides, & d'autres Lambdoeides, pour la similitude qu'il ha avec * Y. & Λ. maiuscules lettres Grecques cest os suiuant sa droicte ligne estédue en la longueur du coul, est insignement large: mais de luy sortent en lignes obliques, quatre costes, en deux coniugations: de la superieure partie, l'une, qui ha les costes gresles & tenures comme le bout

le bout d'un pinceon pour escrire: l'autre de son inferieure, qui ha les costes mediocrement larges. Les deux costes gresles sont attachees par des ligamens rondz & gresles, avec le bout des apophyses de la teste, nommees des Grecz *ελενοειδεις, χαφιοειδεις, συλοειδεις*, par ce qu'elles ressemblent a vne eguille ou pinceon à escrire. Les deux autres inferieures sont fort attachees avec la targuette du sifflet. Le fourchon de la langue est ioinct avec la machoire inferieure par deux muscles larges, produictz de la partie trauesiere de la ligne droicte d'iceluy, & implantés en la trauesiere partie de la machoire, apres l'origine des muscles * propres a icelle. Deux autres muscles attachés ensemble se terminent en l'extremite de la machoire, & ont leur origine, du bout supérieur, de la ligne droicte dudit os lambdoeide. Deux autres muscles, vn de chaque coste, naissent de la racine de l'os nomme styloide, mentionné ci dessus, & sont implantés par leur inferieure extremite aux lignes droictes du fourchon. Ces trois coniugations de muscles sont propres au fourchon, & le remuent d'un mouuement petit, foible, & obscur. Celle qui procede de la base du pinceon de l'os nomme belonoeide, le retire * en la partie posterieure. Les deux autres coniugations montent aux costes de la machoire, & le tirent contremont vers icelle. Les autres muscles naissans du fourchón, sont faictz pour le respect des autres parties: & d'iceux les vns vont aux pallerons, pour seruir à leur mouuement, comme auons dict ci dessus: les autres en la langue, comme nous dirons ci apres. Vn autre est assis exte-

*avec ypsi-
lon petit. u.
qu'avec le
majuscule.
Y.*

** Qui en la
baissant, o-
urent la bou-
che.*

** Plus tost
le tirent ilz
contremont
obliquement.*

** Il entend la premiere coniugation des communs du sifflet.* rieurément sus le deuant * de la gorge, soit qu'on le nomme vn seul, fendu en deux, ou deux vnis ensemble, ce qui me semble auoir plus d'apparence, & raison. Ces muscles derniers serrent la grosse Artere respiratoire, & retirent cōtremont le fourchon.

COROLLAIRE

Les Hyocides est ainsi nommé des Grecz, par ce qu'il ressemble au caractere, uique les Grecz pour le discerner d'un ἰωτα i. & d'un ἦτα η. surnomment ἰψιδόν. Sa construction est suffisamment declarée de Galien en ce chapitre. Son utilité est exposée au 19. chap. du 7. liure de l'usage des parties du corps humain. Quant à ses muscles il en a huit propres, quatre de chaque costé, & autant de communs, quatre qui vont en la langue, & quatre qui vont au sifflet. Des propres,

Le premier naist de la plus haute partie, interieure du brichet, s'estendant le long de la grosse Artere respiratoire, & du sifflet, & s'implante, en l'anterieure partie du fourchon, occupant toute la table d'iceluy, sus laquelle sont appuyees les quatre costes descrites en ce chapitre. Galie ci dessus attribue la coniugation de ce muscle, & son compagnon, à la grosse Artere respiratoire, & certes il luy seruent de rampart, & quant au mouuement du fourchon, ilz le tirent contre bas.

Le second a son origine de la machoire inferieure, au dessous du bout du menton, & fait son insertion contigue à l'insertion des precedens.

Le troisieme, naist de la racine de l'apophyse styloide de la teste, & s'implante au lieu ou les costes

costes de cest os, sont ioinctes avec la tablette du meillieu.

Le quatrieme naist de la coste superieure du palleron, pres du coul d'iceluy, & de la racine de son apophyse ancrée, & estant cache sous le premier muscle dudit palleron, va contremont au dessous du septieme de la teste, & s'implante au lieu mesme ou s'infere le tiers precedent. Il tire cōtre bas le fourchon, de biais, ce muscle, comme celui de la machoire inferieure, & ceux de la seconde coniugation de la teste, a vn tendon large & aplati en son meillieu. Galien ci dessus chap. 8. le attribué au pallerō. Voy les raisons pour lesquelles son opinion est peu croyable, en Vvessal, chap. 17. liure 2. Voila les propres muscles du fourchon. Galien comptant les muscles naissans de cest os chap. 19. liure 7. de l'vsage des parties, compte en premier lieu deux, qui vont au pallerons: puis vn double qui va au brichet, puis deux qui vont obliquement en la machoire: puis deux qui naissent de la racine du pinceon: tellement que la il n'en compte que deux qui voient en la machoire, & ici il en cōpte quatre. Noz anatomistes ne recognoissent point les deux qu'il dict naistre de la partie trauesiere de la ligne droicte du fourchō, & s'implanter en la partie trauesiere de la machoire, au dessous de l'origine de ses muscles propres, & peut estre se trouuent ilz aux singes qu'il anatomisoit, & non aux hommes. Le denombrement de ces muscles propres selon Galien, vient à six, desquelz les quatre procedent de la machoire inferieure, & deux du pinceon: il n'est besoin en traicter plus

longuement, par ce que leur origine & implantation est assez particularisee au texte, & en la table subsequente. De ces muscles communs, qui sont huiet en nombre,

Deux vont en l'antérieure partie de la targuette du sifflet, descrits ci dessus.

Deux vont en la racine du couverceau du sifflet, descrits ci dessus.

Les autres quatre vont en la langue, desquelz nous parlerons ci apres.

Des muscles de la langue. Chap. XIII.

Nostre precepteur & maistre Pelops escrit, que anatomisant vne langue de bœuf, on y trouue seize muscles. Quant à nous, comme il a esté dict au commencement de ce liure, nostre intention est practiquer l'anatomie sus vn singe, à cause de la grande similitude qu'il a avec l'homme.

** On les cõpte pour la cinquieme & sixieme de la lãgue, ou pour la troisieme cõjugation.* Des muscles qui remuent la langue, deux * qui sont longs & estroitz, naissent en la base & racine du pinceon, ou apophyse belonoide, & s'acheminent en la trauesiere partie de la langue, gouvèrners le mouuement oblique d'icelle. Tous les autres naissent de l'os nommé Hyoeides, & lambdoeides, qui enuironne la teste du sifflet: & sont quatre en deux cõjugations, inserés en la langue, & la remuans euidentement. Le cinquieme estant

** Il reprẽd ceux qui attribuoiẽt à la lãgue, la secõde cõjugatiõ des muscles du Fourchon,* * double, & commenceant au bout superieur de la droicte ligne du fourchon, est insere au dessous de la langue, & le long d'icelle, & paruiet iulques à l'extremite de la machoire inferieure, scauoir est, en la partie qu'on nomme, le menton, ou les deux os de la machoire se ioignent, & vnissent ensemble

semble. Ce muscle haue contremont le fourchon vers la machoire, estant opposite à ceux, qui le tirent contre bas vers le brichet: & ne faict aucú manifeste mouuement de la langue. Ceux qui la remuent euidentement sont les quatre susdictz, desquelz les deux ont leur origine de la superieure * partie du fourchon, au lieu mesme ou prend sa naissance le muscle cinquieme, double, otes mentionné, mais quelque peu plus en sa partie laterale. Les autres deux * suiuiammant naissent des costés inferieures & trauerfieres de la droicte ligne du fourchon: & s'inferent les plus * grands de ces quatre en la region mitoyenne de la langue, s'entretouchás tousiours, & vont ainsi iusques en l'antérieure partie d'icelle, nommee des Grecz *ἡ δὲ μέσος*, comme si nous disions la partie lice, & vulgairement, le filet de la langue. Les * moindres s'inferent aux costés de la langue, entre les precedens, & ceux qui naissent de la racine des ponceons, ou apophyses belonoeides. Les mouuemens faicts par ces muscles correspondent à leur situation, & se font de biais par les obliques, de trauers, par les trauerfiers, en ligne droicte, par les droicts. Or pour enseigner ceste chose plus clairement, nous appellerons ceux qui procedent des ponceons, trauerfiers ou lateraux: ceux qui naissent de l'oblique partie du fourchon, obliques: ceux qui sont produits du bout superieur d'iceluy, droits. Au dessous de tous les susdictz, sont situes * ceux qui ayans leurs filetz trauerfiers, sont produictz de toute la langue, & inferés presque en tout l'os de la machoire inferieure, fors qu'au méton. Tous

descripte ci dessus. Toutesfois ceux qui l'escriuoient ainsi, sembloient entendre la masse de chair, que cōptōs pour le neuſieme muscle, & non la susdicte coniugatio du fourchon.

** On la cōpte pour la premiere cōiugation.*

** On la cōpte pour la seconde cōiugation.*

** De la premiere cōiugation.*

** De la seconde cōiugation.*

** On les cōpte pour la quatrieme cōiugatio.*

Et de la ces muscles recités ont faculté de courber* & han
remuer en cer la langue.
derriere, &
en deuant.

COROLLAIRE.

La langue est principalement faicte, comme par l'assemblage de deux muscles longs, ioinctz ensemble par un ligament subtil, & membranoux, aussi large que la langue est epaisse. Ces deux parties musculouses ont leurs filetz obliques droitz & trauersiers, au contraire des autres muscles, qui pour la plus part, n'ont qu'une espee de filetz. Elle est attachee au dedans de la gorge, par dessous, avec vn ligament fort, qui se voit, estant icelle repliee, & la bouche ouuerte. Ce ligament donne de grandes utilités. Car sans iceluy quelquefois la langue se retireroit trop en derriere, & estant iettée dehors, ne retourneroit dedans: d'auantage elle n'auroit son assiette ferme & asseuree, veu que de toutes parts, elle seroit deliée, & en liberté. Que le ligament serue aux utilités susdictes, nous le cognoissons par experience des œuvres de l'art, si on le coupe, ou si par quelque humidité superflue estant relaxé, nous le desechons. La lāgue est remuee par huit muscles, en quatre coniugations, & vn neuvième sans compaignon.

La premiere coniugation naist de la mitoyenne & superieure partie du fourchon, & s'inferé au meillieu de la langue, suiuant sa lōgueur. Ces muscles retirent la langue en dedans, & en derriere.

La seconde coniugation naist des costes superieures du fourchon, qui comme il à esté dict, se terminent au pinceons de la teste, & procedante obliquement, s'inferé aux costés de la langue. Si l'vn de ces deux faict son action seul, la langue &
princi

principalement la racine est tiree contre bas, de biais: si tous deux par ensemble font leur action, elle est tiree en dedans & contrebas, sans incliner çà ni là.

La troisieme naist des pinceons de la teste, ou apophyses belonoïdes, & s'infere en la langue pres de l'extremite des precedes. Si l'un de ces muscles seul faict son action, la langue est tiree en dedans, cōtremont, de biais. Si tous deux la font ensemble, elle est tiree en dedans, & contremôt, mais sans incliner çà ni là.

La quatrieme naist aux costes de la machoire inferieure, ayant son chef large, & gras d'une humeur visqueuse, en la racine des dentz machelières, & s'implante en la langue, suivant sa loqueur, non pas vrayement au meillieu d'icelle, mais au meillieu des muscles de la premiere coniugation susdicte, & iusques au bout du filet, ou ligament, par lequel la langue est attachee en l'inferieure partie du destroit de la gorge, ou du gauion. Si l'un de ces muscles faict son action seul, la langue est menee obliquement en la partie d'iceluy: & si tous deux font leur action par ensemble, elle est plaquee d'un mouuement droict contre l'inferieure partie du gauion.

Le neuvieme muscle est vne masse de chair, prestant son origine de l'interieure partie de la machoire inferieure, al'endroict du menton. Ceste masse faict son insertion large & ample en derriere, & contremont, dans le gauion, en la racine de la langue, laquelle elle tire tantost contre bas vers le menton, tantost vers le meillieu des leures, tantost

toit obliquement & de biais, comme elle tend, ou relache les vns ou les autres de ses filetz. Ceste maise a certains & plusieurs delineamens, à raison desquelz on la iugeroit n'estre point vn seul & simple muscle, ains plusieurs accumulés ensemble. Voilà sommairement les neuf muscles, au récit desquelz confrontant le denombrement de Galien, tu remarqueras aisément ce qui y deffaut, à sçauoir la declaration de ce dernier & neuuiesme muscle.

Des muscles du gaulon. Chap. XLIII.

AVdeuant du gosier, & du sifflet ou larynx, y a vn lieu commun au deux, auquel l'orifice de tous deux se rend & termine. On l'appelle en Grec *ισμὸς*, * par ce qu'il est estroict & long. La partie qui enuironne ce lieu est nommee *σφύγγη*. En icelle à de chaque costé vn muscle, qui lors faict son action, quand on iette la voix, ou quand on auale quelque chose. Le chef de ces deux muscles est situé aupres des muscles, qui de l'inférieure partie montent au costés de la langue.

* Ce mot signifie en Grec vne estendue de terre, entre deux mers, longue & estroicte.

COROLLAIRE. En plusieurs lieux Le plus souvent les Grecs appellent *σφύγγη* l'estpace qui est puis la luette, au derriere du palais, iusques à la bouche du gosier, & iusques au sifflet. Quelquefois nomment ilz aussi de ce vocable le sifflet ou larynx. Nous le nommons vulgairement le gaulon, ou le destroict de la gorge. *ισμὸς* est le passage mitoyen entre l'entree du sifflet & du gosier, ainsi le nomment ilz par ce qu'il est au meillieu de ces deux conduitz, comme vne langue de terre entre deux mers. L'isthme donc est centenu dans le pharynx, ou gaulon, com

me par

me partie & portion d'iceluy, Ces deux muscles situés au gaulon, desquelz il parle maintenant, sont au iugement de plusieurs, qui me semble auoir de la raison & apparence, les muscles communs de la quatrième coniugation du sifflet, comme ci dessus a esté noté en passant. Il font leur action quād nous iettons la voix, par ce qu'ilz tiennent le couuerceau du sifflet ouuert, qui sans cela fermeroit la sortie d'iceluy, empeschant l'efflation qui est matiere de la voix: & quand nous auallons, par ce qu'ilz rehaucent ledict couuerceau abaissé par la cheute & engloutissement du boire & manger.

Des muscles qui remuent le coul. Chap. XV.

Nous auons recité ci dessus les muscles * com-
muns à la teste & au coul, à sçauoir les trois
premieres * coniugations de ceux qui ont leur ori-
gine du quignon: & vne autre de ceux qui sont
couchés au dessous du gosier. Car pour dire en vn
mot, tous muscles qui estans produictz de la teste,
sont inserés en tout le coul, sont cōmuns aux deux
parties. En ce chapitre nous traicterōs des muscles
propres au coul. D'vne part & d'autre d'iceluy,
sont asis deux muscles: l'vn qui se doit nommer
plustost anterieur, & l'autre posterieur. Le poste-
rieur à son origine de toute l'apophyse trauerriere
de la premiere rouelle, alédroict ou elle est la plus
rehaucée & courbee. Car le muscle que ci dessus
nous * auons dict, monter sus la creste du pallerō,
à sa naissance de la partie interieure de ladicte apo-
physe, & ce muscle de l'exterieure. Or ce muscle
posterieur, * duquel ie faictz estat parler mainte-
nant, descend iusques au pallerō, prenant sa nais-
sance

*Qui sont
ceux de la
premiere cō-
iugation de
la teste: &
ceux de la
seconde, cō-
ptee pour
deux coniu-
gations: &
ceux de la
premiere du
Dors. Som-
me huit
muscles.*

*Veoy ci des-
sus le 9. cha.
* Si on com-
pte la 2. con-
iugation de
la teste pour
deux seule-
mēt, ces con-
iugations ne*

teront que
erois: si on la
compte pour
trois, comme
il l'a com
ptée ci des-
sus, elles se-
rôt quatre.

* Cha. 8. ce
muscle est le
3. du Palle-
ron.

* Ce muscle
est tenu
pour l'un
de la troisie
me conuga-
tion des mu-
scles du
Dors.

* Celuy
qu'on cõpte
pour le se-
cond de la
poictrine.

* Aucuns
lisent, estant
aussi pro-
duit des au-
tres rouelles
du col.

* Aux Sim-
ges, ce mu-
scl se trou-
ue, & se cõ-
pte pour la
troisieme de
la poictrine,
mais non en
l'homme.

fance de toutes les rouelles, par le moyen de cer-
tains ligamens forts, de sorte qu'il semble estre
plusieurs muscles, & non pas vn seulement. Son
extremité inferieure est exactement contigue au
muscle* de la poictrine situé en la partie enfoncée
du palleron. L'autre muscle du coul, surnommé
l'anterieur a sa naissance de l'apophyse pertuisée
de la seconde rouelle, estant* produict avec les
autres muscles du coul, puis de la descend iouxte
l'aixelle, iusques à la cinquième coste de la poictri-
ne, & quelque fois touche à la sizième, vne portion
d'iceluy mesme est inseree en la premiere coste
qui succede à la forcelle. Ce* muscle est en quel-
que sorte plus rond & long que le precedent. Son
action, entant qu'il est implanté au coul, est de le
flechir obliquement en l'anterieure partie: & en-
tant qu'il paruiet iusques au costes de la poictri-
ne, est de la dilater. Parquoy il feroit plus à propos
que nous estimions estre deux muscles ioinctz en-
semble, comme* aucuns des sus mentionnés: ou
si nous ne le comptons que pour vn qu'il soit mis
au nombre des muscles de la poictrine: attendu
que manifestement on le veoit dilater icelle, & nō
pas si euidentement faire le mouuement du coul
en l'inclinant contre bas. Le muscle precedent faict
vn mouuemēt contraire à cestuici, flechissant tout
le coul de biais, plus vers la partie posterieure. Or
si deux* de ces muscles opposites sont tendus en-
semble, il se faict vne moyenne flexion du coul, &
non de biais. Si les muscles anterieurs seulemēt,
situés d'une part & d'autre, à seauoir le dextre &
le fenestre sont tendus, tout le coul est flechi con-
tre bas,

tre bas, droict en deuant: si les posterieurs font le semblable, tout le coul est contrainct de se flechir droict en derriere. Et si tous ces quatre font leur action ensemble, & tout d'un coup, le coul demeure droict, sans incliner çà ni là, comme il auient en l'espece de conuulsion, que les Grecz nomment *τρίστροφος*. * Côme l'^{re} posterieure & superieure partie du capuchon comprises pour deux muscles.

COROLLAIRE.

Comme il a esté noté succinctement, la premiere coniugation de ces muscles, que Galien attribue comme propres au coul, & surnomme posterieure, est la troisieme coniugation des muscles du dors, que ci apres nous declarerons plus amplement. La seconde est aux singes & chiens, la troisieme coniugation des muscles de la poitrine, laquelle nous declarerons plus au long en son lieu. Aux hommes, ces derniers muscles ne sont, & ne se trouuent point.

Du muscle situe en la partie enfoncée du palleron qui dilate la poitrine. Chap. XVI.

IL n'importe rien si nous appellons les muscles, qui dilatent grandement la poitrine, à sçauoir vn de chaque costé, situé pres du palleron, ou communs au palleron & à la poitrine, ou propres à la poitrine. Ce muscle a son origine de la base du palleron, & est * estendu le long de toute la poitrine. Ceste sienne partie est cachée de sorte qu'il ne se peut veoir, premier que d'oster le palleron: l'autre partie de luy qui suit par apres, est apparente, & manifeste, à sçauoir celle qui descéd & s'implante en la poitrine, depuis le coul iusques à la sixieme costé. Ce muscle aussi s'estend & auance iusques à deux des costes fausses, pres de leur apophyse

* *Aucuns ne lisent, & occupent toute la cavité d'iceluy.*

physe cartilagineuse. Son implantation n'est point continue, & tout d'une traicte, ains est diuisee, & partie comme en de petits muscles, vn en chacune des susdictes costes. Apres & ioignant les extremités anterieures de ce muscle, le plus grand des muscles du ventre, prend le commencement de son origine, ayant ses productions suspendues & attachees en diuers lieux.

Des muscles couchés sous les forcelles.

Chap. XVII.

AV dessous de l'une & l'autre forcelle est couché vn muscle, qui ne peut estre veu manifestement, deuant que la forcelle soit ostee. L'un & l'autre de ces muscles est tout charneux, & s'implante en deux os, l'un qui est la forcelle: & l'autre qui est la premiere coste, & la plus petite de la poitrine, nommée en Grec *κατακτὴς*, par ce qu'elle gist au dessous de la forcelle, que les Grecz nomment *κατὰ*, ce muscle est ioinct à la partie de la forcelle qui monte vers la sommité de l'épaule: & attaché à la partie de la premiere coste, par laquelle elle s'assemble avec le bricher. Quelques professeurs d'anatomie sont en doute de l'action de ces muscles. Aucuns d'iceux, comme Lycus, estiment le palleron estre remué par ces muscles, aux animaux qui n'ont point de forcelles: & pense ledict Lycus, en quoy il s'abuse tres grandement, ces muscles estre ioinctz avec l'apophyse ancrée du palleron, dictée des Grecz *αγρὸς*. Or ne pouuant alleguer ceste raison en l'homme, & autres animaux qui ont des forcelles, il attribue à ces muscles comme vsage d'un ligament. Toutesfois cela est con-

traire

traire a verité. Ces muscles certes ont plustost me
me actiō, que les autres muscles intercostaux. Car
comme chacun d'iceux avec leurs extremités ex
terieures tire la plus basse coste vers la plus haute,
ainsi ces muscles souleuent la premiere coste vers
la forcelle.

Des muscles de la poitrine. Chap. XVIII.

DEs muscles de la poitrine, ceux qui gisent
entre les costes, à sçauoir aux espaces d'entre
icelles nommés des Grecz *μεσοστέυρια*, sont vingt
& deux en nombre, qui ont leurs filetz contraires
en longueur. Car leurs filetz ne vont point de l'e
chine du dors droict au brichet, comme d'aucuns
* muscles, qui de l'echine tendent en iceluy: ains
leurs filetz interieurs & exterieurs sont inferés
d'une coste en autre, & est leur situation contraire
entr'eux, tellement qu'ilz s'entrecouppent à la si
militude & figure de la lettre X. Les filetz exte
rieurs sont inferés des costes superieures, aux par
ties & bordz des inferieures, & dilatent la poitri
ne. Les filetz interieurs situés au profond, la ser
rent: & au contraire de ce qu'auons dict, font leur
action les filetz couchés sus la partie cartilagi
neuse des costes, qui se red & rapporte au brichet,
par ce que les filetz exterieurs & superficialz en
cest endroit là serrēt la poitrine, & les interieurs
& profondz, la dilatent. Mais les muscles assis en
tre les costes fausses, ont mesme assiette de leurs fi
letz, puis leur commencement iusques en leur ex
tremité, par ce que ces costes ne se replient * point
pour retourner contremont vers le brichet, com
me les vrayes. Les premieres costes sont tirees con

* Comme le
cinquieme
de la Poi
itrine.

* Voy le
premier cha
pitre liur. 8.
des Admi
nistr. Ana
tomiques

tremont par vne coniugation de petits muscles. L'onzième & douzième sont tirées contre bas, par deux autres coniugations. Car la douzième coste au dehors du diaphragme (qu'il soustient,) est ioincte avec le moindre * muscle oblique du ventre: & souuent nous voyons, qu'il a circonscription d'un muscle propre & particulier, qui la tire contre bas. Trois autres coniugations de muscles qui descendent du coul, dilatent la poitrine. La première * & la plus grande, est couchée en la partie enfoncée des pallerons. La petite est au deuant de la susdicte coniugation: la moindre * des trois est au derrière d'icelle. Le chef & principe supérieur de la première, est la première rouelle du coul: de la seconde, la seconde rouelle du coul. La troisième est produicte par un ligament membraneux de la creste ou apophyse mitoyenne, tant de la dernière * rouelle du coul, que des deux premières du dors. La première coniugation de ces trois, va iusques au costes fausses la seconde, iusques à la cinquième coste, la troisième fait son insertion puissante & valide en la quatrième, cinquième, sixième, & septième costes, adherante legerement à la troisième. Tous ces muscles, & outre iceux, le diaphragme, dilatent la poitrine: & au contraire les muscles intercostaux avec la moitié de leurs filetz: ceux * qui gisent sus les muscles de l'echine, iouxt la racine des costes: la partie supérieure des muscles droictz du ventre: ceux qui abbaisent les dernières costes, serrét la poitrine: les * muscles aussi du ventre aident & seruent quelque fois à faire la contraction d'icelle. Nous auons parlé de tous

* Il entéd le muscle oblique ascendant, duquel l'extremite supérieure est inserée au bout des quatre costes inferieures: & quel qu'es soit a vne propre circoſcriptio cōme si ceſtoit un muscle entier & ſeparé.
* Ceste coniugation est la 2. de la poitrine.
* Ceste-ci est propre aux Singes & non à l'homme, voy le 3. chapit. liure 5. des Anatom. Administ.
* La 3. de la poitrine.
* De la creſte des trois

ces muscles aux liures des causes de la respiration: lesquels si aucun lit, il cognoistra euidentement l'action de ces muscles recités, presque tous, laquelle a esté incogneue aux Anatomistes noz de-uanciers.

COROLLAIRE.

Pource que le chapitre quinzième ouure le propos des muscles qui remuent la poitrine, j'ay faict suivre de rāg, celui qui en l'exemplaire Latin estoit le 12. & celui qui estoit le 23. par ce qu'ilz traitent mesme argument. Les Grecs nomment *θωρακα*, & nous la poitrine ce qui est environné & limité des costes. Son antérieure partie se nomme en Grec *σῆθος*, en laquelle est le brichet nommé des Grecs *σῆπρον*: la postérieure se nomme en Grec *πλάγος*, & de nous le dors. Ses limites supérieures par le dessus sont les forcelles, & par dessous la courtine du ventre nommée communement par un mot Grec recen en usage vulgaire, diaphragme. Les mouuemens de la poitrine sont deux à sçauoir dilatation & contraction, qui se font par octante muscles, quarante de chaque costé, & le diaphragme d'auantage, commun aux deux parties, qui faict l'octantième & un. Expliquons les quarante d'un costé, & les redigeons en table, à la verité de ce qu'observons en l'anatomie, puis suivrons le denombrement de Galien. Des douze costes, il y en a sept vrayes, qui sont les supérieures: & cinq fausses, qui sont les inférieures. Entre les sept vrayes, y a six intervalles: depuis la septième iusques à la douzième, y en a cinq. En chacun des six intervalles qui sont entre les costes vrayes, y a quatre muscles, deux extérieurs, & deux intérieurs. Ainsi en ces six interval-

rouelles inférieures du cou: & de la 1. du dors chapit. 3 liure 5. des Administr.

Anatom. * La 4. conjugation de la poitrine.

12 LA DISSEC. DES MUSCL.

les sont vingt & quatre muscles. En chacun des cinq intervalles, qui sont puis la septième coste iusques à la douzième, y a deux muscles, l'un exterieur, l'autre interieur. ainsi en ces cinq intervalles sont dix muscles, lesquels aioustés avec les vingt & quatre susdicts, font 34. muscles intercostaux d'un costé: restent six à dechiffrer, desquelz,

Le premier naist de la forcelle, & s'infere en la première coste.

Le second, au singe, naist de la première rouelle du coul, & en l'homme, de la base du palleron, & s'implante au meillieu des huit costes superieures, par huit tendons, comme par huit doigtz, & quelque fois aux neuf costes superieures.

Le troisième naist de la creste des trois rouelles inferieures du coul, & de la première du dors, & s'implante aux trois intervalles, qui sont entre les quatre costes superieures.

Le quatrième est estendu exterieurement, iouxté le sixième du dors, qui gist sus les apophyses trauesieres des rouelles des reins, & de la poitrine. il a son origine de la partie postérieure du croppio, & de l'interieure du flaque: & s'implante aux onze costes, & quelque fois au douze, voire quelque fois iusques à l'apophyse trauesiere de la septième rouelle du coul, incontinent que les costes se sont peu esloignees des apophyses trauesieres des rouelles.

Le cinquième a son origine de la creste de la douzième, vnième, & quelquefois dizième rouelle de la poitrine, & aussi de la creste de quelques premières rouelles des reins, large & membraneu

braneuse, & s'implante aux trois interualles, qui sont entre la neuuiesme, dixiesme, vnziesme, & douzieme costes.

Le sixiesme est couché dans l'interieure cauité de la poitrine, au dessous du brichet, iustement sous la chartilage des costes vrayes. Voilà l'ordre & situation des muscles de la poitrine. Galien en ce liure & au liure 5. des Anatomiques administrations chap. 3. ou il en parle expressement, n'a faict aucune mention du cinquiesme: au reste il en a iousté trois, qui ne se trouuent point en l'homme, mais aux singes.

Le premier qui naist des six rouelles du coul apres la premiere, & s'insere en l'anterieur partie des cinq costes superieures: descrit ci dessus entre les muscles du coul chap. 15.

Le second qui est vne creue des muscles droictz du ventre, qui commence à l'endroit de l'ecusson de l'estomach, & monte iusques en la premiere coste.

Le troisieme qui est vne creue des muscles obliques du ventre ascendants, ayant sa propre circonscription, come muscle entier & separé, outre l'extremite superieure d'iceux, inseree aux quatre costes inferieures, par laquelle elles sont tirees contre bas. Ces deux extremitez desdictz muscles, sont aussi comptees de Galien, pour vne autre coniugation des muscles de la poitrine: tellement qu'à ce compte, obmettant la cinquiesme coniugation de la precedente table, teue & laissée de Galien, outre les muscles intercostaux, & le diaphragme y auoit neuf coniugations des muscles de la poitrine.

ne, qui font dix & huit muscles.

Des muscles de l'echine. Chap. XIX.

LEs muscles de l'echine commencent de la seconde rouelle du coul. On les doit estimer, estre tant de muscles en nombre vnis & ioinctz ensemble, qu'il y a de rouelles en l'echine, commençant à compter de la seconde; ou bien que de chaque costé de l'echine ni a que vn muscle seul, fort grand, composé de plusieurs: Les filetz de ces muscles sont doucement obliques, or si d'un costé ilz sont tendus, ilz font incliner & courber vers soy, les rouelles qui leur sont continues, & attachees. S'ilz sont tendus d'un costé & d'autre des rouelles, à sçauoir de la partie dextre, & ensemble de la fenestre d'icelles, l'echine demeurant droite sans pancher, & flechir çà ni là de costé, se recourbe en derriere. Or si cela se fait par toute l'echine avec tension moderee des filetz, toute l'echine est seulement tendue droit: mais si les filetz sont tirés & guindés plus violentement, l'echine est courbée en derriere, & se trouue en vne constitution contraire à celle que les Grecz nomment *υπερωστος*: & nous, le dors bossu.

Des muscles qui flechissent l'echine. Chap. XX.

EN toute la superieure partie de l'echine y a deux muscles, gisans au dessous du gosier, comme il a esté dict, descendans iusques à la quatrième, & aucunes fois iusques à la cinquième rouelle de la poitrine, qui flechissent l'echine. En l'inférieure partie d'icelle, qui est le long des reins, toute la region interieure d'iceux a deux fort grandz muscles, que tous les Anatomistes nomment en

Grec

Grec *ΰβας*, on les appelle vulgairement, les muscles lūbaux; & le filet des reins. Ces muscles sont inferés au dessus du diaphragme en la dizième, & quelquefois en l'onzième rouelle de la poitrine: ilz flechissent la partie de l'echine qui est al'édroit d'eux. La portion de la poitrine située entre ces muscles, & les precedens, qui est le meillieu d'icelle, n'a aucun muscle particulier qui la flechisse, ains est remuée & flechie avec la partie superieure & inferieure, qui d'un costé & d'autre luy sont contigues.

COROLLAIRE.

Nous auons aussi transposé ce chapitre, par ce que les muscles de l'echine ont plus grande contiguité, affinité, & connexion, avec les muscles de la poitrine & de la teste ci deuant exposés, qu'avec les muscles du bras, desquelz nous traiterōs ci apres. Les Grecz appellent ces muscles destinés particulièrement, pour les mouuement de l'echine *παχίτας*: de ce mot *παχίς*, qui signifie toute l'echine, comme fait aussi ce mot *νότος*, qui au iugement d'aucuns, est dict quasi *νόθος*, paresseux & tardif, par ce que le mouuement de l'echine est plus lent, tardif, & moins euident que des autres iointes du corps. L'echine a quatre mouuemēs, l'un en deuant, quand elle est flechie; l'autre vers le derriere, quand elle est redressée, ou courbée vers les espaules: & deux obliques, vers les deux costés. Galien a asses particulièrement déclaré en cest endroict les muscles qui la flechissent: mais trop brieuement & confusement ceux qui la redressent, ayant toutesfois escrit en ce liure apres l'œuvre des Administrations anatomiques, en laquelle chapit. 9. & 10. du 5. liure,

outre les quatre muscles des reins, & les deux couchés au dessous du gosier, il spécifie une coniugation naissante de la seconde rouelle du coul & inserée en l'extrémité d'iceluy, qui est la troisième & quatrième coniugation des muscles du dors, confondues ensemble: & certains autres muscles, naissants des crestes des rouelles de l'espine, & inserés iusques en la huitième costé, qui sont la sixième & septième coniugation des muscles de l'echine, & comme aucuns pensent, la cinquième des muscles de la poitrine, confondues ensemble. Or pour eclarcir & liquider mieux le tout, nous reduirons en la façon acoustumée les muscles rachites ou de l'echine en table, qui sont six coniugations en dehors, & deux en dedans; somme huit, qui sont seize muscles, que nombrerons par les huit d'un costé seulement.

Le premier naist de la cinquième rouelle de la poitrine, au dedans, la ou ceste rouelle est enioincte avec la costé: & montant vers la teste, rencontre son cōpagnon en la troisième rouelle du coul, avec lequel il se ioinct, & tous deux s'inferent en la petite apophyse anterieure de la premiere rouelle du coul, avec vn tendon membraneux & aplati, sans toucher que bien peu à l'os de la teste. Pour ce que chacun de ces muscles a comme plusieurs circonscriptiōs rayees de quelques lignes blanches, aucuns ont compté chacū muscle pour deux, & aucuns pour trois. Les filetz de ces premiers muscles, vont en biaisant du dehors en dedans.

Le second a son origine large & charnue, en toute la partie exterieure & superieure de la premiere

miere coste, depuis le lieu ou ladicte coste est ioincte avec la premiere rouelle de la poictrine, iusques à la partie cartilagineuse d'icelle. De ce commencement ainsi large, il monte en s'estroicissant, & s'implante par dehors en l'interieure partie de toutes les apophyses trauesieres des rouelles du coul. Ses filetz vont de biais, contremont, en dedans. ce muscle est contigu & coherent au troisieme du palleron.

Le troisieme naist en la racine de l'apophyse trauesiere de la sixieme rouelle de la poictrine, iuxte la production de sa creste, & semblablement, en montant, des apophyses trauesieres des autres cinq rouelles superieures de la poictrine: & s'insere en l'exterieure partie des apophyses trauesieres de toutes les rouelles du coul: puis la septieme, iusques à la premiere: iacoit que son insertion, comme aussi du muscle precedent, faicte en l'apophyse de la premiere rouelle, ne soit beaucoup manifeste, ni forte.

Le quatrieme naist en la racine de la creste de la septieme rouelle de la poictrine, & suiuant des autres six superieures, al'endroit ou les rouelles se ioignent ensemble, & non a costé de ladicte creste, ou ci apres nous dirons estre assis le huitieme muscle: puis en montant estre paruenue à la septieme rouelle du coul, il s'insere en la creste d'icelle, & de toutes les autres suiuanes, iusques au bas de la creste de la seconde rouelle: prenant & receuant neantmoins, nouuelles productions & commencemens en la racine de l'apophyse trauesiere de chaque rouelle du coul. Ce muscle le long

de tout le coul est diuise de son compaignon, par l'interposition de la creste des rouelles seulement: les filetz de ce muscle vont de biais, contremont, en dedans.

Le cinquième est le muscle externe des deux qui gisent sus les reins, au dedàs de chaque coste, contigu à l'interne & plus prochain des rouelles, qui est le sizième de la cuisse. Les anciens Grecz ont nommé ces quatre muscles des reins, deux de chaque coste, *ΐσας, νευρομήτρας, αλώπηκας*, & nous vulgairement les muscles lumbaux, ou le filet de l'echine. Nous descrirons l'interne ou sizième de la cuisse en son lieu. Quand à l'externe ou cinquième de l'echine duquel nous pretendons parler, insigné, gros, & charnu, plus court & ample que son voisin, son origine est, en la posterieure & superieure partie du flaque, vis à vis de l'apophyse trauiere du premier os du croppion, epaisse & charnue: puis se faisant quelque peu plus estroit, il monte, & fait son implatation charnue en l'inférieure partie de la douzième coste de la poitrine, ses filetz sont pareillement obliques. Et pource que le discours de Galien, sus ces muscles des reins chap. 9. liure 5. & chap. 6. liure 3. des Administrations anatom. est obscur, nous l'eclaircirons par ce petit recueil & abregé que i'en ay fait. Les deux muscles des reins, cachés au dedans, à scauoir le sizième de la cuisse, & le cinquième de l'echine, sont nommés *ΐσας*: pour les distinguer, on appelle le premier, *ψσoc interne*, (i'vseray de ce mot Grec encor qu'il soit rude, pour mieux me faire entendre,) & le secòd, *ψσoc externe*. La *ψσoc interne* fait

deux

deux tendons, l'un interieur touchant aux rouelles, & s'acheminent le long d'icelles: l'autre exterieur plus esloigné des rouelles. l'interieur a son chef de plus haut que l'exterieur, est plus long, plus dur, plus blanc, en somme ligaméteux, & est inferé en la ioincte de l'os du penil & de l'os de la hanche. Par ce tendon, & la partie du muscle d'ou il procede, l'echine est en partie flechie. Le tendon exterieur, a son chef de plus bas que le precedent, & plus court, plus mol, moins dur, & neantmoins robuste. Ce tendon prenât avec soy celui du septieme muscle de la cuisse assis en l'interieure capacite du flâquet, avec plusieurs filerz charneux du dict septieme muscle, s'inferé au petit vireur ou trochantere de la cuisse. La psoe externe, qui est plus courte & plus mince, que chacune des deux parties de la psoe interne, sus exposees, a son origine au dessous de la naissance du tendon exterieur de la psoe interne, en la superieure partie du flâquet, par deux cheffz. En somme ces deux muscles des reins compris & ioinctz ensemble, sont diuises en trois parties, vne mitoyenne, & deux adjacentes à la mitoyenne, l'une interieure, l'autre exterieure: la mitoyenne est, le tendon implanté au petit vireur de la cuisse: l'adiacente interieure est le tendon ligamenteux, & simple, produit de la partie de la psoe interne plus proche des rouelles, par lequel & la partie d'ou il procede, l'echine est flechie: l'exterieure adiacente, est le tendon double, chef de la psoe externe, par lequel l'echine est aussi bien flechie, comme par la partie adiacente interieure, ores declaree: tellement que les deux

parties

parties adiacentes courbét l'echine, & la mitoyēne remue le petit vireur de la cuisse. Voila le recit de Galien, qu'on ne trouue, en le confrontant sus vn subiect, correspondre aux corps de l'homme.

Le sizième, qui est des plus longz muscles de tout le corps, est assis par dehors sus l'echine, il commence de l'inferieure partie du croppion, & s'ested iusques à la premiere rouelle de la poitrine, estât de figure semblable au quatrième de la poitrine, descrit n'agueres, & contigu à iceluy, mais plus prochain des rouelles. Son origine est au bout de la creste des os du croppion, & des rouelles des reins: & en l'interieure partie du flanquet, & s'insere aux apophyses trauesieres des rouelles des reins, & de la poitrine, iusques à la premiere, distribuant à chacune d'icelles, vne petite eguilette de tendon, comme faict le quatrième de la poitrine aux costes qu'il attouche. Ses filetz sont aussi obliques, en dedans, & contremont.

Le septième est du tout caché sous le sizième. Son origine est al'endroict du croppion, ou il est conioinct avec le flanquet par dehors, & par derriere, il monte fort estroit, iusques à l'apophyse trauesiere de la cinquième rouelle des reins: puis de là se faisant plus large, & prenant nouueaux commencemens des apophyses trauesieres des autres rouelles, il paruiet iusques à la creste de l'vnzième rouelle de la poitrine, & là se termine en pointe. ses filetz, comme du preceder, vont en biaisant, du bas contremont, & du dehors en dedans.

Le huietième naist del'vnzième rouelle de la poitrine, & monte iusques à la premiere, couurant

toute

toute la creste des rouelles, sus lesquelles il est esté du, puis leur racine iusques à leur bout superieur. Cemuscle est charnu, comme le precedent, & toutesfois entretissu de filetz nerveux & robustes. A l'endroit de la douzième, vnzième, & dizième rouelles de la poictrine, il est fort mince, & tenure, quelle est aussi l'insertion du precedent, au mesme lieu. Montât plus haut petit à petit il deuiét gros, iusques à la cinquième rouelle, ou il est le plus charnu, commençant derechef à deuenir mince, comme il estoit en son origine, iusques au lieu ou il s'implante. Voila l'histoire des muscles de l'echine, la plus claire, intelligible, & vraye qu'il m'a esté possible la narrer, ce que i'ay faict d'autant plus curieusement, que ie scay la dissection d'iceux estre practiquee de peu d'anatomistes & tenue pour tres difficile.

Quant à ce qu'il dict l'affection nommee en Grec *κύρσις* estre faicte, si les muscles qui redressent l'echine, son tendus trop violement, par quelque cause de maladie, est à noter les Grecz nommer *κύρσιν*, & *κύρσιν*, quand la personne deuiet bossue en derriere: *λόρδωσιν*, quād elle deuiet bossue en deuant: *σκολίωσιν* quand l'echine est entorcee. Galien au commentaire sus le 3. liure des articles d'Hippocrates expose la maniere, comme chacune de ces affections est faicte, laquelle il n'echet maintenant expliquer.

Des muscles du ventre, ou epigastre.

Chap. XXI.

AV ventrey a huit muscles: quatre de chaque costé. Les premiers, qui se rencontrent, & les plus

plus extérieurs de tous, sont ceux qui descendent obliquement de la poitrine: & ceux-ci sont les plus grandz de tous les huit muscles situés en ceste partie. Les secondz sont ceux, qui gisent sous les précédens, & des flancz vont cōtremont. Les troisièmes, contigus à ceux-ci, sont les droictz. Les quatrièmes sont ceux qui ayans leur situation trauesière, sont adherent à la toile du ventre ou peritoine. Les droictz sont totalement charnus, & s'estendent depuis le brichet, iusques aux os du penil. Al'entour du nōbril, & vn peu plus outre, ilz sont adiacens & contigus l'vn à l'autre: allant plus bas ilz se ioignent, & vnissent, & finalement s'implantent aux os du penil. Leur chef, & sommité su-

* Origine
de la crene
de ce muscle
qui a esté
cōptee pour
vn muscle
de la poictri-
ne, ci dessus.
chap. 18.

* Ces mu-
sclcs sont le
premier de
l'aubrās:
le premier
du Pallerō:
le second de
la poictrine.
* Du droit
du ventre.
* Le pre-
mier de la
Poictrine.

perieure est vn tendon * membraneux, montant iusques au commencement de la poitrine. Ce tendon a esté incogneu aux Anatomistes, & ne s'en faut ebahir, par ce que les muscles situés au brichet, sont assis au dessus de luy: & certes si on oste & leue les dictz muscles, * on voit manifestement que ce tendon est ioinct avec l'extremité du brichet, & avec toutes les parties trauesières d'iceluy, a l'endroit ou le brichet est enioincte avec la portiō cartilagineuse des costes: & voit on aussi que ce tendon monte iusques à la première costte, à laquelle il est attaché. En ceste mesme costte se trouue vn autre chef du * muscle susdict, qui iecte vn tendon récontrant cestuici: & à ledict chef son origine ioincte avec l'implantation du petit * muscle, posé en la forcette. Et certes au dessous dudit chef, se voit en ce tendon, vne ligne blanchissant, tracee comme pour faire quelque diuision & separa-

separa

separation, tendante vers les Hypochondres ou flancz: au dessus de laquelle tout ce qui est iusques à la forcelle, se peut estimer & cōpter pour vn muscle, qui serre les ioinctes des costes auec le brichet. Les deux muscles obliques descendans de la poitrine, au ventre, commencent pour la plus part de la sixième coste, naissent aussi de toutes les costes subsequentes à icelle, preñans en chaque coste vne production, qui luy est cōme vne origine differente & distante des autres. Ces diuerses productions sortent auprès du lieu, où l'os de la coste se change & termine en cartilage, en l'inférieure partie du muscle antérieur de la poitrine, & de celui qui est situé en la partie enfoncée du palleron. * Or s'auanceans contre bas ilz descendent par le mol des flancz que les Grecz nomment *σπλινχ*, & se finissant en tendons membraneux s'implantent aux * flancquez, & par lesdictz tendons sont inferés aux os du penis, & aux Fines, auquel lieu ilz sont pertuisés, pour par ce trou donner passage au muscle, qui va en l'vn & l'autre testicule, nommé des Grecz *σπέρμας* & avec ce muscle aux vaisseaux spermatiques, à sçauoir la veine & artere, & a vne production du peritoine, qui les accompagne & enueloppe. La partie de ces muscles obliques du ventre, qui monte iusques aux muscles droictz susdictz, s'estend & eslargit petit à petit: puis finissent en vn tendon membraneux, s'insere aux muscles extérieurs & droictz, leur faisant vne robbe & couuerture particuliere, semblable à celle que les membranes font à plusieurs muscles. La tierce coniugation des muscles obliques ascendés,

* L'antérieur propre aux Singes, descript entre les muscles du cou, chapitre 13.

* Le 2. de la poitrine.

* Toutesfois par vne insertiō charnue, & non membraneuse.

** En la superieure partie d'iceux, limitez de leur creste, & de leur Epiphyse.*

a les filerz contraires aux susdictz, par ce que de l'inferieure partie ilz montent obliquement en haut. Ces muscles *ayās leur origine charnue aux flaquez, s'acheminent vers les droictz, & la se terminent, se ioignans auant, que de monter sus les droictz, & vnissans aux aponeur^ωses des trauesiers, puis s'implantans aux quatre costes fausses, & principalement en leur epiphyse cartilagineuse. De ces muscles aussi vne production membraneuse & tenure, est attachee aux muscles droits du ventre, estant sise au dessous de l'apophyse ou production des muscles obliques descendans, les plus grandz de tous. L'aponeur^ωse inferieure de ces muscles estant vnue avec l'aponeur^ωse des trauesiers, qui sont au dessous, s'implante quasi en l'interieure partie des os du penil, comme l'apophyse pertuissee des muscles susdictz. Au dessous des muscles obliques mentionnés, sont les trauesiers, qui est la quatrieme, & derniere coniugation des muscles du vêtre. Ces muscles naissans en l'interieure partie de l'extremite des costes fausses, & de l'apophyse trauesiere des rouelles des reins, puis estans attachés * au ligament membraneux, qui reuest la creste droicte & superieure du flaque, finissent en aponeur^ωse trauesiere, membraneuse & tenure, inseree en la toile du ventre, ou peritoine, ce qui se fait de l'assemblage & conionction de ceste aponeur^ωse & du peritoine, n'est bien cogneu d'aucuns medecins, cuidans que ce soit le peritoine seul. A * ceste cause quād il faut coudre les playes du ventre, ce que les Grecz nomment *γαστροπρόσφικον*, ilz cousent ceste aponeur^ωse avec le peri

** Par vne insertion totalement charnue.*

** Ce mesme escript il, au chap. 6. liur. 5. & au chapitre. 4. liur. 6.*

peritoine, cuidans prendre la membrane du peritoine feule, & quand en leurs commentaires ilz enseignent la maniere de coudre les playes du ventre, ilz en parlent comme si ilz ne touchoyent qu'à la membrane du peritoine, & nō point à ceste aponeurōse. Or cest aponeurōse en l'inferieure partie du ventre, abandonne & laisse le peritoine, de sorte qu'en cest endroiēt il demeure & se vedoīt seul, & denuē d'icelle. En fin ceste aponeurōse se plōge par dedans sous les muscles droictz & charnus, & s'vnissant avec l'extremité des muscles situēs au dessus, s'implante aux os du penil. Nous auōs amplement declarē l'vsage & mouuemēt de ces huit muscles, aux liures de l'vsage* des parties. Toutefois nous le redirons encor ici & repeterons sommairement. Les muscles du ventre seruent aux effusions: aux cohibitions & retenemens de l'aleine, que les Grecz nomment *πνεύματος καταδήσεις*: pour faire vn cri & vne voix haute, forte, & perceante: & d'auantage pour vomir, & pour aller à la selle. Outre ce, leur inferieure partie, & principalement de ceux qui * gisent sus la vessie, aide à l'actiō de pisser.

des Administr. Anatom. Galien enseigne la Gastrorrhaphie cha. 4. liu. 6. de la Methode.
* *An des sous du nō-bril.*

* *Chap. 14 liu. 5. & au chap. 6. liu. 5. des Administr. Anatom.*

* *Des droictz.*

COROLLAIRE.

Nous auons aussi transposé ce chapitre, avec les quatre suiuaus, pour la connexion des muscles, desquelz il est parlé en ces chapitres, avec les muscles declarés aux precedens: & aussi pour ce qu'auoir acheuē le discours des muscles posés au buste du corps, nous entrerons plus commodement au propos de ceux qui sont aux extremités, à sçauoir aux bras & iambes. La narration & deduction de Galien exposant

ces muscles est si riche & claire qu'elle n'a besoin d'estre secondee par noz corollaires. Seulement noteray ie, Efflatio, qui est matiere de la voix, estre vne soudaine & abondante euacuation ou reiection d'air. les Grecz la nomment *ἐφλάτις*. Veoy Galien chap. 8. & 7. liur. 8. des Administr. anatom. La retention de l'aleine se fait en quatre sortes, lesquelles sont declarees au chap. 9. du liure, de la Dissection des organes de la voix. Les Grecz nomment ces quatre sortes, *κατ' ἰσχυρότητα* : *κατ' ἰσχύον*, *κατ' ἐπιμήκειν*, & *κατὰ διαφορὰν*. ie remet au plus curieux de veoir le lieu, & examiner ces differences. Les muscles de l'epigastre seruent plus à la derniere espeece qu'aux autres precedentes.

Des muscles des testicules. Chap. XXII.

DEux muscles gresles, & minces, vont en chaque testicule: l'un naissant de l'os du penil, & l'autre du flaque, par vn ligament tenure & membraneux. Les muscles produits de l'os du penil, descendent par le conduit qui va aux testicules: puis se dilatants embracent la membrane erythroide. Leur office est, leuer contremont les testicules, à raison dequoy aucuns les ont nommes en Grec *νεμασπῆρας*, comme si nous disions les pendans des testicules.

COROLLAIRE.

Nous ne recognoissons point en l'homme les deux muscles des testicules que Galien dict naistre des flaquez. Peut estre qu'aux singes, sus la dissection desquelz Galien fait le denombrement des muscles, il se trouueroit quelque trace & apparence d'iceux. Certes Galien au liure 14. de l'usage des part. chap. dernier,

nier, n'en propose que deux, vn de chaque costé, qu'il dict naistre de la region des flancs. Quant aux deux autres qui ont leur origine des os du penil, & qu'on nomme les pendans des testicules, ilz sont faictz de la tunique produicte du peritoine, qui enueloppe le genitif, & les vaisseaux spermatiques. Ceste tunique incôtient quell'est sortie du peritoine, reçoit plusieurs filez charneux, longz prochains l'un de l'autre, par l'aionstement desquelz est formé ce muscle, long & gresle, qui estant tousiours adherēt à ladicte tunique, va contre bas, & s'implante en l'inferieure partie du genitif, au vaisseau spermatique, qui reçoit la semence cuite & preparée, & la iette au coul de la vessie, à raison dequoy on le nomme Eiaculatoire. La tunique qui faict ce muscle, n'est adherente en aucun lieu ni au genitif, ni audict vaisseau spermatique, si non là où elle s'insere en la reflexion dudidit vaisseau, commenceant à monter, qui est en la plus basse partie du testicule: & ainsi ce muscle ne touche rien au genitif. Par le moyen de ces muscles, les masles haucent quelque peu cōtremont les testicules, ainsi que les muscles sont petits: à fin que les testicules, estans trop laches, & pendans trop, ne chargent & abbaissent plus qu'il n'est de besoyn, les vaisseaux spermatiques. L'usage que disons de ces muscles, rehaussés & retirés comme s'ilz estoyent en cōuulsion, sert de beaucoup, quand on habite avec les femmes: par ce que si les genitifz chargeoyent, & troyent tousiours contre bas les vaisseaux spermatiques, ilz seroyent serrés en ceste façon & ne pourroyent commodement elancer la semence, comme ilz la iettent aiseemēt, lors qu'estans souleués & soulagés du faix des testicules, tirés par ces muscles con-

iremont, l'issue de la semēce n'est pressée ni empêchée. Notons aussi que les testicules ont trois tuniques, une propre, & deux communes. La première commune est la bourse, dictée des Latins *scrotū*, des Grecz *σχρότις*: la seconde commune, est celle qui forme ces muscles, à sçavoir une production du peritoine. Les Grecz la nomment *erythroide*: la troisième propre est comme la chemise du corps du testicule qui le touche immédiatement. Les Grecz la nomment *ἐπιδιδυμῖς*. & *epididymis*, combien que ce mot *epididymis* au chap. 14. liure 14. de l'usage des parties, signifie aussi le corps variqueux, nommé des anciens *parastate cirsoide*, semblable à une glande tortilleuse, plaqué contre le testicule, auquel s'insèrent les vaisseaux spermatiques apportans le sang & l'esprit: & duquel prend son origine le vaisseau spermatique qui vuide & conduit la semence.

Du muscle du coul de la vessie. Chap. XXIII.

VN muscle charneux environne le coul de la vessie tout al'entour, Sa partie la plus grosse & epaisse est au dessous de la vessie, & le plus pres d'icelle. Ce muscle ferme la saillie de la vessie, à fin qu'il ne sorte rien d'icelle, s'il ne nous plaist: & ensemble chasse l'urine, qui coule & flue par le coul d'icelle.

COROLLAIRE.

En la sortie de la vessie, y à un corps glanduleux, qui reçoit l'insertion des vases spermatiques *eiacula-toires*, nommé des anciens Grecz *parastate adenoide*, à la difference du *cirsoide*, n'agueres mentionné. Entre ce *parastate*, & la reflexion du coul de la vessie, retournant contremont, aux malles, ce muscle semble

blable a un aneau long, tissu de filet & trauerfiers, arrondis en cercle, plus epois pres du parastate, en sa partie superieure qu'en son inferieure, circuit tout le conduit du coul de la vessie. Aux femelles, qui n'ont point ledict parastate, ce muscle enuironne tout ledict conduit, qui de la vessie tend en la superieure partie du coul de la matrice, pres de leur nature. Son actiō principale est, en se reserrant fermer l'issue de la vessie, afin que l'vrine soit retenue dans icelle, iusques à tant qu'il nous plaise la laisser sortir: puis quād estre vuidee l'vrine, ce muscle se resserre, vne autre sienne actiō fortuite & accidētale est, pousser & exprimer quelques gouttes d'vrine, qui demeurent en la flexuosite du conduit. Galien chap. 16. liure 5. de l'usage des parties, estime ceste actiō fortuite estre la siene principale, & en aionste vne troisieme, qui est d'aider à faire l'euacuation de l'vrine plus prompte, & soudaine, contredisant à ce qu'il escrit au chap. 8. 2. liure du mouuement des muscles. Veoy le discours de Vvessal sus ce propos chap. 50. liure 2. & chap. 11. liure 5.

Des muscles de la verge. Chap. XXIIII.

LA verge a deux petits muscles fort obliques inserés en son origine: & d'auantage deux autres vnīs & conioincts, ou bien vn charnu, & parti en deux, situés au dessous d'icelle, & neantmoins l'environnans & circuissans al'entour. Les chefs de ces deux muscles derniers ne s'inserent en aucun os, comme il est manifeste à veoir. Les chefs des deux precedens, s'implantēt aux os qu'on nomme, les os du penil. Tous ces quatre muscles font tenir la verge ferme, & roide, quād ell'est tendue: & font le mouuement par lequel ell'est haussée

contremont, ou destournée à l'un des costés.

COROLLAIRE.

La verge est composée de deux corps ligamenteux, & nerveux, semblables à une flente ou cano de cuir, farcis & remplis d'une substance spongieuse, tirante du rouge sus le noir, pleine d'un sang noirastre, comme si c'estoyent des pans de filé, tissus d'innombrables filet & de veines & arteres, fort serrés ensemble, & environnés de la substance nerveuse & ligamentense des corps de la verge, come d'un cuir. Ces deux corps naissent en l'inférieure partie de la jointe des os du penil, & se touchent l'un l'autre, comme si tu ioignois le doigt indice de la main dextre, à celui de la fenestre, commençant à les approcher par leur bout. Au dessous d'iceux ainsi jointz, est le conduit ou canal commun à l'urine, & à la semence, comme qui imaginerait au dessous, & au meillieu des doigtz ainsi jointz qu'anons dict, estre attaché un tuyau de plume, qui nous represente ledict canal, comme les deux doigtz indices representent les deux corps ligamenteux de la verge: qui iusques à la fene du mētre, sont couverts de leur peau nerveuse, & contiennent dans soy ladicte substance spongieuse. Mais estre venus là, ou la fene doit estre faite, & plantee, ilz s'aguisent en poincte, & à iceux est attachee la substance charnue de la fene, qui enclost & contient ledict canal, nō plus au dessous, comme au paravant, ains au meillieu de soy, l'environnant de toutes pars: & en cest endroit ledict canal est plus large qu'en toute son autre traite, & longueur, s'estroicissant en apres, au dernier bout de la verge, comme si nature expressement eust voulu faire arrester la semēce en cest endroit, quand

on s'ac

on s'accompagne des femmes, pour augmenter le plaisir & chatoillemēt, qu'on sent par l'a friction de ceste partie : & c'est la raison pourquoy ceux, qui ont la chandepisse, le plus souuent ont la verge ulceree en cest endroict la : par-ce que l'ordure qu'ilz iettēt, s'accumulant en ceste spaciosité, faict ulcere, laquelle estant par apres en pissant baignee de l'urine, qui est acre, & mordicante, cause grandissime douleur. En ceste mesme maladie quand la verge est tendue, on souffre grand tourment en la partie de ce canal, qui est en l'Entrefesson ou perinee, entre le fondement & les genitiz, à cause de l'obliquité, situation basse, & reflexion, de ceste partie la, en laquelle le cōduict descendu de la vessie, retourne contremont, au dessous des deux corps ligamēteux de la verge. Pour les trois occasions susdictes, la matiere putride que rendēt les malades, s'arreste & accropit là, & ulcere la partie, qui, quand la verge est dressée, nous faict sentir plus viuement & douloureusement la solution de continuité en ce lieu. Pour ceste mesme raison, en ce lieu là souuēt se font les carnosités ou hypersarcoses, en ceux qui ont esté longuement affligés & persecutés de ceste maladie. Voila sommairement la description de la verge, differente de ce qu'en a escrit Galien chap. 3. liure 15. de l'usage des parties. La verge est remuee par quatre muscles, les deux premiers aident à la tenir iustement & médiocrement droicte, empechant que son inflation & distention ne l'emporte trop haut contre le ventre : tēant aussi le conduict de l'urine & de la semence ouuert, pour faciliter leur enacuation, ilz naissent de l'anterieure partie du sphincter, ou muscle annulaire du fondemēt, contigus l'un à l'autre.

tre en leur interieure partie. ilz s'insèrent aux costés du canal de l'urine & de la semence, au lieu, ou au dessous des corps ligamenteux de la verge. il se reflectent contremont: & en leur insertion s'ecartans l'un de l'autre, embracent, comme deux doigtz, les corps ligamenteux de la verge. Les deux autres naissent en l'epiphyse de l'os de la hanche, un peu au dessous de l'origine des corps ligamenteux, & s'insere chacun d'eux au corps ligamenteux de son costé, incontinent apres leur naissance. Ces muscles tiennent la verge droite, qu'elle ne chancelle, çà ni là, luy donnans vertu & pouvoir, de se presenter fermement: ilz tiennēt aussi le canal ouuert & large, principalement en l'ejection de la semence, qui se fermeroit sans le secours de ces muscles, par ce que la violence de la distension approchant vne partie du canal, & la ioignant à l'autre estoupperait le passage.

Des muscles du fondement. Chap. XXV.

L'Extreme bord du fondement, a vn muscle meslé avec la peau, qu'on peut nommer ou peau musculieuse, ou muscle cuirasseux: on trouue principalement & plus facilement ce muscle en l'antérieure partie. Vn autre muscle exactement rond & trauersier est assis au tour du fondement, qui estant tendu, le ferme: & qui de sa partie du meillieu touche le croppion, & d'un costé & d'autre se termine en l'origine de la verge. Les deux autres muscles qui sont mébraneux, naissent de l'interieure partie des os du penil, & du croppion, & s'insèrent de biais au fondement: de chaque costé vn, ilz leuent contremont le fondement, & tirent aussi contremont l'origine de la verge.

Corol

Le siege, ou fondement, ainsi nomment ilz le bout de l'intestin droict, ou boyau cullier, est remué par trois muscles: l'un l'embrasse & environne, ayant ses filez trauersiers & circulaires, plus espois en son inferieure partie, qu'en la superieure, se meslant avec la peau, comme font les muscles des leures, & de ceste meslange faisant vne sienne propre substâce, qui n'est ni peau, ni chair, ains substance composee de l'un & l'autre. Aux hommes il est attaché au canal de l'urine par certains filez: aux femmes au commencement & inferieure partie de leur nature, & à la verge des hommes par l'interposition & interuention de deux muscles prenans leur origine de luy. En sa posterieure partie il est ioinct aux quatre osseletz de la queue du croppion. Des deux costés il est attaché aux ligamens rondz, produictz du croppion en l'os de la hanche. Ce muscle est long, beaucoup estendu suivant la longueur de l'intestin droict, & fort meslé avec l'insertion des muscles qui releuent le siege. Parquoy estât besoyn d'inciser les fistules ou excroissances du siege, il ne faut estre trop craintif en l'operation, d'autant d'abolir & gaster l'action de ce muscle, attendu qu'estât en quelque sienne partie couppé de ferrement, ou par autre occasion deschiré & rompu, son action pour cela ne se perd point, par ce que en la logitude du boyau il est fort large. Son office est, quād il se met & reduit en sa moyenne figure, fermer de sorte l'issue du boyau droict, que les excremens cherchās de sortir, par leur pesanteur seulement, sans quelque autre plus grand effort, ne saillent point: & si les excremens pousés & chassés des boyaux, des muscles du ventre, du dia-

phragme, s'ingerent violement & importunemēt de sortir, s'il ne nous plaist leur donner passage, ce muscle outre sa moyenne figure se serre & estrainēt, de maniere qu'il les empeche de saillir malgré nous: & s'il nous plaist leur donner passage, il se lache outre sa moyenne figure, ouurant la porte aux dictz excremens, pour se ietter hors, puis avec la peau & la substance du boyau, retourne en sa moyenne figure, comme au parauant, à raison dequoy les Grecz le nomment Sphincter, ainsi que celui de la vessie, comme si nous disions la serre & chef du boyau. Ce muscle est le premier duquel Galien a parlē au commencement du chapitre. Outre cestuici y en a deux autres, larges, tendres, de substance peu charneux, de couleur peu rouges, ains plustost blāchissans, tousiours moites d'une humidité bāueuse, ilz naissent vn de chaque costé, des ligamens produictz des os du penil, du oroppion, de l'os de la bianche qui enuoloppent les muscles situés là, & de l'infirmiture partie du peritoine: puis descendent contre bas embrassent, & environnent l'intestin droict, s'inserans en son extérieure tunique. Ces muscles sont les deux mentionnés de Galien en la fin du chapitre. Leur action est, retenir contremont le fondement, apres qu'on a esté à la selle. Leur extrémité inférieure, de laquelle comme d'une ceinture ilz circuiuent le boyau, & de laquelle une portion aux hommes est adhérente à la racine de la verge, aux femmes, au cont de la matrice, est ce que Galien nomme le second muscle rond & trauersier. Et pource que i'ay dict les muscles obliques estre inserés en la tunique extérieure du boyau, est de noter, que chaque boyau a trois tuniques: la plus intérieure, qui
est ris

est tissue de filet & trauersiers seulement: la mitoyenne qui est tissue de filet & longs & trauersiers: & l'exterieure, ou troisieme, produicte du peritoine.

Fin du premier liure.



DE LA DISSECTION

DES MUSCLES,

LIVRE SECOND.

Des muscles qui remuent la iointe de l'epaule.

CHAP. I.



Voir osté les muscles qui remuent le palleron, & apres iceux, celuy qui * est en la partie enfoncée du palleron, lequel l'ay ci dessus exposé, * tu trouueras fort aiseemét le nombre de tous les muscles, qui

remuent l'auambras. Ilz sont onze en tout: trois * qui montent de la poitrine: deux qui montent de la region des flancz: & cinq qui viennent du palleron: & outre ceux-ci l'onzième, qui occupe la sommité de l'epaule nommée des Grecz *ερωμικη*, ie lis: le muscle naissant de l'os de la poitrine, & celuy qui occupe la sommité de l'epaule, suiuant ce, qui est escrit chap. 2. liur. 5. des Administr. anatomiq. ces muscles sont contigus & adherens l'un à l'au

* Le 2. de la poitrine.

* Chap. 16. liu. 1.

* Le 1. duquel il fait 2. & le 1. du Palleron.

à l'autre, alendroict de la veine humerale, & implantent leurs aponeuroses ou tendons prochains l'un de l'autre, en la partie anterieure du bras, & principalemēt par vne droicte ligne, qui de haut va contre bas. Le muscle naissant de l'os de la poitrine, faict son aponeurose plus gresse. Le muscle qui occupe la sommité de l'épaule, la faict plus ronde quelque peu, & plus charnue, l'induisant

* *Le 2. de l'aubras.* par l'exterieure partie de l'aubras. Ce * muscle a le commencement de son origine & naissance, en la forcelle: en la creste du palleron: & presque en

* *Le 1. de l'aubras.* toutes les parties superficielles du palleron, qui regardent la coste la plus basse. L'autre * muscle a son origine en toute la partie anterieure de la poitrine. De ces deux origines, le premier, surnomé deltoeide, estant comme double & diuisé en deux, al'entour de la sommité de l'épaule, enuironne & couvre toute la teste de l'aubras. L'autre s'estendant le long de la veine humerale, faict la partie charnue, qui est au deuant de l'aisselle. Ce muscle est charneux presque en toute la partie anterieure de la poitrine, & prend son origine de toute icelle, comme a esté dict. Nous le dirions mieux & plus veritablement estre deux muscles, & non pas vn seul. L'origine de l'un d'iceux est le bas de l'antérieure partie de la poitrine: l'origine de l'autre, est le haut d'icelle mesme, & la forcelle. Celuy qui naist du bas de l'antérieure partie de la poitrine, est plus grand que tous les autres muscles colloqués & situés en l'os de la poitrine, & a ses filerz en quelque façon opposites & contraires au muscle superieur: par ce que commenceans d'embas

ilz vont

ilz vont contremont en leur propre tendon & aponeur^{ose}; mais tous les autres filetz ont leur origine plus haut, en l'os de la poitrine, & vont en leur aponeur^{ose}, celles qui sont produictes de la plus haute partie de l'os, trauesieremēt: celles qui sont produictes de l'inférieure partie de la forcelle, obliquement. Apres ces deux * muscles s'en trouue vn autre, naissant de l'externe & infime partie de l'os de la poitrine: adherent & vni en plusieurs lieux, au grand & double muscle susdict, & finissant en vn tendon membraneux, inseré en l'antérieure partie de l'auambras, & principalement au bord antérieur de la cauite grauee en la teste de l'auambras, occupee du plus gros chef du * muscle, situé sus l'auambras, lequel muscle est estendu en l'interieure partie dudit auambras, le long de la veine qui apparoiſt manifestement en iceluy. L'autre * muscle ne se veoit point, premier que le grand soit dissequé & osté. Son origine est en la supérieure partie du brichet, de la seconde, troisième, quatrième, cinquième, sixième * costes, il môte en la plus haute partie de la teste de l'auambras, qui est tournée contre la forcelle, & en cest endroit est inseré au ligament membraneux, environnant la ioincte par vne aponeur^{ose} plus robuste & puissante, que n'est celle du muscle precedent. Il y a deux muscles qui de l'inférieure partie vont contremont en l'auambras: l'vn d'iceux * est le plus long muscle, & le plus epais de tous ceux, qui remuent le bras: l'autre * est fort gresle, & toutesfois n'a moins de longueur que l'autre, incogneu aux Anatomistes anciens, & à bon droit, par ce que

* Ce muscle se trouue aux Singes, non en l'homme.

* Le 1. & le plus grand de ceux qui flechissent le brachal.

* Cest uici est le 1. du Pallerō, que Galien attribue à l'auambras.

* Cela est fort rare: il ne passe gueres la cinquiesme.

* Le 4. de l'auambras.

* Cest vne production de la membrane char.

quand

nue est due
sous la peau
il se trouue
aux Singes,
et non en
l'homme.
* Propre
aux Singes.

quand on separe mal la peau, ce muscle se perd, se gaste, & s'euanoit. Quant au grand muscle precedent il ni a aucū Anatomiste qui n'en aye escrit, & faict mention: mais les vns ont plus exactemēt & diligemment expose sa nature, les autres plus legerement & grossierement. Le petit & gresse de ces deux, montant de la peau, qui est al'entour des flancz, & des costes fausses, a son origine principale des membranes qui sont au dessous de la peau: & comme il s'achemine vers l'aixelle, de plus en plus s'engrossit, puis en fin se termine en vn tēdon

* Descript
apres le 1.
et 2. de la
poictrine, ci
dessus: le-
quel nous a-
uons dict e-
stre propre
aux Singes.

membraneux, couché en son insertion sus autres deux tendōs, avec lesquels il est ioinct & vni. L'un des deux tendons susdictz, est du * muscle le plus bas entre ceux qui sont situés sus l'os de la poictrine: l'autre tendon est de l'inferieure partie du muscle * double sus déclaré. L'autre & second de ces deux * muscles, allans de la partie inferieure contre-mont, en la ioincte de l'epaule, qui est le plus grand de tous ceux de l'auambras, commence des

* Du 1. de
l'auābras.

rouelles, avec lesquelles sont eniointētes les co-

* Qui d'em-
bas vōt cō-
tre-mont. ce-
stui-ci est le

stes fausses, & du * muscle de l'echine situé là, &

4. de l'A-
uambras.

s'implantant de biais au bout inferieur de la coste

* Du 6. et
8. du dors.

basse du palleron, va obliquement en l'antérieure

* Au 7. de
l'auābras:

partie, adherant par quelque espace de son che-

et au 2. du

min aux muscles * couches sus la coste basse du

Pallerō et
au 4.

palleron: puis estre paruenū vis à vis de l'aixelle,

au si.

monte droict en icelle, & s'insere en l'auambras

* Le 1. de

par vn tendon notablement grād, & quelque peu

large, iouxte l'inferieure partie de l'aponeurose

du grand * muscle. Ce muscle est ioint & vni avec

deux autres, à sçauoir avec celui qui estant cou-

ché au

l'auāp.

ché* au dessus de tous les autres en l'arterieure par
 tie de la poictrine va à l'aixelle, & celuy qui est in-
 seré en la ioincte du coude, duquel nous parlerós
 ci-apres. Les cinq muscles qui ont leur origine du
 palleron, se terminent en tendons larges, qui sont
 implátés en l'auambras. L'un de ces cinq, est uni,
 & adherent au plus grand muscle de tous ceux de
 l'auambras, ores exposé, aupres de son aponeuróse
 se, & a son origine en l'infime partie de la coste
 basse du palleron, puis de la partie interieure & po-
 sterieure monte en l'auábras, & finalement s'im-
 plante en iceluy par vne haute, longue, & gresle
 insertion, ioincte à celle du tres grand muscle n'a-
 guerés exposé. Son insertion donc est en l'interne
 partie de l'auambras, contigue à l'aponeuróse du
 muscle susdict. Le tendon large & puissant du mu-
 scle* qui occupe la partie enfoncée du palleron,
 est encor plus haut que celuy de ce muscle décrit
 maintenant: & s'insere ia en la teste de l'auambras,
 en son interieure partie. L'aponeuróse du * muscle
 qui tient la partie mitoyenne entre la creste du pal-
 leron, & la coste superieure, est implátée en la plus
 haute partie de la teste de l'auambras, non pas en
 la partie d'icelle qui est tournée vers la forcelle, en
 laquelle le muscle susdict est inseré, mais en toute
 la partie qui est diuísée & entrecouppée par le plus
 grand chef du * muscle qui va en la ioincte du
 coude. Le muscle* naissant de l'inférieure partie
 du palleron, & occupant toute la partie mitoyenne
 entre la creste du palleron, & la coste la plus basse,
 en son insertion faict son aponeuróse conioincte
 à la susdicté, & implante son tendon quelque peu
 plus

*l'auábras. s'
 Ceste inser-
 tion se faict
 entre le ten-
 don du pre-
 mier, & le
 tendon du
 tiers de l'a-
 uambras.*

* Le pre-
 mier de l'a-
 uambras.

* Ce mu-
 scle est le 3.
 de l'auam-
 bras.

* Du 6. de
 l'auábras.

* Du 5. de
 l'auábras.

* Du pre-
 mier de
 ceux qui se
 chiffent le
 brasal.

* Le 7. de
 l'auábras.

* On ne re-
cognoissons
point ce mu-
scl. Para-
uventure il se
trouue aux
Singes, que
Galien Ana-
tomisoit.

* La plus
haute, &
qui est plus
proche du
col du Pal-
leron.

* Le 2. de
l'auãbras.

* Le 5. de
l'auãbras.

* Le 7. de
l'auãbras.

* Incogneu
aux Ana-
tomistes: pro-
pre aux Sin-
ges.

* Le 1. du
Palleron at-
tribue à l'a-
uãbras.

* Le 1. de
l'auãbras.

* Les motz

plus exterieurement en la teste de l'auambras. Le muscle * continu à iceluy, & que parauenture on iugeroit estre vne sienne portion, enuoye son tendon aux parties de l'auambras qui vrayemēt sont exterieures. Ce muscle a son origine de la superieure partie de la coste basse du palleron, à sçauoir de la * moitié en laquelle ladicte coste est plus ague, & bossue. Le mouuement & action que font tous les muscles susdictz est telle. Le * muscle occupāt la sommité de l'epeule, dicte epomis, hausse l'auãbras, principalement en droicte ligne. De ceux qui sont situés d'un costé & d'autre d'iceluy, à sçauoir ceux qui naissent du palleron, celuy qui est pres de la * haute coste dudit palleron, hausse le bras, l'inclinant en l'interieure partie, de ceux qui sont assis pres la coste du palleron la plus basse, le plus * grand, hausse pareillement l'auambras, l'inclināt en la partie exterieure: & le moindre * qui est comme vne parcelle d'iceluy, meine l'auambras de biais en la partie exterieure. Les autres mouuemēs se font en la partie interieure, par les muscles, qui de l'os de la poictrine mōtent en l'auambras, soit qu'on les mettons en compte pour trois, ou pour quatre: en l'exterieure partie, par le muscle qui monte de l'extremité inferieure de la derniere coste. (Des muscles produictz du brichet, qui approchent le bras vers la partie interieure, celuy qui est le plus haut, * tire plus la teste de l'auambras: & le plus grand d'iceux * qui est double, & diuise en deux, amene tout le bras de vers le brichet.) Si donc tous les muscles naissans du brichet sont tēdus egaleement tant les superius que les inferius, il se

il se fait vn mouvement mitoyé: si l'vn d'eux seulement fait son action, le plus haut l'approche & meine en la superieure partie, & le plus bas en l'inferieure. Le petit muscle situé pres de la mamelle, ameine l'auambras vers le brichet, & le tire cōtre bas. Apres ceux-ci, le muscle tenure* & superfi-
ciel, tire quelque peu contre bas, obliquement l'auambras: & le plus grand de tous* qui est ioignāt iceluy, estend le bras droict vers les costes. Apres ces muscles s'en trouuent deux autres, scās au palleron, qui tournoyent & virent ce membre en la partie exterieure, & posterieure. L'vn a* son origine de la partie enfoncée du palleron, qui tournoye la teste de l'auambras vers la partie posterieure. L'autre* naissant en l'inferieure extremite de la coste basse du palleron, meine vers la partie posterieure, principalement la portion de l'auambras, en laquelle il est inferé: & si les* deux muscles font leur action ensemble, l'vn quand l'autre ilz font le tournoyemēt de l'auambras, duquel nous vsons au mouuemēt nommē des Grecz *διστολαιομας*, qui est nous virons le bras de maniere, que de bas le retournans vistemēt & soudainement contre-mont, il semble que nous le redoublons & repliōs.

compris entre ces deux marques () sont tenus pour adioustés au texte.
* Il entend celuy, qui naissant de la derniere costē, & passant iouxte la mamelle, au dessous du premier de l'auambras, s'inferre au bord de la cauite du Pallerō, en l'arterielle partie: aux singes.
* La portio de la mambrane charnue, aux singes, descripte ci dessus.

COROLLAIRE

Nous auons distingué ceste ceuvre en deux livres, finissant le premier en la declaratiō des muscles, qui remuent les autres parties du corps que les extremitez, & commenceans cestuici, aux muscles qui font le mouvement d'icelles, à scauoir des bras, & des iam-
bes. Or tout le bras des muscles duquel nous poursu-
urons & reciterons en premier lieu, se diuise en l'a-

* Le 4. de l'auambras.
* Le 6. de l'auambras.
* Le 3. de l'auambras.

uambas, *ὑπομῦς* des Grecz, *brachium* des Latins,
 le brachal, *ὑπὸς* des Grecz, & *cubitus* des Latins,
 & la main. L' *Auambas* est remué par sept muscles:

Le premier, qui semble, & est tenu d'aucuns pour
 deux, est celuy qui en l'antérieure partie de la poi-
 trine, au dessus du brichet, faict la chair & poul-
 pe des mamelles, naissant de la moitié de la forcelle,
 du meillieu du brichet, & des chartilages infe-
 rees à iceluy, & particulièrement de la chartilage
 de la septième & huitième coste. il s'infere par vn
 tendon ample, nerueux, & puissant, court toutes-
 fois, en la longueur de l'*auambas*, au dessous de
 sa teste, en son interieure partie, tirant quelque peu
 vers l'antérieure.

Le second surnommé des Grecz *Deltocide*, &
 d'aucuns *epomis*, naist en la moitié de la forcelle
 estant contigu au precedent: en l'extremité supe-
 rieure de l'apophyse du palleron, ou il est conioint
 avec la forcelle: & en toute la creste du palleron,
 par vne ligne continue le long d'icelle: il s'infere
 par vn tendon large, robuste, nerueux & charneux,
 en la largeur de l'*auambas*, beaucoup au dessous
 de son coul.

Le troisième, qui est gros, charnu, & entre les
 autres de l'*auambas* quasi rond, naist par vn prin-
 cipe charnu, en l'angle inferieur de la base du pal-
 leron, & en la moitié inferieure, qui tend vers la
 base, de sa coste basse. Au meillieu de ladicte coste
 il se separe du palleron, & montant quelque peu
 vers la partie antérieure, s'infere en l'*auambas*,
 par vn tendon robuste & large, comme est celuy
 du premier, toutesfois vn peu plus pres de la teste
 de l'a

del'auãbras que le susdict: au reste quasi en mesme lieu, laissant entremi d'eux vne place vuide pour receuoir le tendon du quatrième.

Le quatrième fort grand, & large, naist des crestes des rouelles de l'echine, puis la sixième de la poictrine, iusques au meillieu du croppiõ. De son chef membraneux tenure tiré en ligne droicte & continue le long de l'echine, s'estendât sus les muscles d'icelle, & sus la partie des costes la plus voutree, qui regarde le dors, il s'implante par vn tendon fort & large, en la longueur de l'auambras, au dessous de son coul, entre les tendons du premier, & du troisième.

Le cinquième occupe la partie du palleron qui est entre sa creste & sa coste superieure. Estre monté en la superieure partie du coul d'iceluy, il s'advance au dessous du ligamēt, puissant & robuste, qui attache la sommité de l'epaule, avec l'apophyse interieure du palleron, qui reçoit la teste de l'auambras, & se finissant en vn tendon large & fort, outrepaile la ioincte du palleron avec l'auambras, & s'implante de biais au ligament de ladicte ioincte.

Le sixième estant fort charnu, tient toute l'enfonceure du palleron, & s'implante comme en demi cercle, en l'interieure partie de la ioincte, par vn tendon large.

Le septième, occupe la partie du palleron, qui est entre sa creste, & sa coste basse, & s'insere comme en demi cercle, par vn tendon court, & large, en l'exterieure partie du ligament de la ioincte: Voila les sept muscles de l'auambras, avec leur ori

gine, & insertion: Galien y en aiouste quatre pour faire le nombre de onze, en tout: desquelz,

Le premier, qui semble estre vne partie du septième récité ores, naist de la moitié de la coste basse du palleron, qui est puis son meillieu iusques au coul d'iceluy, comme le troisieme naist de son autre moitié, qui est puis le meillieu d'icelle iusques en l'angle inferieur de sa base. Ce muscle faict son insertion en la partie exterieure de l'auambras, & se trouue au singe, mais non en l'homme.

Le second naist du plus bas de la poitrine, à sçauoir de la douzième & dernière coste, sus le commencement du muscle oblique descendant du ventre, ayât son chef gresle & membraneux: puis deuenant charnu, & neantmoins demeurant tousiours gresle, & mince, se plonge au dessous du premier de l'auambras, & estant caché sous iceluy va contremont par le lieu de la poitrine, ou est plantée la mamelle, & en fin s'infere par vn tendon membraneux en l'antérieure partie de l'auambras, & principalement au bord antérieur de la cavitè grauee en la teste de l'auambras, ou est receu le plus gros chef du premier muscle, qui flechit le braçal, & qui est estendu le long de la veine humerale. Ce muscle se trouue au singe, non en l'homme.

Le troisieme naist de la peau qui est au dessus des flancz, vis à vis des cinq rouelles des reins, & touchant les flaquez, par accumulation de filetz charnus, minces & rares, lesquelz môtans de biais vers l'aisselle, & se ioignans de pres, font vn muscle large, & mince, plus estroit en son meillieu, qu'en sa base: qui se terminant en poincte, monte sus les tendons

tendons du precedent, & de l'inferieure partie du premier de l'auambbras, s'vnissant avecques eux, puis s'implante en l'auambbras, par vne petite legere, & peu manifeste insertion: Ce muscle se mōstre euidemment aux bœufz, & mōtons: moins au singe: riē en l'homme. Le singe à ces trois muscles plus que l'hōme, par ce qu'il se sert des bras à cheminer, ce que ne font pas les hommes.

Le quatriēme est le premier du palleron, attribué de Galien à l'auambbras, & décrit ci dessus. Gal. au 5. liure des Administr. anatomiq. chap. 1. & 2. traittant expressement des muscles de l'auambbras, n'en a recité que huit: à sçauoir au 1. chapitre, le second des trois propres au singe: le premier de l'auambbras, qu'il compte pour deux: le premier du palleron: le cinquiēme de l'auambbras: le quatriēme de l'auambbras: & le troisiēme des propres aux singes. Au 2. chapitre, le deltoeide ou second de l'auambbras: & derechef le cinquiēme de l'auambbras, avec le septiēme d'iceluy: ne faisant aucune mention du troisiēme & siziēme de l'auambbras, ni du premier des trois propres au singe: mais au 13. chap. liure 13. de l'vsage des parties, il les a nommés tous.

Du petit muscle situé en la iointe de l'euaule.

Chap. II.

VN fort petit muscle est caché en la iointe de l'euaule, qui prenāt son origine avec le moindre chef* du grand muscle, situé en l'auambbras, s'implāte au dessous de la teste dudit auambbras, au meillieu d'iceluy, entre l'aponeurose du* muscle produit de l'enfonceure du palleron, & de

** Il entēd le premier muscle du bras cat. * Du 6. de l'auābras.*

* Du 7. de celuy * qui est assis le long de toute la coste basse
 l'auãbras. dudit palleron : lesquelles aponeuroses sont si-
 * L'une en tuees * en cest endroict la. On peut estimer ce mu-
 dedans, lau- seelé estre vne portion du grand deltoeide situé en
 tre en de- l'auãbras: on le peut aussi mettre en cõpte pour
 hors. Veoy vn muscle propre & separé, par ce qu'il aide de
 la descri- quelque chose à estendre l'auãbras obliquemēt.
 ption des- dictz mu-
 scles,

COROLLAIRE.

*En l'homme ce muscle n'a manifeste & apparen-
 te circonscription comme au singe: & pour ceste cau-
 se on ne le recognoist point en l'homme comme muscle
 propre, & separé.*

Des muscles qui remuent la ioincte du coude.

Chap. III.

LA ioincte du coude est remuee par quatre
 muscles, enuironnās tout l'os de l'auãbras.
 Les deux premiers font la flexiõ de la ioincte, mais
 non exactement droicte: ains l'un la flechit en de-
 dans: l'autre en dehors: & pour ceste cause l'un est
 inferé en l'os du rayon: l'autre en l'os du coude: &
 chacun des deux adhere au ligamēt membraneux
 qui cireuit la ioincte. Mais s'ilz sont rendus tous
 deux ensemble, ilz font la moyenne flexion de la-
 dicte ioincte qui meine le braçal vers la sommité
 de l'épaule. Le plus grand des deux muscles, qui
 flechit la ioincte plus en dedans, se veoit manife-
 stement auant qu'en faire la dissection, embrasser
 & occuper toute l'antérieure partie de l'auãbras.
 Il commence au bord le plus haut de la cavitè &
 fosse qui est en l'extremité du coul du palleron: &
 aussi de l'apophyse dudit palleron nommée des
 Grecz *ἀκροακροειδης*, par ce qu'il ressemble à vn'an-
 cre.

cre. Son origine est attachee au bord de ladicte cavité par vn ligament rond & puissant: & a l'apophyse ancrée par vn autre ligament, plus tenure, & exactement rond: avec lequel est produicte vne substance charnue, semblable à vn petit muscle: & icelle outrepassant la ioincte est inserée au dessous de la teste de l'auambras: & de ce lieu ou elle s'implante, le ligament s'auanceant outre, est inferé en l'auambras par vn autre chef & implantation, au dessus du meillieu d'iceluy, auquel endroict commence à se faire le chef du muscle, contenant pareillement en soy l'autre ligament sus mentionné. De ce lieu, le muscle descendant par l'antérieure partie de l'auambras, luy est contigue iusques au meillieu de son os: & puis apres se souleuant & couchant sus l'autre muscle situé là, s'implante finalement en la ioincte du coude. L'autre & secōd muscle de ceux qui flechissent le braçal, à sa premiere naissance iouxte la teste de l'auambras, puis par l'exterieure partie d'iceluy va biaisant, en l'antérieure, iusques à la ioincte du coude, & en fin s'implante en l'os d'iceluy, comme le plus grand susdict faisoit son insertion en l'os du rayon. Des muscles qui estendent la ioincte du coude, vn des chefs commence en la moitié de la coste basse du palleron, laquelle moitié est prochaine de l'épaule: l'autre chef est produit au dessous, & en la postérieure partie de la teste de l'auambras. Comme ces deux chefs se sont mis, & ioinctz ensemble, tu voirras qu'ilz font vn fort grand muscle, qui s'implante en la noix ou pointe du coude, avec vn large tendon. Toutesfois si tu as respect aux produ-

** Le traducteur Latin par vne marque d'estoille monstre ce lieu luy estresuspect, toutes fois il se lit ainsi de mot en mot au chap. II. liu. I. des Administr. anatom.*

ctions supérieures, la rectitude des filetz &c. Suiuant le tendon t'apparoistra estre double, & diuise en deux, ayant son * exterieure partie, du muscle recité le premier, & son interieure du muscle nommé le second. Ces deux muscles estendent la iointe du coude: mais le premier, en l'estendant la faict incliner en dehors: & le second la faict incliner doucement en dedans. Vne portion du muscle nommé le second (car il est double & miparti en deux,) demeurant toute charnue, & adherente à l'entour de l'auambras, s'implante en la posterieure partie de la noix du coude, & faict l'extesion du braçal aucunement plus droicte l'os du coude, le contournant quelque peu a l'entour de l'os du coude. Aux singes il se trouue vne autre insertion, faicte en la iointe du coude, qui faict incliner obliquement le braçal en la partie exterieure. Ce muscle commence de l'implantation trauersiere du plus * grand de tous les muscles de l'auambras, lequel nous auons dict monter de l'echine & des costes.

** Du 4. de l'auambras.*

COROLLAIRE.

En l'histoire des muscles qui estendent & flechissent le braçal, la narration de Galien est claire, & riche. Vne chose i'adnoteray seulement, que ou il dict ici, & au chap. II. du I. liur. des Administr. anatom. le premier de ceux qui l'estendent, naissant de la coste du palleron estre inseré en l'interieure partie de la noix du coude, Vvessal chap. 46. liu. 2. le dict estre inseré en l'exterieure partie: & ou il dict le second estre implanté en l'exterieure partie de ladicte noix, Vvessal dict en l'interieure: & la où il estimé la masse de

se de chair produicte de l'auambres, estre une piece & portion de ce second muscle, Vvessal la diët estre meslee, ioincte & unie avec le premier muscle, & non avec le second.

Des muscles situés au braçal, qui remuent le rayon, le poignet, & les doigtz. Chap. IIII.

ON peut nombrer en diuerse maniere les muscles assis au braçal, ainsi qu'on les décrit & enseigne diuersement, ce qui a esté discouru & déclaré aux liures des Administrations * anatomiques. Car si nous voulons parler exactement, ilz seront dix & sept en nombre: si nous voulons enseigner les apprentis & ignoras, on ne les compteros que pour quinze. En l'interieure partie du braçal y a sept muscles, & n'est possible en compter plus ou moins. En l'exterieure, le moindre nombre est de huit: & si on separe les muscles ioinctz ensemble, le plus grand nombre sera de dix: le mediocre, sera de neuf. Il est notoire & manifeste, que estant figuree la main en sorte, que l'os du coude soit dessous, & l'os du rayon dessus, ainsi que les Anatomistes le prennent & entendent, disans quel que chose estre en dedans ou en dehors du braçal, au dessous de l'os du coude ne se trouuera aucun muscle situé: & au dessus s'en trouuera vn couché au dessus du rayon. Mais en cela tous les Anatomistes ont failli, comme nous declarerons manifestement, exposans ledict muscle, lequel nous redigeons au nombre des neuf muscles exterieurs. Vn grand * muscle seul estend les quatre doigtz, sans le ponce, situé iustement en la partie mitoyenne de tout le braçal, * produisant quatre tendons,

* Chapi. 4.
lin. 1.

* Le. 17. des
doigtz.
* Le 18. &
19. des
doigtz.

* L'anulair
re, & le pe-
tit: le 18.

* Le ponce,
l'indice, &
le mitoyen:
le 19.

* Le 19.^e
21. des
doigtz.

* En ceci
Vressal re-
prend Ga-
lien, disant
n'auoir iam-
mais trouué
que trois té-
dons de ce
muscle.

* Le 2. des
deux qui
estendent les
poignetz.

* Le pre-
mier des
deux qui e-
stendent le
poignet.

* La pre-
miere por-
tion, du 22.
des doigtz.

* Le 1. des
deux qui e-
stendent le
poignet.

* La pre-
miere por-
tion du 22.
des doigtz.

* Le 1. des

& en baillant vn à chaque doigt. Aux deux costés de ce muscle y en a deux autres * situés, desquelz l'vn recule obliquement les petits * doigtz d'auec les autres: l'autre approche les autres * trois doigtz des autres: mais si nous voulons parler exactémēt à la verité, ce muscle n'est point seul, & vnique, ains sont deux * muscles ioinctz ensemble. Tous ces muscles recités sont enueloppés d'un ligamēt naissant pres de l'inferieure extremité du rayon, & de l'os du coude, & principalement aux chefs de leurs tédons: Chaque chef de ces muscles produit autant de tendons, comme ilz sont de doigtz qui doiuent estre remués. D'une part & d'autre de ces muscles, y en a d'autres, desquelz l'vn * estant couché exterieuremēt sus l'os du coude, est inseré au rateau de la main, ou metacarpe, al'endroit du petit doigt: l'autre est * implanté en la partie du rateau, qui est au deuant de l'indice & du mitoyé, par deux tédons. Outre ceux ci, vn troisieme * faict son insertion par vn tendon seul au premier os du poignet, pres du ponce. Par ces trois muscles le poignet est estendu, & par celui qui * est iouxte le petit doigt, la main estendue est presque tournée en figure prone: & par * celui qui est iouxte le ponce, ell'est presque tournée en figure supine. Mais le * muscle mitoyen entre ceux ci, faict vne moyēne extension: & si les deux muscles font leur action ensemble, la main estendue se trouue en moyenne constitution. * Au muscle * qui estend le poignet estant inseré pres du ponce, est adioint vn autre muscle, tellement que les deux se peuuent cōpter & dire pour vn: & ce * muscle adioint va au pre-
mier

mier os du ponce, & le remue d'un costé par mou-
 uement qui correspond au mouuement oblique
 des cinq doigtz, faict par les trois * muscles sus
 nommés vn ligament aussi embrace & contiét ces
 deux * cheffz en l'extremite superieure du rayon
 avec les cheffz des deux qui estendent le poignet.
 Si ces deux à sçauoir celui qui est inferé au pre-
 mier os du ponce, & celui qui estend le poignet
 pres du ponce font leur mouuement ensemble, &
 tout d'une empeinte, le ponce est estendu sans in-
 cliner çà ni là, il reste encor des muscles exterieurs
 du bracial, celui qui est inferé de * biais en la su-
 perieure partie du rayon, estant tout charneux: &
 celui qui estant fort long, gist en la partie supe-
 rieure, & se termine en tendon, qui n'est vrayemēt
 tédō, par ce que son extremite demeurāt tousiours
 charnue se mesle avec vn tédō quelque peu large,
 & s'implante en l'interieure partie de l'inferieure
 extremite du rayō, al'endroit ou ladicte extremite
 regarde le poignet. Les cheffz superieurs des * mu-
 scles susdictz sont assis en la maniere que ie diray.
 Trois muscles ioinctz & adherens ensemble ont
 leur origine de la teste externe de l'auambras, que
 les Grecz nomment condyle, comme si nous di-
 sions bosse, ou nodosité. Le plus haut de ces trois
 * estend les quatre doigtz: le plus bas * estend le
 poignet al'endroit du petit doigt: & le * mitoyen
 entre iceux, estend les deux petits doigtz. Les deux
 * muscles des autres trois doigtz, sont vnīs & cō-
 ioinctz en quelque leur partie, & ont leur origine
 de presque tout l'os du coude. & d'iceux, * l'un va
 en deux doigtz, à sçauoir le mitoyen & l'indice, en
 doigtz. * Le 19. & 21. des doigtz. * Le 19. des doigtz.

deux qui e-
 stendent le
 poignet.

* Sans tour
 ner vers la
 figure prone
 ni supine.

* La premie
 re portio du
 22. des
 doigtz.

* La 2. par
 tie du 22.
 des muscles.

* Le 17. 18.
 & 19. des
 doigtz.

* La 1. &
 2. portion
 du 22. des
 doigtz.

* Le 2. des
 deux, qui
 font la fig-
 re supine,
 du rayon.

* Le pre-
 mier des
 deux qui
 font la fig-
 re supine du
 rayon.

* Exterieurs
 du bracial.
 * Le 17. des
 doigtz.

* Le 2. des
 deux qui e-
 stendent.

* Le 18. des

la s'appliquant en la partie du poignet, qui est au
deuant d'iceux: l'autre va au pouce, ayant son ori-

** Vressal
repréd Ga
lien en cela.*

gine plus haute * que le precedent en la partie de
l'os du coude, prochaine de la ioincte d'iceluy. Ce
muscle donc a son origine & commencement en
la partie de l'os du coude, qui est au dessous de la
tête de l'auambras. De cest' origine, ou vn peu au
dessous, est produit ce muscle qui remue le pouce,
allant contre bas, par l'espace mitoyen qui est en-

** La 1. par-
tie du 22.
des doigtz.*

tre le rayon & l'os du coude. Le * muscle, qui est éd
le poignet al'endroit du pouce, est plus eleué, & au
dessus du precedent. il naist du rayon, & occupe
tout l'espace qui est au dessous de son origine.

** Le 2. de
ceux, qui e-
stendent le
Poignet qui
a deux ten-
dons.*

mais le muscle * qui s'implante en la partie du ra-
teau qui est au deuant de l'indice & du mitoyen,
est couché par dehors sus tout l'os du rayon, ayant
son origine & commencement en la partie qui est
au dessus de la basse exterieure de l'auambras, si-

** Le 17. des
doigtz.*

tuee au dessous du * muscle susdict, qui estend les
quatre doigtz. Ce muscle en son origine premiere
touché tousiours l'os de l'auambras: & quelque-
fois se veoit monter plus haut encor. Car ces mu-
scles ne gardent pas tousiours precisement, & sans
faute, vn mesme lieu de leur naissance, ains quel-
que fois, combien que fort rarement, ilz tiennent
& occupét, outre l'ordinaire, quelque vne des par-

** Le 1. des
deux qui
font sa figu-
re supine.*

ties superieures, ou quelque vne de celles qui sont
a costé. Au dessus de ces muscles a son chef, celuy
* qui est propre au rayon, s'estendant par dessus,

** Le 2. des
deux qui
font sa figu-
re supine.*

& le long de tout iceluy. Son action est de tourner
la main en figure supine. L'autre * muscle du rayó
situé en l'exterieure partie, est assis de biais, & s'im-

plante

plante en la superieure partie d'iceluy, & non pas
 en l'inferieure comme le precedent. Chacun de
 ces deux remue la partie du rayon en laquelle il
 est implanté: & s'ilz font leur action ensemble &
 tout d'une empaincte, la main est tournée en figu-
 re supine. Ce muscle second du rayon a son origi-
 ne du ligament membraneux qui est al'entour de
 la jointe, & de l'extremité de l'os du coude conti-
 gue audict ligament. Sus ceste mesme extremite
 monte, le muscle le plus bas de tous les muscles
 extérieurs du braçal, qui remue* le poignet, incó-
 tinent apres son origine adherent à tout l'os du
 coude. Voila la situation, nature, & mouuement de
 tous les muscles extérieurs du braçal. Des sept mu-
 scles qui sont en l'interne partie du braçal, deux
 flechissent le poignet: deux flechissent les doigtz:
 deux tournent le rayon en figure prone: le septi-
 me qui est le plus gresle & mince de tous, s'estend
 au dessous de la peau, & va par le meillieu du mē-
 bre, de la superieure partie en l'inferieure, finis-
 sant en vn tendon, qui incontinet au sortir de son
 muscle est rond, & qui a son origine fort haut au
 dessus du poignet. Ce tendon demeurant ainsi
 rond iusques au poignet, par apres se dilate en for-
 te, qu'il adhere & s'elargit au dessous de toute la
 peau de la main, qui est nue, & sans poil. Ce mu-
 scle ne faict aucun mouuement notable, iacoit que
 tous les Anatomistes noz predecesseurs & deuan-
 ciers ont cuide chacun des doigtz estre flechis par
 iceluy. Ce muscle doit estre dissequé le premier
 de tous, par ce qu'il est le premier de tous, & qu'il
 se rencontre incontinent apres, & au dessous de la

* Le 1. des
 deux qui
 l'estendent.

peau. Apres iceluy en sont situés trois, voisins & contigus l'un de l'autre, qui occupent toute l'intérieure partie du braçal. De ces trois, celui qui * est vraiment situé au meillieu, & au dessous du muscle susdict, est robuste, & diuisé en quatre tédons.

* Le 1. des
doigtz.

* Le 1. des
deux qui se
chiffent le
poignet.

* Le 2. des
deux qui se
chiffent le
poignet.

* Le 2. des
doigtz.

* Le 1. des
doigtz.

* On com-
pte ceste par-
tie du mu-
sclé pour le
3. des doigtz.

* Le 1. des
doigtz.

* Qui ne
reçoit aucun
tendon du
premier mu-
sclé.

* Qui se
faict du pre-
mier os avec
le second.

* Du pre-
mier mu-
sclé.

D'un costé & d'autre d'iceluy, y a vn muscle: l'un de ces deux * est implanté par vn simple tendon, au poignet: & l'autre par semblable tendon au rateau. Ces deux muscles flechissent le poignet: l'un le faisant incliner en figure supine, a sçauoir celui qui s'implante en la partie du poignet qui est deuant le petit doigt: l'autre, le contournant en figure prone, a sçauoir celui qui s'insere en la partie du rateau, qui est deuant l'indice. mais si ces deux muscles font leur action ensemble, & tout d'une empeinte, la ioincte du poignet a vne flexiō vrayement moyenne, sans incliner çà ni là. Avoir disléqué ces trois muscles, il s'en trouue vn autre, * le plus grand * de tous ceux qui gisent en l'intérieure partie du braçal, couché au dessous du * mitoyé susdict, qui flechit les cinq doigtz par vn tendon, a sçauoir la premiere & troisieme ioincte des quatre doigtz: & la seconde & troisieme * du ponce. Au dessus des tédons de ce muscle, qui sont grādz, sont portés & soustenus les tendons du * precedent, chacun d'iceux s'insérant en chaque doigt, fors qu'au ponce, * ainsi qu'a esté dict. Cōme ces tendons * sont venus pres de la moyenne * ioincte des doigtz, le petit * tendon embraceant d'une part & d'autre le grand qui luy est au dessous, est implanté au commencement du second os du doigt, qui est en la ioincte du meillieu. La premiere & seconde

secôde ioincte des doigtz sont flechies par le plus grand tendon, * & non pas toutes deux d'une mesme façon: par ce que ce tendon flechit la troisieme par soy mesme, & la premiere par le moyen d'un ligament. Les Anatomistes ont eſcrit, & à la verite, tous les tendons qui remuent * les doigtz, estre rondz comme de nerfz, toutesfois ilz n'ont vrayement & exactement particularise & specifié les cheſz ſuperieurs des tendons, ni baillé & ſommé le nombre des muſcles, de ſorte que meſmes aucuns d'eux, entre leſquelz eſt Aelianus, n'ont monſtré ni expoſé les muſcles qui ſont le mouuement du rayon. Mais nous parlerons incontinent deſdictz muſcles. Des cinq muſcles ſuſdictz, celui * qui flechit le poignet au pres du petit doigt, commence de la boſſe interieure de l'auambras, eſtant contigu à l'oſ du coude: & celui qui le flechit * au deuant du pouce, commence en la ſuperieure partie de la meſme boſſe de l'auambras. Entremi les deux cheſz & principes des muſcles ſuſdictz, eſt poſee l'origine du muſcle qui va en la peau de la main. Au deſſous de ladiete origine ſont couchés les deux grandz muſcles, qui rempliſſent tout l'eſpace qui eſt entremi l'oſ du coude & du rayon. Le moindre des deux, ſitue iuſtement au meillieu des deux oſa ſon origine de la boſſe interieure de l'auambras, eſtant auſſi contigu aucunement à l'oſ du coude. Le plus grand eſt eſtendu au deſſous d'icelui, occupant tout l'eſpace qui eſt entremi le rayon & l'oſ du coude, & adherent aux deux: adherent auſſi à l'entour * de la partie de l'oſ du coude qui eſt pres de la ioincte, & au poignet. Ce muſcle eſt di

* Du 2. muſcle.

* Qui les flechiffent.

* Le premier des deux qui le flechiffent.

* Le 2. des deux.

* Il entend la racine de l'apophyſe anterieure de l'oſ du coude, par laquelle il eſt eniointé avec l'auambras: car en icelle racine ce muſcle a ſon origine.

* *Qu'on estime le 3. muscle des doigtz.*

* *Et de la son tendon se retourne & replie contre le pouce.*

* *Remuant par son tendon, l'indice, le mitoyen & l'annulaire.*

* *Le 2. des deux qui le flechissent.*

* *Ce muscle est le 2. des deux qui tournent le rayon en figure prone.*

* *Des deux qui font la figure prone du rayon.*

* *Il semble que les deux muscles du rayon situés au dedans du brachal doivent plustost tourner & le rayon & la main en figure prone que supine.*

est diuisé en trois parties: l'une respond au droict de l'insertion qui se faict au petit doigt: l'autre * ayant mesme principe & commencement que le reste du muscle qui remue les quatre doigtz, est principalement assise au droict * de l'indice. La troisieme partie, & la plus grande occupe tout l'espace, qui est entremi le rayon & l'os du * coude. Des muscles obliques qui remuent le rayon, l'un a son origine de la bosse interieure de l'aumbras, & adhere au chef du muscle, qui naissant en la superieure partie de ladicte bosse de l'aumbras, flechit * le poignet au deuant du pouce: puis se termine en la moitie du rayon, s'insérant en sa partie * superieure. Ce muscle tourne en dedans, & vers contre terre le rayon, ce que nous disons en figure prone. Le second * est beaucoup moindre que le precedent, & le plus court de tous, ayant en la partie prochaine du poignet la situatiō de ses filetz presque trauersiere, & attachant ensemble l'extremite des deux os du rayon & du coude: s'inclinant toutesfois quelque peu de biais de l'os du coude vers le rayon. Ce * muscle renuerse la main en figure supine, comme le precedent en figure prone.

Chap. V.

EN l'interieure partie de la main y a deux genres de muscles, tous necessairement petitz, & neantmoins grandement differens entr'eux en grandeur & autres qualitez. Il y en a cinq qui remuent obliquement les doigtz en dedans & contre mont, chacun d'eux assigné & distribué à cha-

que

que doigt. Vn autre s'zième approche le pouce, nommé des Grecz *επιχρυσος*, comme si nous disions contremain, vers l'indice. Le septième recule au plus loin que faire se peut, le petit doigt d'auec les autres. De ces muscles ceux qui inclinent tous les doigtz en dedans & contremont, les quatre ayans leur commencement des tuniques qui reuestent & enuironnent les tendons flechissans les doigtz, finissent en vn tendon mince mediocremét rond, & s'inferent en la partie laterale ou trauersiere de chaque doigt: à raison de quoy ilz font son mouuement lateral & oblique. Le cinquième * reculant au plus loin qu'il est possible, le pouce d'auec l'indice, a son chef attaché au premier os du poignet, & se terminant en vn tendon aussi gresle que les autres, s'inferent au pouce, & faict le mouuement susdict. Le muscle * approchant le pouce de l'indice, & faisant mouuement contraire au susdict, tire pareillement le doigt vers son chef, lequel est inferé en la partie du rateau, qui est deuant le doigt du meillieu. Vn * autre muscle naissant du premier os du poignet qui a sa situation basse, & s'implantant en la partie basse du petit doigt, la main estant en sa figure naturelle, faict vn semblable genre de mouuement que le susdict, reculant le petit doigt d'auec l'anulaire. C'est donc à bonne raison, que ce muscle, & celui qui recule le pouce d'auec l'indice sont beaucoup moindres que les autres cinq, estant besoin qu'ilz soyent attachés au poignet, à fin que leur mouuement soit plus long. Auoir osté & refect ces muscles auec leurs tendons, tu decouuriras & remarqueras d'autres * mu

* Le 23. des doigtz.

* Le 24. des doigtz.

* Le 10. des doigtz.
* de ces muscles Galien en attribue huit aux 4. doigtz: & trois au pouce: vn, qui remue sa premiere jointe: & deux, qui remuent sa seconde.

scles situés au rateau, long temps incognus à moy, & aux autres Anatomistes, qui ayans leur origine du ligament embraceant & enueloppant les os du poignet, principalement en l'endroit ou le poignet se termine, & le rateau commence, vont en la premiere ioincte de chaque doigt, estés distribués, à chaque doigt, deux: & inserés de sorte au meilleur lieu des doigtz, aux quelz ilz sont assignés, qu'ilz comprennent avec quelque portion de leur partie laterale: & à ceste cause ilz flechissent, avec quelque inclination en la partie oblique, la premiere ioincte de chaque doigt, laquelle nous auons aussi dict estre flechie par le ligament enuironnant les * grandz tendons. Au ponce la grandeur de ces muscles n'est totalemēt egale entr'eux: par-ce que le muscle reculāt le ponce au plus loin qu'il est possible, d'avec l'indice, est moindre que les autres, & s'implante en la seconde ioincte du ponce, ne la remuant pas grandement, ains plus la premiere: les autres muscles suiuantment flechissent la seconde ioincte, l'un contigu au plus grand sus mentionné, & flechissant ladicte ioincte en la detournant contremont: l'autre suiuant les susdictz, qui flechissant la ioincte la faict incliner en la partie oblique. L'office & actio des onze muscles susdictz, est, de flechir chaque ioincte des os du rateau faicte avec les os du poignet, autant qu'elle peut estre flechie: qui est certes peu d'espace. Car les os situés en cest endroit la, sont ioinctz ensemble par Synarthrose, * & non par Diarthrose, comme les os des doigtz. Pour ceste raison la premiere ioincte du ponce a mouuement euidēt:

mais

* Du 2. mu
scl des
doigtz.

* Qui ap-
proche le
ponce d'a-
vec l'indice.

* Qui a le
mouuement
petit. & ob-
scur.

mais la ioincte du rateau avec le poignet a son mouuement obscur, & latent. Certes quelque fois au ponce on veoit seulement deux muscles, lesquels sont relz que ceux des autres doigtz: & souuent sont si ioinctz & vnis ensemble, qu'ilz semblent en chique doigt estre vn muscle seulement.

COROLLAIRE.

Tous les muscles ordonnés pour le mouuement des parties situees au dessous de l'aumbras, remuent le poignet, ou le rayon, ou les doigtz de la main. Le mouuement du poignet se fait quand on l'estend & flechit. il est flechi par deux muscles situees au dedans du braçal: il est estendu par trois, situees au dehors. Le mouuement du rayon se fait, quand il est renuersé contre bas vers la terre, qui est sa figure prone, ou contremont vers le ciel, qui est sa figure supine. il est tourné en figure prone par deux muscles, assis au dedans du braçal: & en figure supine, par deux muscles, assis au dehors d'iceluy. Le mouuement des doigtz se fait, quand ilz sont flechis, estendus, menés obliquement ou de coste, s'approchans ou reculans les vns des autres. Des muscles qui les remuent, les vns sont au braçal, & iceux, en son externe, ou interne partie: les autres sont en l'interne partie de la main seulement: car en l'externe ni a muscle aucun: mais bien y sont les tendons des muscles destinés au mouuement des doigtz, & couchés au braçal. Le mouuement des doigtz se fait par vingt & huit muscles, desquelz les vingt sont en la main, & les huit au braçal: et de ces huit, les cinq sont au dehors du braçal, les trois au dedans. Outre les susdictz muscles, y en a vn en l'interieure partie du braçal, duquel le tendon applati est adhe-

rent & uni au dessous de la peau de la main, pour grandes vtilités exposees de Galien, chap. 6. liur. 2. de l'usage des parties: & n'est dedie ce muscle pour faire aucun mouuement. Somme les muscles posés au dessous de ceux qui remuent l'auambraſ, & au braçal, qu'en la main, sont en nombre, trentehuiet. Voila, à mon auis, la diuision de ces muscles la plus aisee à entendre & retenir, qu'on puisse enseigner. Declaronſ maintenant briuement & particulierement chacun de ces muscles, expliquans leur insertion & origine principalement, quoy faisant ie changeray l'ordre de nombrer les muscles qui remuent les doigtz, tenu par le docteur Vessal, pour ne mester point ceux qui gisent au braçal avec ceux qui sont situés en la main.

Des muscles qui flechissent le poignet.

Le premier a son origine nerueuse & charnue del'interieure bosse de l'auambraſ, & gist au long de l'os du coude, occupant la moitié de l'inferieure partie du braçal, sus laquelle en escriuant nous nous appuyons, tellement que ce muscle par dedans, avec le premier des deux, qui estédent ledict poignet, par dehors, sont la poulpe de chair, sus laquelle come sus vn coussin, le bras estât en moyēne figure, se repose le braçal. Estre venu ce muscle au bout de l'os du coude, vn peu au dessus de la iointe du braçal & du poignet, il se termine en vn tendon rond & fort, accompagné d'une substance charnue iusques au poignet, & outre le poignet il est totalement nud & depouillé de chair. Ce tendon est inferé, en la partie superieure du quatrieme os du poignet, nommé des anciens l'os droit, ou l'os chartilagineux du poignet, qui est

en ioin

enjoincté avec le troisiéme os dudit poignet seulement, & non autre, Galien semble l'auoir cōpté au liure des os, pour le huictiéme du poignet.

Le second a pareillement son origine de l'intérieure bosse de l'auambras, prochaine au chef du susdict: & s'acheminant obliquement, finit au deuant de la racine du poignet, en vn tendon rond, qu'on cuideroit, sans y auiser de pres, estre inséré aux os du poignet, mais auoir osté & reséqué le muscle qui ecarte le ponce des autres, & les deux, qui flechissent la premiere ioincte du ponce, on veoit que ce muscle passant outre le poignet, se dilate, & implante en l'os du rateau, qui est au deuant du ponce.

Des trois qui estendent le poignet.

Le premier est la premiere portion du huictiéme des doigtz, duquel nous parlerons ci apres.

Le second a son origine en la racine de la bosse extérieure de l'auambras, & son chef le plus bas en situation de plusieurs autres chefz, qui procedent de là, il est assis le long de l'os du coude, entre le premier de ceux, qui flechissent le poignet, & celui qui estend le petit doigt: & s'approchant du poignet, il se termine en vn tendon rond, appuyé sus vne cauité grauee en l'epiphyse de l'os du coude, puis comme il monte sus le poignet, il s'elargit, & s'implante en l'os du rateau, qui soustient le petit doigt.

Le troisiéme a son origine quelque peu large au dessus de la bosse extérieure de l'auambras, estant tout charneux: & s'estendant le long du rayon, vn peu plus bas que la moitié d'iceluy, se termine en

vn tendon fourchu, lequel estre venu en l'épiphyse du rayon, iouxte le poignet, est receu en vne cauité faicte expressement pour luy. Comme il a passé outre ladicte cauité, les deux fourchons de ce tendon, se separent, & s'implantent par vne insertion large au rateau: l'un en racine de l'os qui soustient l'indice: & l'autre en la racine de l'os qui soustient le doigt mitoyen.

Des muscles qui tournent le rayon en figure prone,

Le premier qui remue la partie du rayon prochaine au poignet, a son origine en la longueur de l'os du coude, & s'infere trauesierement en l'os du rayon, estant aussi large que long.

Le second naist en la racine de la bosse interieure de l'auambas, & en la partie de l'os du coude prochaine d'icelle, & montant de biais sus le rayó, s'implante par vne insertion nerueuse iusques en la moitié d'iceluy.

Des muscles qui tournent le rayon en figure supine,

Le premier qui est le plus long de tous ceux du braçal, ayant respect à son ventre, & à la traicte de sa partie charnue, car autrement Galien en cela n'auroit dict verité, par ce que plusieurs des doigtz se trouueroyent plus longz, naist de l'exterieure partie de l'auambas, au dessus du troisieme du poignet. Ce muscle s'estend le long du rayon, en l'extremité duquel comme il est venu, il se termine en vn tendon, qui estant elargi & applati comme vne membrane, s'implante en la superieure partie de l'épiphyse du rayon.

Le second a son origine en l'exterieure partie de la ioincte du coude, du ligament qui l'enui-

ronne, & s'implante au rayon, iouxte l'insertion du muscle precedent.

Des muscles qui remuent les doigtz de la main.

Le * premier naist en l'interieure bosse de l'auã * *Le 1. de Vressali*
bras, au dessous du chef des deux qui flechissent le poignet, & de celuy qui elargit son tendon au dessous de la peau de la main. Ce muscle au dessus de la racine du poignet, & assez loin d'icelle, est diuisé en quatre parties charneuses, qui se finissent en tendons, allans, chacun d'iceux au doigt qui leur est vis à vis: & s'elargissans en façon d'une membrane, s'insertent en la racine du second os du doigt qui leur respond, & en toute la longueur subsequente d'iceluy. Comme ces tendons sont venus aux premiers os des doigtz, auant que de monter en la racine du second os, ilz se fendent pour donner passage aux tendons du second muscle, que suiuaument nous exposerons.

Le * second naist en la superieure partie de l'apophyse de l'os du coude, sous le chef du precedent: * *Le 2. de Vressali*
& s'estre auancé vn peu outre le meillieu du brachal, se diuisé comme le premier, en quatre parties charneuses, qui au dessus du poignet, se terminent en tendons ronds, plus epais que les tendons du precedent, d'autant que la masse de ce second muscle excède en grosseur la masse du precedent. Ces tendons sont couchés sous les tendons du precedent, comme est aussi le muscle d'ou ilz precedent couché sous iceluy: & passans par la fente des tendons du premier, qui leur sont au dessus, s'implantent en la racine du troisieme os des doigtz. Ces tendons, & les superieurs aussi, ont en leur inser-

tion vn petit os nommé des Grecz Sefamoeides par ce qu'il ressemble à vn grain de la semence de la Iugeoline, diète des Grecz Sefamum, & d'aucuns Italiens Sofimano.

* Le 3. de
Vressal.

Le troisiéme * est continu au second, en la ioincte du braçal & de l'auambras: au reste, il luy est adherent le long du braçal, comme sont muscles qui s'attouchent l'un l'autre. Son origine est au lieu ou l'os du coude reçoit la teste du rayon en vne cauité vuidee pour cela expressement. il s'estend au long du rayon, & pres du poignet se termine en vn tendon, enucloppé d'une membrane particulière, autre que celle des quatre precedens, lequel estre venu en l'os du poignet qui soustient le pouce, ou il trouue vne cauité expresse qui le reçoit, il se reflechit au pouce, & montant entremi les muscles qui courbent sa premiere ioincte, & ceux qui courbent sa seconde, va au troisiéme os d'iceluy, qu'il flechit, & auquel il s'implante. Galien de ces deux muscles derniers, n'en faiét que vn. Ces trois muscles sont assis en l'interieure partie du braçal.

* Le 17. de
Vressal.

Le quatriéme * naist en la partie la plus eminente de la bosse exterieure de l'auambras: & en l'extremité du rayon, ou le dict rayon est eniointé avec le poignet, se diuise en trois parties charneuses, lesquelles incontinent finissent en tendós, qui estre venus au poignet, s'elargissent, & separét l'un de l'autre, allanz le premier en l'indice, le second au doy du meillieu, & le troisiéme a l'annulaire. Or comme ilz sont attriqués à la racine des doigtz qu'il remuent, ilz deuiennent encor plus larges & plus minces, se meslans ensemble, puis s'insc

s'inscrans en la racine du premier os, s'estendent par le meillieu de l'exterieure partie des doigtz iusques en l'extremité d'iceux.

Le cinquième, * qui est gresse, & long, naist en * *Le 18. de Vressal.* la bosse exterieure de l'auambas, entre le chef du quatrième, & le second des trois qui estendent le poignet, il va plus bas que le quatrième, iusques à la fin de l'os du coude, ou il se termine en vn tendon, qui auoir frâchi le poignet, va au petit doigt, & en la racine d'iceluy se meslant avec le tendon du quatrième, qui monte en l'anulaire, & s'implante en la posterieure partie des trois os dudit petit doigt.

Le sixième * a son origine en l'os du coude, outre la moitie d'iceluy, tirant vers le poignet. Son chef est commun au septième subsequent. Ce muscle va de biais en l'epiphyse du rayon, & premier que di arriuer, se diuise en deux tendons, ayas vne propre cauité en ladicte epiphyse qui les reçoit, & vn propre ligament qui les serre & retient. De ces deux tendons, l'vn va en la racine du doigt du meillieu, & l'autre en la racine de l'indice: & par iceux est fait le mouuement oblique des deux doigts, par lequel ilz sont reculés du pouce, & principalement l'indice.

Le septième * est vne portion du precedét. Deuant que ce muscle soit paruenu en l'inferieure partie de l'epiphyse du rayon, il finit en vn tendon presque tout rond, qui passant en vne mesme cauité, & sous vn mesme ligament, que le tendon du troisième de ceux qui estendét le poignet, pour la plus part, va en la main, & s'applatissant s'insere

en l'exterieure partie du pouce, qui regarde l'index, le long de tout iceluy.

* *Le 22. de Vressal.* Le huitième a son origine en l'os du coude, quelque peu au dessus du precedent, il monte de biais sus le rayon, & sus le troisième de ceux, qui estendent le poignet: & a l'endroit ou il le croise, il se diuise en deux parties inegales, contigues l'une à l'autre. La premiere & la plus haute finist en l'exterieure partie de l'os du poignet, qui soustient le pouce. Ce muscle est le premier des trois qui estendent le poignet, comme a esté dict ci dessus. La seconde & plus basse portion de ce muscle se diuise derechef en deux parties charnues: desquelles celle de dessus, s'implante par son tendon en la racine de l'exterieure part du premier os du pouce, pres de la partie interieure dudit os. La partie de dessous, par son tendon s'implante en la racine de l'exterieure partie du second os du pouce, & s'estend iusques en l'extrémité d'iceluy. Ces cinq muscles sont en l'exterieure face & partie du bracial.

* *Les 25. 26. 27. 28. de Vressal.* Le neuvième, * dixième, onzième, douzième sont les quatre muscles adherens aux quatre tendons du second muscle ci deuant expliqué. ilz naissent de la tunique membraneuse qui enuoloppe lesdictz quatre tendons, quand ilz passent la cauité enfoncée au poignet, & au dessous du ligament trauersier, qui les serre & retiét; on les nomme vulgairement les quatre Lamprions. Ces quatre muscles sont assis en l'interieure partie de chaque leur tendon, & s'insèrent en la racine du premier os de chaque doigt, en son interieure partie. Leur office est, mener les quatre doigtz obliquement vers

vers le pource.

Le trezième* a son origine du quatrième os du poignet, mentionné ci dessus en la description du premier des deux qui flechissent le poignet. Ce muscle estant tout charneux, est vraiment semblable à vn rat, s'implante en l'exterieure partie du premier os du petit doigt. Son action, est de reculer au plus loin qu'il est possible, le petit doigt des autres.

* Le 20. de
Vressal.

Après ce muscle s'en trouuent dix,* qui flechissent le premier os de chaque doigt, en chaque doigt deux. Ceux qui flechissent la premiere iointe des quatre doigtz outre le pource, sont presque tous charneux, & assis droictz en la longueur du rateau, & s'implantent aux premiers os des doigtz. Des deux qui flechissent la premiere iointe du petit doigt, l'un contigu au precedent, naist en l'extérieure & superieure partie del'os, du poignet situé au deuant du petit doigt, & montant en haut demeure charnu iusques au premier os d'iceluy: & estre paruenu audict os, s'insere par vn tendon quel que peu large, en l'exterieure partie dudict os, s'inclinant toutesfois vers son interieure, ce muscle avec le trezième fait la petite colline releuee au deuant du petit doigt, qu'on nomme en Chieromantie la montaigne de la Lune. L'autre naist en l'interieure partie dudict os du rateau, en l'extremite d'iceluy, iouxte le poignet: & s'auanceant entre ledict os du rateau, & l'autre son voisin, demeure charneux iusques au premier os du doigt, en l'interieure partie duquel il s'implante, avec vn tendon membraneux. Quand ces deux muscles

* Les 4.5.
6.7.8.9.10.
11.12.13. de
Vressal.

font

font leur action ensemble, & d'une empaincte, la premiere ioincte est flechie sans incliner ça ni là. Si l'interieur seul faict son action, ell'est flechie se detournant vers la partie interieure: si l'exterieur, vers la partie exterieure. L'origine, insertion, & assiete des six autres muscles, qui flechissent la premiere ioincte des autres trois doigtz, est du tout semblable à l'origine, insertio & assiete des deux, maintenant exposés. Les tendons de ces muscles ont en leur insertion vn os Sesamoeide, voire plus manifestement que ceux du premier & second muscle. Des deux qui flechissent la premiere ioincte du pouce, le premier estant tout charneux, a son origine en la partie superieure du ligament trauesier du poignet, & s'implante ainsi charneux qu'il est, en l'interieure partie de tout le premier os du pouce, touchant bien peu au second os. Le second muscle est du tout caché sous le precedent, il naist dudit ligamēt trauesier, & de l'os du poignet, qui soustient le pouce: & s'implante en la racine du premier os d'iceluy, ne s'auanceant point outre la moitié dudit os.

* Le 23. de *Vressal.* Le vingt & quatrieme, * qui recule le pouce des autres, autāt qu'il est possible, naist en l'anterieure partie de l'os du poignet, qui soustient le pouce, & s'implante en la seconde ioincte d'iceluy, avec vn tendon membraneux, quel est son chef aussi. Ce muscle avec les deux ores declares, flechissans la premiere ioincte du coude, font la colline & butte qui est au deuant du pouce, nommee en cheiromantie, la montagne de Venus, ou comme aucuns veulent, de Mars.

La secôde ioincte du pource est flechie par trois
 * muscles, desquelz le premier & 25. des doigtz, a
 son chef oblique & large en l'os du rateau, qui
 soustient l'indice, vn peu au dessous de la teste d'i-
 celuy qui s'enioincte avec le premier os du doigt,
 & s'implante en la partie du second os du pource,
 qui regarde l'indice, avec vn tédon membraneux,
 estant neâtmoins ceste insertion aucunement co-
 tournée en la partie interieure. Le second & 26.
 des doigtz, naist au meillieu de l'os du rateau qui
 soustient le doigt mitoyen, estant contigu au pre-
 cedent en son inferieure partie. Son chef aussi tou-
 che quelque peu à l'os du rateau, qui porte l'anu-
 laire, estant tenure, mince, & large. il s'implante au
 meillieu de l'interieure partie du second os du
 pource. Le troisieme & 27. des doigtz, a son origine
 semblablemēt large, en la racine de l'os du rateau
 qui soustient l'anulaire, & allant de biais vers le
 pource, est implanté en l'interieure partie du secôd
 os d'iceluy, tirant vers l'anterieure, avec vn tédon
 court & large. Ce muscle & le premier de ces trois
 nagueres declare ont en leur insertion, vn os Se-
 samoide, le plus apparēt & insigne de tous ceux,
 qui se trouuent aux doigtz: & encor plus ce troi-
 sieme que le premier.

* Les 14.
 15. 16. de
 Vressal.

Le vingt-huictieme * & le dernier, qui appro-
 che le pource de l'indice, a son origine en l'interieu-
 re partie, tournant quelque peu vers la posterieu-
 re, de l'os du rateau, qui soustient l'indice, en toute
 la longueur d'iceluy il s'implante par sa portion
 charnue en toute l'exterieure partie du premier
 os du pource, & par vn tendon membraneux en la
 racine

* Le 24. de
 Vressal.

racine du second os d'iceluy. La situation de ses filetz est trauersiere. En approchant le ponce de l'indice, il seconde, aide & fauorise l'action du septième, ci dessus exposé.

Voilà, au plus brief qu'il m'a esté possible, la description des vingt huit muscles des doigtz: desquelz, les huit sont au braçal: & les vingt, en la main. De ce nombre, le ponce en a dix, huit en l'interieure partie, & deux en l'exterieure: les dix huit qui restent, seruent au mouuement des autres doigtz. Outre ceux-ci, est le muscle duquel le tendon s'vnit au dessous de la peau de la main. il n'eschet le d'escrire plus amplement, par ce que Galien en a parlé suffisamment au chap. 6. liur. 2. de l'usage des part. comme à esté dict, & au chap. 5. liure 1. des Administr. Anatom. Et pource que les modernes curieux Anatomistes mettent quelque point en auant, desquelz ilz ne s'accordent point avec Galien, sus l'histoire & declaration des muscles susdictz, il ne sera hors de propos quoter ces pointz, à fin que le lecteur vacquant à l'Anatomie, s'en donne garde.

Le premier est, que le quatrième muscle, se diuise en trois tendons seulement, & non en quatre, comme dict Galien. Le second, que les tendons du premier, incontinent qu'ilz sont venus au premier os des doigtz, se fendent pour donner passage aux tendons du second, & non pas apres qu'ilz sont paruenus au second os, comme Galien cuide. Le troisième, que les tendons du second muscle, ne se dilatent & applatissent point al'endroit du premier os des doigtz, comme Galien dict, ains y sont

& de

& demeurent ronds. Le quatrième est, que le tendon du troisième muscle, en l'homme, n'est pas moindre que les tendons du second, comme Galien escrit, ains plus gros, & plus puissant. Le cinquième est, que les tendons du premier muscle sont inserés en l'antérieure partie du second os des quatre doigtz, & non aux parties laterales d'ice-luy, comme Galien pense. Le sixième est, que la bûte de la main située au deuant du pouce, est faite de trois muscles, & non d'un seul, comme Galien estime: & la bûte emînète au deuant du petit doigt est composée de deux, & non d'un seulement, comme Galien dict. Le septième est, que le pouce considerant son assiete, est flechi aussi bien que les autres doigtz, vers le meillieu du poignet, iacoit que Galien luy attribue mouuement contraire à celuy des autres doigtz, chap. 5. & 17. du 1. liure de l'usage des parties. Le huitième est, que les tendons du second muscle flechissent seulement la troisième iointe des quatre doigtz, & non la première & troisième, ainsi que Galien dict: comme aussi le tendon du tiers muscle flechit seulement la troisième iointe du pouce, & non la seconde & la tierce, ainsi que Galien le cuide. Veoy les raisons & fondemens de ceste opinion en Vvesal chap. 43. liur. 2. Le neuvième est, que les tendons du quatrième muscle, ne sont point adherens seulement aux doigtz al'endroiçt de leur iointe, comme Galien a opiniõ, ains le long de tout le doigt. Le dixième, que le quatrième muscle a vne cauité propre en l'extérieure partie du rayon, ou sont logés & recueus ses trois tendons, & un ligament aussi propre, au

pre, au contraire de ce que Galien a escrit. L'onzième, que l'origine du sixième muscle est en la moitié inferieure de l'os du coude seulement, & non en tout ledict os. Le douzième, que le muscle reculant le ponce de l'indice, est inferé en la seconde ioincte du ponce, & nō au premier os d'iceluy, comme Galien l'asseure chap. 6. liure 1. des Administr. Anatom. Le trezième, que les tendons du second muscle ne sont point inferés au premier os des doigtz, comme est l'avis de Galien: ains seulement adnexés par ligamēs membraneux. Le quatorzième, que les muscles du brâçal, ne tournent point la main en figure prone, ni supine, comme Galien l'affirme en plusieurs lieux, sans mouvement du rayon. Le quinzième, que le vingthuietième muscle à son origine telle que l'auons dechiffree, & non point en l'os du rateau, situé deuant le doigt du meillieu, comme Galien dict chap. 9. liure 1. des Administr. Anatom. Le sezième que Galien n'a pas cogneu exactemēt les muscles du ponce, situés au dedans de la main. Au chap. 17. liur. 1. De l'usage des parties. Il recite seulement le vingt & quatrième, qui le recule, (le nommant le grand muscle, par ce que d'iceluy & des deux flechissans la premiere ioincte, il ne faisoit que vn muscle,) & le vingthuietième qui l'approche, sans faire mention des deux qui flechissent la premiere ioincte, & des trois, qui flechissent la seconde. Au chap. 9. liure 1. des Anatom. Administr. qu'il a escrites puis l'œuvre De l'usage des parties, outre les quatre muscles adherens aux quatre tendons du second muscle, il recite seulement le muscle qui approche le ponce

le pouce de l'indice, & le muscle, qui le recule d'ice-
 luy: sans faire mention des cinq, ores nommés.
 En celiure qu'il a composé apres les deux autres,
 comme contenant la parfaicte & vraye dissection
 des muscles, il recite trois du pouce, & huit des
 quatre doigtz, deux en chacun, estendus sus le ra-
 teau, qui font onze en tout: & des trois du pouce
 il recite le premier, celuy qui le recule de l'indice:
 pour le second, celuy qui le flechit vers la partie su-
 perieure, que deuous prendre pour celuy qui l'ap-
 proche de l'indice: & pour le troisieme, celuy qui
 flechissant le pouce le faict tourner quelque peu
 obliquement, que deuous prendre pour l'un des
 trois qui flechissent la seconde ioincte: somme que
 des huit situés au dedans de la main, comme il a
 esté déclaré, au liure De l'V sage des parties, & des
 Administr. Anatom. il n'en a faict mention que de
 deux, & en ce commentaire, que de trois.

Des muscles qui remuent la ioincte de la hanche.

Chap. VI.

LA ioincte de la hanche est remuée par dix mu-
 scles, en l'histoire & denombrement desquelz
 ont grandement erré les autres Anatomistes, &
 Lycus aussi disciple de Quintus, qui les a cuide
 estre cinq seulement, trois en l'interieure partie,
 & deux en l'exterieure. Des autres cinq, qui restēt
 pour faire le nombre de dix, il en passe sous silen-
 ce trois, & en a déplacé & transporté * en autre
 lieu deux, par ce qu'il ignoroit leur action, & con-
 syderoit tant seulement leur assiete, les voyāt cou-
 chés sus la cuisse avec tous les autres qui remuent
 la ioincte du genoil. Mais la chose n'est pas ainsi

* Les a as-
 tribués &
 assignés à
 une au-
 tre
 ioincte, à
 scanon, à
 celle du ge-
 noil. Ces
 den- x mu-
 scles sont le
 5. & 8. de la
 cuisse.

*Le 5. de
la cuisse.*

** Le 8. de
la cuisse.*

** Le 6. de
la cuisse: a-
vec lequel il
mesle & co
fond le 7.*

comme Lycus estime, ains comme nous dirons.
L'un * de ces deux muscles, & le plus grand de tous
ceux qui sont en ce membre, meine la cuisse en de-
dans & en dehors: l'autre * meine principalement
toute la cuisse en dedans, & avec icelle quelque
peu la greue, de sorte que le reste de ceux qui re-
muent la cuisse sont huit. Or si quelqu'un veut
examiner & auiser clairement les muscles qui re-
muent la jointe de la hanche, il luy faut premie-
rement oster tous ceux qui environnent la cuisse,
par lesquels est fait le mouvement de la greue.
Ce neantmoins, pource que l'ordre de leur situa-
tion nous conduit & guide premierement à ceux
de la cuisse, nous entamerons nostre propos par le
discours d'iceux. La partie interieure du * muscle
des lombes, nomme des Grecz *Ιαξ*, qui vn grand
muscle, ayant son commencement en l'onzieme
coste de la poitrine, s'implante par vn puissant li-
gament, en l'interieure partie de la hanche, & prin-
cipalement au lieu ou commence l'os qu'on ap-
pelle l'os du penil, & se termine le flaque. & l'ex-
terieure parties inferieure au commencement du fla-
quer. Tout ce qui reste dudit muscle des lombes
s'acheminant & auanceant iouxte l'interieure par-
tie du flaque, recoit encor vne production epoul-
se & charnue dudit flaque: puis dudit reste &
de ceste nouvelle production se fait vn muscle
seul, qui s'implante au petit vireur de l'os de la
cuisse par vn tendon robuste, & quelque peu lar-
ge. Ce muscle flechit toute la cuisse, & la contour-
ne plus en la partie interieure. En ce mesme petit
vireur ou trochantere est inferieure vn autre petit
muscle,

muscle, * de couleur liuide, ayant son origine en la base de l'os de la hanche, iouxte la partie de la fesse, qui au singe se veoit nue, & sans * chair. Le tendon de ce muscle estant semblable aux susdictz, occupe & embrasse toute l'inferieure partie du veur, comprenât aussi quelque portion de son interieure. Ce muscle meine vne cuisse vers l'autre, l'approchant par embas: & ne se peut bonnement veoir premier que d'oster & leuer le plus grand muscle de * tous ceux qui sont en la cuisse, qui est assis sus tout l'os du penil, & comprenant aussi quelque portion de la hanche, à sçauoir de sa trauersiere & de l'inferieure partie, pres de la susdicte qui est * nue, & sans chair, s'implante en tout l'os de la cuisse, avec prises & insertions charnues. Par les filetz qui ont leur origine en l'inferieure partie de la hanche, iouxte la partie nue & sans chair, lesquels vont iusques fort pres du genoil, il meine plus la cuisse en derriere, l'approchant neâtmoins quelque peu vers l'autre: & par les filetz qui ont leur origine & assiete plus haute, il approche seulement la cuisse de sa compagne: & par ceux qui sont les plus hauts de tous, & ayans leur commencement en la partie la plus haute, s'insertent en la premiere partie de la cuisse, il approche la cuisse de sa voisine, & ensemble la haue contremont. Auoir dissequé ce muscle, le susdict qui est de couleur liuide se veoit manifestement, * & avec iceluy certaines autres circonscriptions de muscles non trop manifestes, quelque fois deux, quelque fois trois, lesquelles si on veut mettre en compte pour muscles, nous dirons estre plus de dix mu-

* Le 8. tel aux Singes le descript ici.

* Autres lisent sans poil.

* Les de la cuisse.

* Entend tousiours au Singe. Aucuns lisent, come a esté adnoté, & sans poil.

* Comme on peut veoir au chap. 6. liur. 2. des Administr.

Anatomist. il entend deux ou trois deli. neations de muscles, que le cinquieme mostre, comme si cestoint plusieurs muscles, & nō pas vn tout seul.

scles qui remuent la ioincte de la hanche. En la posterieure partie des fesses, le premier muscle est le superficial, correspondant en proportion tant de situation que d'usage à celuy * qui occupe la sommité de l'epaule: car ce muscle faict la tension exacte de la cuisse, la tirant en derriere. De ses chefs & commencemens superieurs, les deux sont charnus, & vn membraneux. Des deux charnus, le plus grand est produit de la creste droicte du flâquet: le moindre, de la queue du croppion, & de la hanche: celuy qui * gist au meillieu des deux, & au dessus d'iceux, est tout membraneux. Ce muscle comprend al'entour la partie posterieure de la teste de la cuisse, s'auanceant quelque peu outre icelle: & se terminant en vn tendon large, qui va droict contre bas, il s'implante en la posterieure partie de l'os de la cuisse: & en ce lieu se ioinct & vnit parfaitement, avec le chef du muscle, ayant son aponeurose large & charnue, * qui s'implantant en l'exterieure partie de la greue, tourne en dehors la ioincte du genoil. Et certes si on ne disseque premiere-ment ce muscle de la greue, il n'est possible de veoir l'insertion susdicté du premier muscle de la cuisse. De ceste mesme insertion naist vne * autre production charnue, qui descend en la cuisse * entre les deux muscles anterieurs couchés sus icelle, se meslant & inserant aucunement avec eux, puis par vn tendon membraneux procedant de toutes ses inferieures parties, accompagne & conduit les muscles susdictz anterieurs, iusques au genoil. Le second muscle de la partie posterieure des fesses, situé au dessous du precedent superficial, est gros & char

* Au 2. de l'auabraz.

* Entendz la membrane large, estendue sus ce muscle, qu'on tient pour le commencement du 6. de la greue.

* Le 7. de la greue.

* Le 8. muscle de la greue.

* Le 7. & 8. de la greue.

& charnu. il prend son origine presque de toutes les parties externes (de l'os * du penil) & du flanquet, & s'ajoint au * muscle qui naist de l'inférieure partie du croppion, iusques à la queue d'iceluy: & est couché ce second muscle sous le premier, & precedent, en la largeur & spatiofité du flanquet. Sa partie supérieure qui s'estend vers les reins (& vers le flanc) est immédiatement située sous la peau, (& nō sous le premier muscle,) & sus icelle est estendu & adherēt le chef membraneux du premier muscle susdict. Ce second muscle se termine en vn tendon puissant, & s'implante en toute la sommité du grand vireur, estendant toute la cuisse, & ensemble tirant la teste d'icelle vers la partie extérieure. Au dessous de ce second muscle, a sa naissance vn * autre, de couleur liuide, qui procede de l'intérieure partie du * croppion, & fait son aponeurōse ioincte & contigue à celle du grand * muscle: toutesfois l'aponeurōse dudit grand muscle monte en l'antérieure partie de la teste du vireur, & l'aponeurōse de cestuici monte en sa postérieure partie iusques à sa sommité, occupant aussi quelque espace de sa partie intérieure. Ce muscle tire en dehors, & ensemble contre-mont la teste de la cuisse. Il y a d'avantage vn autre * petit muscle, & gros, qui ayant son origine * en l'extérieure & intérieure partie du flanquet & de l'os de la hanche, est couché pareillemēt sous le * grand susdict: & se termine en vn tendon puis

* Il entend le chef du premier muscle, que cō dessus il a dict, estre p̄duit de ces parties là.

* Ces mots, à mon avis, sont superflus: premieremēt, pour ce que la vérité est au contraire: Se condement, pource que Gal. cha. 6. liur. 2. des Administr. Anatom. & chap. 8. liu. 15. del'usage des part. ne fait mention que du flanquet.

() Ces mots, sont ajoutés au texte pour plus facile intelligence. * Le 3. de la cuisse.

* En l'homme du flanquet, aucuns pensent estre faite ici, mais autant en escript il chap. 6. liu. 2. des Administr. Anatom. Voy le corollaire. * Du premier de la cuisse. * Le 14. de la cuisse. * Le premier de la cuisse. * Par le 53. chapitre de

ribase de la dissec. des muscl. il se voit que ceci se doit entendre du quatrieme de la cuisse. En Oribase on lit, en l'exterieure & inferieure partie du flaque, qui est iouste la Hanche &c. Au 6. chap. liv. 2. des Administr. Ce muscle a son origine en l'exterieure & inferieure partie du croppion, comme il a dict. Je cuide certes avoir faute ici, & en Oribase; et pour flaque se devoit lire croppion.

* L'exem-

plaire Latin est ici corrompu: mais qu'il faille ainsi lire, on le voit manifestement par le 6. chap. des Administr. Anatom.

Aux Administrations Anatom. chap. 6. liv. 2. y a: l'un en l'antérieure partie, l'autre en la postérieure.

sant & large qui est inseré en l'interieure partie de la premiere apophyse du grand vireur ou trochantere, & est son insertion avancée iusques en la fesse. Ce muscle haïce la teste de la cuisse contremont, & la tourne semblablement en dehors. Restent encore deux des muscles qui remuent la cuisse, inserés en la postérieure cavité du grand vireur, par des tendons fortz, & quelque peu larges. Ces deux ont leur origine de tout l'os du penil * l'un en l'interieure partie, & l'autre en l'exterieure. L'insertion de celui qui naist en l'interieure partie, faicte au vireur, est plus haute: & de celui qui a son origine en l'exterieure, * plus basse. Ces muscles occupent le naturel pertuis de l'os du penil: & ont entremis d'eux un ligament membraneux. Ces muscles en leur postérieure partie se joignent ensemble, estant adhérens alentour de l'os de la hanche, par implantation charnues. Ces deux muscles virent & tournent la teste de la cuisse: le premier en l'interieure & antérieure partie: le second en l'exterieure & postérieure. Le dizieme outre les muscles sus recités, qui est assis en l'interieure partie de la cuisse, meïne euidentement toute la cuisse en dedans. Quelqu'un certes pourroit estimer qu'il remue la greue: mais ci apres incontinent, en nombrant & declarant les muscles qui remuent la jointure du genoil, par ce qu'il est du compte d'iceux, nous dirons quel il est.

COROLLAIRE.

En la description du tiers muscle faut lire, qui procede de l'exterieure & inferieure partie du flanguet: & en la description du quatrieme faut lire, ayant son origine en l'exterieure & inferieure partie du croppion, suivant ce qui est adnoté en la marge, comme il est manifeste par ce que Galien mesme en escrit, au chap. 8. liur. 15. de l'Usage des parties. Nous reduirons en table le nombre de ces muscles, avec leur origine, & implantation, qui monstrera clairement nostre correctio estre vraye, & necessaire. Les Grecz nomment το σνός, ce que simplement nous disons la iambe, ou toute la iambe, ou la iambe entiere. ilz nomment μηρ, la cuisse: ισχίον la hanche. αἰμυλὴν la greue, qui est puis le genoit, iusques aux cheuilles: ὀστέον αἰμυλῆς, l'os de la greue: πτερόν, l'eguille de la greue: ἀκρωμίων l'échine, ou la creste, ou le dors de l'os de la greue. Ces motz se doivent entendre prealablement que d'entrer en l'histoire & denombrement des muscles, qui remuent la cuisse, & la greue, a fin que leur origine & implantation soit mieux cogneue. La cuisse, par la jointe qui se fait de sa teste, receue & logee en la boite de la hanche, est remuee de dix muscles, inferés tous en l'une de ses deux apophyses & forietures, que les Grecz nomment trochanteres, & aucuns maistres rabilleurs de nostre temps, Les vireurs de la cuisse, lequel mot i'ay gardé, & retenu, a faute d'un meilleur & plus propre. Au grand vireur, qui est en l'exterieure partie de l'os de la cuisse, sont inferés sept muscles, a sçauoir le premier, second, troisieme, quatrieme, cinquieme, neuvieme, dixieme. Au petit vireur, qui est en l'interieure partie de la cuisse,

sont inserés les trois qui restent du nombre de dix, à sçauoir le sixième, septième, & huitième. Galien en ce liure a confondu le sixième avec le septième, par-ce que leurs tendons inserés au petit vireur, sont si contigus & ioinctz l'un à l'autre, celuy du sixième au dessus, & celuy du septième au dessous, qu'ilz font apparence de n'estre qu'un seul. Aux Administr. Anatomiques chap. 6. liur. 2. pour ceste cause, il parle bien de ces deux muscles, l'un qui naist des lumbes, qui est le sixième, & l'autre, qui naist de toute l'interieure partie du flaque, qui est le septième, mais il ne recite qu'un tendon seul, produict de tous les deux. Au lieu sus allegué du liure 15. de l'Vsage des parties, Galien distingue manifestement les deux muscles & tendons susdictz: & en ce lieu mesme aionste aux muscles propres de la cuisse, le sixième de la greue, par lequel faisant sa propre action, qui est d'estendre la ioincte du genoil, accidentalement la cuisse est flechie. Quand au dixième muscle, duquel Galien parle en la fin de ce chapitre, il se declarera luy mesme au chapitre suiuant. Venons maintenant au denombrement des muscles de la cuisse.

Le premier, prochain de la peau, formât le cou sinet de la fesse, a son origine large, & fort charnue en toute la partie posterieure de la creste du flaque, eminente vers le croppion, & aussi en quelque partie de sa creste superieure. D'auantage la plus basse portion de son chef est produicte, en la posterieure partie du dernier os du croppion, & de toute la queue d'iceluy. Nous exposerons au chapitre suiuant, en traitant du sixième de la greue, quell'est son origine membraneuse, proposée de
Galien

Galien ici, & aux Administrations Anatomiques. De son origine ainsi large, & faicte en croissant, ou demicercle, ce muscle va de biais, cōtre bas, sus la ioincte de la hanche: al'endroiēt de laquelle se faisant plus gresse, & plus estroit, il se termine en vn tendon large & puissant, qui s'implante le lōg du grand vireur, commenceant au dessous de sa sommite, tirant quelque peu en deuāt: puis de là, descendant en bas, & se retournant en derriere, il iette vne grande & forte partie de soy, en la racine du vireur, suiuant la partie posterieure de l'os, en droicte & longue ligne. Al'endroiēt de ceste insertion prend son origine le septième de la greue, & l'vn des deux chefs du huiētième.

Le second, couché pour la plus part au dessous du premier, a son origine large & charnue en l'antérieure & superieure partie de la creste du flaque, occupant toute la partie d'icelle, qui n'est point couuerte & prise du premier. Il a aussi quelque commencement au dors du flaque, au dessous du premier, al'endroiēt ou le premier s'ecarte & separe de l'os. De ceste origine ce muscle va cōtre bas, de biais, en s'estroicissant petit à petit, & au dessous du premier, couure & embrace semblablement comme iceluy, la ioincte de la hanche, al'endroiēt de laquelle il se termine en vn tendon membraneux, & neantmoins fort, qui est inseré au plus haut du grand vireur, comprenant aucunemēt le deuant d'iceluy, par vne insertion large & trauesiere, si on la compare avec celle du premier. Les filetz de ce muscle s'entrecroisent en sautoir, ou en forme de la lettre X. avec ceux du precedent.

Le troisieme, moindre que le second, d'autant que le second est moindre que le premier, est situe du tout au dessous du second, & a son origine en l'exterieure & inferieure partie du dors du flanquet, ou le flanquet commence a prendre nom de Pos de la hanche. Son chef est large, charnu, gros, de figure a demicercle, comme les deux des precedens. Ce muscle va contrebas, & quelque peu en deuant, s'attachant avec certains filetz au ligament de la ioincte de la hache, & s'estroicissant en celieu la, se termine en vn tendon large, & robuste, qui s'estendant sus le grand vireur, est inferé en son anterieure partie, & singulierement en la sommité d'iceluy. Ce muscle aux corps musculieux & peu gras, est de couleur liuide, & plombée: mais aux gras & refaictz, tient fort peu de ceste couleur.

Le quatrieme presque tout rond, & tout de couleur plombée, a son origine grosse & charnue en l'interieure partie des trois os du croppion inferieurs, avec lesquelz le flanquet n'est point enioincte, & de la allant trausierement au grad vireur, demeure par quelque espace charnu: puis s'estroicissant fuit en vn tendon rond, implante au derriere du grad vireur, en la sommité d'iceluy.

Le cinquieme, est comme diuise en deux muscles, ou deux parties, desquelles la premiere & posterieure a son origine au dessous du chef du troisieme, quatrieme & cinquieme muscles de la greue, procedant de l'epiphyse de la hanche. Son commencement est al'endroit de ladicte epiphyse, qui n'est point occupé du chef desdictz muscles: du tout charnu, fors que au dessous du chef desdictz muscles,

muscles, ou il est nerveux & robuste. Ce muscle incontinent en son origine embrasse la racine du petit vireur par derriere, & de la s'insere en la ligne ague, rude, & aspre, qui depuis la racine du petit vireur, est en la posterieure partie de l'os de la cuisse, tout le long d'iceluy, & s'implante par un tendon rond en la teste interieure de l'os de la cuisse. La seconde & anterieure portion, joincte à la premiere, en la susdicte ligne ague, rude, & aspre, est encor diuisee comme en deux partz, desquelles l'une a son origine en l'anterieure partie de l'epiphyse de l'os de la hanche, laquelle anterieure partie depuis l'assemblage des os du penil, s'estend iusques à l'inferieure partie dudit os. L'autre part naist depuis l'extremite de la susdicte, iusques en l'anterieure partie de la premiere portion de tout le muscle, exposee ci devant, au dessus tout le reste de l'epiphyse de l'os de la hanche. Les filetz de ceste premiere part sont fort obliques, & quasi trauersiers: & s'insere, de leur origine tirant en derriere, à la racine du petit vireur, & au plus haut de la susdicte ligne ague. La seconde part a ses filetz si peu obliques qu'ilz sont presque droictz: & s'insere lesdictz filetz en l'inferieure partie de la ligne rude & ague. La premiere portion de tout le muscle a ses filetz aucunement droictz. Ainsi different ces trois partz en l'origine, insertion, & traicte de leurs filetz. On pourroit compter ce muscle pour deux, consyderant sa portion anterieure, & posterieure: & pour trois, qui regardera les deux partz de la portion anterieure. Ce muscle est le plus grand non seulement de tous ceux de la cuisse, mais

mais de tous ceux du corps. Tous les cinq muscles susdictz font principalemēt l'extension de la cuisse, & d'avantage aident à faire son mouvement oblique, & à la tourner.

Le sixième a son chef charnu au costé de l'onzième & douzième rouelle de la poitrine, & de la première, seconde, troisième des reins, ou lumbes. De ce chef procede vn muscle rond, qui va contre bas en biaisant, par l'interieure partie du flāquet, en ce chemin demeurant tousiours charnu, iusques à ce qu'il vienne en la partie de l'os du penil, ou l'os de la hanche commence à prédre son nom. S'estre termine en ce lieu en vn tendon rond & fort, il outrepassé ledict os du penil, & s'insere en la plus haute partie du petit vireur. Pour recevoir & arrester son tendon, qu'il ne s'egare çà & là, il y a vne coche expressement grauee dans l'os du penil, enduicté d'un ligament lisse & glissant, à fin que ledict tendon en se guindant & lachant, ne soit offensé par la durté de l'os.

Le septième a son origine en demi cercle de toute l'interieure spatiosité du flāquet. De ceste origine ainsi large & tenure, comme elle commence à s'estroicir, & epaissir, se forme vn muscle rond, qui estant encor charnu, va par la plus haute partie de la hanche au petit vireur: & comme il s'en approche, se termine en vn tendon rond, qui s'insere iouxte le susdict, en l'interieure partie du vireur. Ce muscle a aussi bien que le tendon du precedent, vne coche expressement grauee, ainsi lisse & glissante & pour mesme fin, en l'os de la hanche: & al'endroict de ladicte coche est puissant ner

ueux & liuide, pour endurer mieux la rencontre de l'os.

Le huitième, qu'on prendroit aiseement si on n'auisoit de pres, pour vne portion du cinquième, a son origine charnue & large en toute la ligne de l'os du penil, qui depuis l'antérieure partie de la boîte de la hanche, s'estend iusques à l'assemblage des deux os du penil. De ladicte origine procede ce muscle, qui s'implante en l'interieure partie de l'os de la cuisse par vn tendon court & large, a l'endroict du petit vireur, de biais, contre bas, se tournant quelque peu en la partie posterieure. Ce muscle aux hommes est de couleur liuide, mais nótant qu'aux singes, aux quelz son commencement est aussi moins large. Ces trois derniers muscles flechissent la cuisse, & la meinent en dedans vers la compagne.

Le neuvième estant caché sous le huitième, occupe l'exterieure partie du pertuis qui est en l'os du penil. Son origine est en l'os mesme, charnue, & en la membrane tendue au pertuis. Ce muscle va trauersierement le long de la posterieure partie de la ioincte de la hanche, par dehors, en la partie superieure du coul de la cuisse, & petit à petit s'estroicissant s'insere par vn tendon robuste, & acunement large, en la coche & cauire du grand vireur, qui est tournée vers le coul de l'os de la cuisse, & vers la teste d'iceluy logee en la boîte de la hanche.

Le dixième occupe l'interieure partie du pertuis qui est en l'os du penil. Son chef est en toute la ligne, laquelle de l'interieure partie du flaqueet, ou il

ou il est ioinct avec l'apophyse trauefriere du premier os du croppion, va par le dedans de l'os de la hanche, & du penil, iusques à la superieure partie des os du penil. Ce chef ainsi large, & charnu, distingué comme par trois lignes & rayes, occupant toute l'interieure partie de l'os du penil & de la hanche, de couleur liuide, petit à petit s'estroicit en sorte, que sa largeur n'est plus grande que la cauite de l'os de la hanche, laquelle est entre son apophyse ague, & la posterieure partie de son epiphyse. En cest interualle, ou est grauee vne grande cauite, ce muscle se flechir, & retourne, pour aller au grand vireur: la ou il se monstre vne grãde providence du createur. Car ou il faict ce cõtour, par dehors il est charnu: & par dedans ou il est plaqüé dans la ecoche, & cauite, il est du tout nerueux, & monstre comme trois tendons rondz, qui se flechissent en ladiete cauite: & de vray dans la coche il a deux lignes vn peu releuees, qui font trois echanereures destinees pour ces trois tendons, lesquels auoir passé outre la cauite, finissent en vn, qui avec le neuüeme muscle s'implante en la coche du grand vireur. En la superieure partie de la cauite de l'os de la hanche, qui reçoit ce muscle, & aussi en l'inferieure, nature a situé comme vn petit muscle, & les deux qu'on tient pour additimens du dizieme seulement, & non pour muscles qui entrent en compte, accompagnent ce dizieme iusques en son insertion à fin qu'il ne sorte hors de son assiete çà ni là. Le premier & superieur, naist de l'apophyse poinctue de la hanche, & suit le dizieme iusques en son implanation. Le second &

inferieur est produit de l'epiphyse de la hanche, & semblablement accompagne le dizieme iusques en son insertion: & tous deux s'implantent en la cavitè du grand vireur avec le dizieme. Le neuvieme donc & dizieme se ioignent & mettent ensemble, en la cavitè dudit grand vireur & tournoyent la cuisse. Voila la description sommaire vraye & certaine de ces dix muscles à laquelle comme à vn blanc propose te faut reduire & poiser le dire des auteurs. Te reglant par icelle tu recognoistras aisement ces dix muscles, les discerneras l'un d'avec l'autre: & en dissequant les remarqueras promptement.

Des muscles qui remuent la iointe du genoil.

Chap. VII.

LA iointe du genoil est remuee par neuf muscles & nō par dix, comme Lycus & plusieurs autres Anatomistes ont euidé, ne cognoissat point vn muscle duquel ie parleray apres les autres neuf: estans aussi trompés. & deceus par le muscle descendant en la teste interieure de l'os de la cuisse, contigue au genoil: qui est vne portion du plus grand de la cuisse, occupant toute l'interieure & posterieure partie d'icelle. Or ce muscle non seulement n'est point inferé aux os de la greue, ce qui seroit necessaire, s'il deuoit la remuer, ains mesme n'est pas implanté aux ligamens qui enuironnent la iointe, comme font aucuns muscles faisant quelque mouuement petit & obscur. Car pour faire tous fors & puissans mouuemens, les muscles outrepassent la iointe, & s'implantent au membre qui est au dessous d'icelle: mais les petis & foibles

bles se font encor que les muscles soyent attachés seulement au ligamēt de la ioincte. Certes ce muscle qui est le plus grand de tous ceux de la cuisse, n'est inseré en façon que ce soit en la ioincte du genoil, combien qu'il l'approche de fort pres: & si on obiecte qu'il touche aucunement au ligamēt de la ioincte, encor pour cela n'est il raisonnable le dire & penser estre propre à ladicte ioincte du genoil, ains commun aux * deux, à sçauoir à celle de dessus qui est en la hanche, & a ceste ci, qui est au genoil. Car quant à la ioincte de la hâche il la remue euidentement & manifestement, comme celui qui a son origine en tout l'os du penil, & son insertion en toute la cuisse: mais le mouuement qu'il faict au genoil, s'il en faict aucun, est veritablement petit & obscur, par ce qu'il le faict avec peu de prise. Suffise nous de ceci quant à ce qui cerné le plus grand muscle de la cuisse. Des autres

* *La ioincte de la cuisse & du genoil.*

* *Le 1. de la greue.*

muscles de la greue, le premier * fort long, fort estroit, & superficiel, a son origine au meillieu de la creste droicte du flaque, & va par l'interieure partie de la cuisse au genoil, & au dessous de la ioincte d'iceluy s'implante incontinent en l'echine de l'os de la greue, nommee des Grecz *ἀντιπυρρική*.

* *Le 2. de la greue.*

μειον. Ce muscle flechit la greue en dedans, & * la haue aucunement, brief constitue toute la iambeen la figure que faisons, quand en croisant les iambes, nous en mettons l'une sus la cuisse de l'autre. Le muscle prochain du precedent (& second en nombre,) faict son insertion pareillement en l'os de la greue, mais nō avec * vne extremité charnue, comme le precedent, ains avec vn tendon lar

* *En l'homme son extremité est vray tendō, & n'est point charnue.*

geil

ge. il commence des os du penil. il est principalement inseré en l'echine de l'os de la greue. il meine la greue en dedans, & la haue aussi droict cōtre-mont. Le (troisieme)* qui souuent a son origine en l'interieure partie* (de la posterieure epiphyse de la hanche,) & quelquefois vn peu au dessous du muscle susdict, luy estant continu, & adherent, s'implante pareillement en l'echine de l'os de la greue, par vn tendon, & flechit la greue, la menāt aussi de biais en l'exterieure partie, comme il est situé de biais. Car ayant son origine en l'inferieure & interieure partie de la hanche, puis s'estédāt obliquement & de biais par la posterieure partie de la cuisse, il outrepasse toute la ioincte du genoil, se tournant vers son interieure partie, & finalement s'insere en la partie de la greue, qui est sans chair, nommee des Grecz Anticnemion, & de nous l'echine del os de la greue. Trois autres muscles ont leur origine continue à cestuici. L'vn (qui est le quatrieme en nombre,) muscle valide, & puisfant, naist en l'exterieure partie du lieu susdict, & descendant par l'exterieure partie de la cuisse en dehors, s'implante par vn tendon charnu, large, & gresle, au dessous du genoil, en l'exterieure partie de la greue, la detournant en dehors. Les deux autres* ont leur origine superieure en l'interieure partie du lieu susdict,* prochaine aux deux maintenant recitees: de sorte que ces quatre cheffz de muscles s'attouchent l'vn l'autre, estans produictz en la posterieure partie de la base de la hāche. L'vn de ces deux (desquelz nous pretendons parler,) prochain aux deux susdictz, (& le cinquié

* Le 3. de la greue.

* Ce mot ne sont au texte, mais l'anatomie mōstre que necessairement il les y faut adjoūster.

* Le 5. de la greue : & de la portion postérieure du 5. de la cuisse. Il fait mention du 5. de la cuisse, nō cōme seruāt aux mouuemēt de la greue, mais comme ayant son origine avec les muscles d'icelle.

* En l'epiphyse posterieure du fū de la hanche.

me en nombre) qui pour la plus part se trouue de couleur liuide, va en l'interieure partie de l'os de la greue, non trop loin de la ioincte. Ce muscle flechit, & par vn tendon quelque peu rond, detourne en dehors la greue. L'autre * suivant cestui-ci, tient l'interieure partie de la cuisse, & s'implante au dessus du genoil, iusques à la teste interieure de l'os de la cuisse sise en cest endroict la, duquel procede l'un des * muscles situés au mol de la greue nommé des Grecz *γαστροκνημια*: avec lequel muscle, cestui-ci duquel maintenant ie veux parler, est inferé, & par le moyen d'iceluy & de ceste insertion, tire quelque peu la greue en dedans, & principalement quand les ligamens, qui les retiennent & attachent, sont fermés, durs & secz. Ce muscle meine la cuisse en dedans, & quelque peu en derriere. Nous l'auôs compte ci dessus pour le dixieme de ceux qui remuent la ioincte de la hanche, remettans toutesfois iusques à ce lieu d'exposer & enseigner sa nature, & constitution, entre les muscles qui remuent la ioincte du genoil. Mais ci dessus i'ay traicté abondamment des muscles qui remuent la ioincte de la cuisse. En la cuisse y a encor * trois muscles anterieurs * qui estendent la ioincte du genoil. Les deux * qui sont superficiels & forts, se terminent en vn tendon robuste & large, qui estant inferé & adherent al'entour de tout l'os de la meulete du genoil, va iusques en la greue, & s'implante en la partie de deuant. Le * muscle caché au dessous des susdictz est inferé au commencement de la meulete, & adherent aux ligamens qui enuironnent & ceinturent la ioincte, n'estant point

* La postérieure partie du 5. de la greue.

* L'interieur, & le premier de ceux qui remuent le pied.

Le 7. 8. 9.

Le 7. & 9

Galié du

6. & 9. n'en

faict qu'un,

comme il dict

aussi n'a-

voir faict

les anciens,

cha. 5. liu. 2.

des Admi.

Anatom.

mais puis

apres il dis-

tingue leurs

chefs.

Le 8. de

la greue.

point nerveux en son extremité, comme les precedens, ains l'est en sa partie anterieure, & en son interieure, charnu. Car ce muscle manifestement est double: & certes ie ne le mettrois pas en compte pour vn muscle seul, ains pour deux, n'estoit que sans estre forcé d'une grande necessité, ie me garde, & fuis de ne contreenir à la doctrine des anciens. Ces muscles anterieurs ont quatre principes & commencemens. L'un naist en la * creste rehau-
 cee droict contremont, du flaque, au dessous du muscle * estroit, nommé le premier. L'autre n'aist * en l'exterieure partie de la cuisse, iouxte la fesse. Ce chef produict le plus grand des muscles anterieurs, qui occupe toute la partie exterieure de la cuisse; mais le chef * nommé le premier, faict vn muscle moindre que le susdict, & neantmoins plus grand que les autres, par-ce qu'il occupe toute la partie anterieure, & quelque chose de l'interieure. Ces deux muscles se mettent ensemble, & font vne aponeurose, par laquelle ilz descendent en l'os de la meulere. Le muscle * double couché sous iceux, estant adherent al'entour de la cuisse, à l'un de ses chefz qui touche premierement au grand vireur, puis au coul de l'os de la cuisse: & l'autre qui a son origine au dessous du precedent, en l'antérieure partie de l'os de la cuisse: ceste portion dudit muscle, demeurant charnue, va par l'antérieure partie de la cuisse iusques à la meulere du genoil: mais l'autre qui commence de plus haut, faisant vne extremité nerveuse par laquelle elle s'implante en la teste interieure de l'os de la cuisse. Parquoy il est plus raisonnable de le couter pour deux muscles,

* Du 6. de
la greue
du 9.

* Du 1. de
la greue.

* Du 7. de
la greue.

* Du 6. et 9

* Le 8. de
la greue.

que ceux qui ne font qu'un tendon. Tous les muscles susdictz descendans d'en haut, le long de la cuisse, & remuans la ioincte du genoil, comme ie cuide, se comptent mieux, & avec plus grande apparence pour neuf. Mais à fin qu'en chose de peu de consequence ne soyons veus nous departir du iugement des anciens, ne les comptons que pour huit. Vn autre certain petit muscle est caché sous la ioincte, dans le iarret, ayant en son chef vn ligament rond & puissant, lequel ligament naist pres de la teste exterieure de l'os de la cuisse. Ce muscle va aucunement de biais en l'os de la greue, estant plus assis en la posterieure partie de la ioincte, pour laquelle flechir il est fait, & destiné.

COROLLAIRE.

Nous reduirons en table, comme auons acoustumé, les muscles de la greue, lesquels si on trouuons quelques fois nommés en Galien muscles de la cuisse, nous deuons entendre cela quant à leur situation, & non quant à leur action. Car ilz sont bien situés alentour de la cuisse, mais leur action est de remuer la greue. A mon auis, il est meilleur & plus cōuenable surnommer les muscles de la cuisse de la greue, & ainsi des autres, par le membre duquel ilz font le mouuement, & non par le membre qui les porte. La greue est remuée par neuf muscles, desquelz au denombrement fait au chap. 16.

Le premier, & neuuiesme de Galien liure 3. de l'V sage des part. a son origine meslée d'une substance nerueuse & quelque peu charnue, sortante en poincte, en la sommité de la creste du flaque. Incontinent apres sa saillie il deuient tout charnu, & s'clar

& s'elargissant quelque peu, demeure gresle: estat neantmoins des deux pars plus large que epois. Ce muscle va de biais, contre bas, tirant en dedās: & se rencontre le meillieu de sa logueur, au meillieu de l'interieure partie de la cuisse: outre lequel, il s'auance plus en la partie interieure & posterieure, iusques à ce qu'il soit vis. à vis de la teste interieure de l'os de la cuisse, pres du genoil: & la se retournant obliquement, deuiet estroit & mébra-neux: puis faict vn tendon rond, & non large comme Galien escrit chap. 4. liu. 2. des Administr. Anatomiq. qui s'implante en l'interieure partie de la ligne ague & releuee, qui est le long de tout l'os de la greue. Galien veut l'action de ce muscle estre, en croisant les iambes, *επαλλατίζοντων σκέλη*, & non *μειλατίζοντων*, comme il se lit en noz exemplaires, ieter l'vne des greues, & l'vn des piedz, sus l'autre cuisse: mais comme a bien adnote Vvesal chapit. 53. liur. 2. ce mouuement est faict par les muscles de la greue, & de la cuisse tout ensemble.

Le second & quatrieme au denombrement de Galien, a son origine en la ligne & raye de l'assemblage des os du penil, cōtigue au chef de son compaignon qui va en l'autre iambe, ausi large, que ladicte ligne est longue. Ce muscle incontinent apres son origine deuiet plus estroit, mais plus gros, & charnu, en sorte qu'il se faict presque rōd, & ausi epois que large: & descendant par le dedans de la cuisse, petit à petit se faict plus gresle, tellement qu'estre arriué en la teste interieure de l'os de la cuisse, pres du genoil, il se termine en vn tendon rond, qui s'implāte au mesme lieu du pre-

cedent, mais autant plus en derriere d'iceluy, que le tendon precedent est gros. Aux femmes maigres quand elles ouurent les cuisses, ce muscle semble vne corde roide & tendue, parce qu'estât extenué, deffait, & sans gresse aucune, il retient seulement la substance nerueuse.

Le troisieme & sixieme, au denombrement de Galien, muscle naist en l'inferieure partie de l'epiphyse de la hanche, au lieu le plus haut & postérieur d'icelle. Son chef contigu à celuy du quatrième & cinquieme, & à l'un des chefs du huitieme de la greue, & à l'un des chefs du cinquieme de la cuisse, est nerueux, & gresse: puis allant cōtre bas, quelque peu au dessous de son origine, deuenant charneux, fait vn muscle aucunement rond, & plus epais que n'est ledict chef. Ce muscle descēd obliquement, par la postérieure partie de la cuisse, iusques à ce qu'il paruienne au derriere de la teste intérieure de l'os de la cuisse, ou se termināt en vn tendon rond, & non large, comme dict Galien, au chap. 4. liur. 2. des Administr. Anatom. il se retourne en l'antérieure partie de la greue, & s'insere au mesme lieu que les precedens: mais son tendon descend beaucoup plus bas que les deux sus mentionnés, à sçauoir iusques au meillieu de la longueur de l'os de la greue. Galien, au lieu sus allegué, dict ce muscle estre le plus oblique de tous ceux qui enuironnent la cuisse, mais Vuessal cōteste & debat contre luy, que le premier & quatrième de la greue, ont leur situation plus oblique qu'iceluy.

Le quatrième & cinquieme au denombrement de Galien, a son origine plus estroicte & gresse que le troi

le troisieme, & neantmoins epaisse, en l'epiphyse de la hanche, quelque peu cachee sous le chef du troisieme, au contraire de ce que Galien dict au lieu sus allegue, le chef de ce muscle estre au dehors & au dessus de tous les autres produictz en cest endroiect. Ce chef vn peu au dessous de son origine deuient charnu, representat vn vray muscle, beaucoup plus epais que le troisieme, & descendant en dehors, par la posterieure partie de la cuisse, comme il a passe la moitie de la longueur d'icelle, se faict plus mince, monstrant apparece en son exterieure partie de vouloir produire vn tendon. Car en son interieure al'endroiect ou semble vouloir naistre le tendon, luy est ajoustee vne piece de chair, produicte de l'os de la cuisse, come si c'estoit vn autre muscle, augmentant ce quatrieme: lequel estant ainsi acereu, & epaisi, s'auance cõtre bas, & estant fort nerueux en son exterieure partie, s'implante en l'eminence de l'epiphyse superieure & ague de leguille: laquelle a este faicte expressement pour estre presentee a ce tendon: comme aussi en la teste exterieure del'os de la cuisse y a vne coche languette, grauee nommeement pour le receuoir & conduire. Galien n'a faict aucune mention de la susdicte creue charnue: aussi ce muscle aux singes n'en a point, mais en iceux est fort ample & large, a raison de quoy Galien l'appelle le muscle large. Aucuns a cause de ladicte creue, le comptent pour deux muscles.

Le cinquieme a son origine en la mesme epiphyse de la hanche, entre les chefs du quatrieme & troisieme de la greue, & du cinquieme de la

cuisse. Son chef est du tout nerueux, ne deuenant point charnu, que fort loin de sa naissance, ce qu'il a de rare, & propre, outre la condition des autres muscles: & d'auantage, qu'en sa postérieure partie, encor plus outre que la moitié de la cuisse, il est de couleur fort liuide, & en sa longueur a vne cavitè, dans laquelle l'antérieure partie du troisième est si bien entee, & aioustee, que plusieurs Anatomistes trompés de cela, n'ont pris ces deux muscles, que pour vn. Or comme le troisième muscle incontinent apres son origine deuiant gros, charnu, epais, & rond, puis fort haut au dessus du genoil, s'extenue & termine en vn tendon, ainsi au contraire ce cinquième en sa partie supérieure demeure par long espace nerueux, & en son inférieure deuiant charnu rond & epais, produisant vn tendon rond, pres du genoil, au derriere de la teste interieure de l'os de la cuisse, lequel se retournant & reflechissant avec le tendon du troisième, est inseré au dedans de l'antérieure partie de l'os de la greue, & descend moins bas que les autres * trois implantés en ce mesme lieu. Or iacoit que son tendon ne descende si bas au lieu de son insertion, sus l'os de la greue, que les trois susdictz, si n'est il pour cela comme dict Galien au lieu sus allegué, implanté en l'interieure teste de l'os de la cuisse, touchât le chef du premier muscle du pied, lequel a son origine en ladicte teste interieure de l'os de la cuisse, & n'est aussi principalement attaché au ligament, qui ioinct les os de la greue avec l'os de la cuisse, comme Galien le recite: chap. 4. liur. 2. des Administr. Anatom. & chap. 16. liure 3. de l'V sage des

* D^u 1. 2. 3.

des part. ou ce muscle est compté pour le huietiéme de son denombrement.

Le sixième naist en l'exterieure partie du premier, de la creste du flanquet. Son chef poinctu & charnu, descend vers la ioincte de la hanche, & la se restroicissant, premier que d'arriuer au grand vireur, cesse d'estre charnu, tellement que de la en auant ce muscle, n'est plus qu'une membrane, semblable à un tendon applati, fort longue, & fort large, à laquelle en sa superieure partie est attachée la substance charnue descrite maintenant. Ceste membrane se veoit incontinent au dehors estendue par quelque espace sus la portion des muscles qui enuironne la ioincte de la hanche, & incontinent qu'elle a passé outre le grand vireur, elle couvre toute l'antérieure partie des muscles qui embracent la cuisse, iusques à la ioincte du genoil, laquelle apres quel l'a aussi couuerte, elle s'implante en l'antérieure & exterieure partie de la greue. Ceste membrane n'est egalemēt epaisse en toutes ses parties. Elle est fort mince en l'antérieure & postérieure partie de la cuisse, & d'autant plus qu'elle approche de plus pres l'antérieure: car en l'exterieure elle est epaisse, robuste, & totalement semblable à un tendon. Ses filetz vont tout droit contre bas, iusques à ce qu'ilz s'implantent en l'exterieure partie de la greue, & en l'eguille: & le tendon qu'ilz font à l'endroict de leur implantation, se mesle avec les tendons, qui avec iceluy estendent la greue. Car l'action de ce muscle est faire l'extension d'icelle, outre ce qu'il sert d'un ligament trauersier à tous les muscles enuironnans la cuisse,

pour les retenir en leur place, comme faict la membrane aux muscles du braçal, laquelle est estendue en rond sus tous les muscles posés al'entour d'iceluy. Galien au 16. chap. liur. 3. de l'V sage des part. en son denombrement le recite pour le deuxième, qui avec le neuvième faict vn tendon grand, embraceant toute la meulete du genoil: & au chap. 5. liur. 2. des Administr. Anatom. dict seulement, qu'il naist au plus haut de la creste du flâquet au droit du premier muscle, & en l'inférieure partie d'iceluy: mais au 6. chapit. du mesme liure le dict estre terminé en vn tendon membraneux & large, qui embrace & enuoloppe les muscles antérieurs de la cuisse, & est contigu au huitième muscle.

Le septième a son origine large & nerueuse, qui embrace toute la racine du grand vireur, en l'extérieure partie de la cuisse. Ce muscle incontinent apres son origine se faict gros, & charnu: & soudain s'ecartât de l'os d'icelle, se couche sus le huitième muscle que descrirons ci-apres: & certes le huitième ayant quelque sienne portion située au dessous de cestuici, empeche qu'en toute sa longueur le septième ne soit cõtigu à l'os de la cuisse. Ce muscle septième embrace donc de sa largeur, toute l'exterieure partie de la cuisse, & vne grande portion de l'antérieure, & postérieure, sans estre attaché à l'os, fors qu'en son origine. En toute sa descente il est charnu, & vn peu au dessus de la meulete du genoil, il se termine en vn tendon large, qui de son antérieure partie se meslant les tendons du huitième, & neuvième, s'implâte au deuant de la greue: & de sa postérieure partie se mesle

fort avec le tendon du sixième, lequel tendon couvre mieux & plus manifestement l'extérieure face de ce septième muscle, que de tous les autres qui environnent la cuisse. Ce septième au denombrement de Galien est aussi cōpté pour le septième.

Le huitième, ceinture & enveloppe quasi tout l'os de la cuisse: il s'en faut seulement vne ligne au derrière d'iceluy, & au meillieu de sa longueur, laquelle ligne il laisse descouverte, & en icelle s'insere le cinquième de la cuisse, qui est le plus grand de tout le corps. Il s'en faut aussi quelque peu de la postérieure partie d'iceluy, en la racine de ses deux testes inférieures, qu'il ne comprend point. Son chef commence nerveux au coul de l'os de la cuisse: & petit à petit acquerant plus de chair, reçoit vne sienne portion de la racine du grand vireur, en sorte que consyderant comme son origine est oblique, on peut dire, & pertinemment, qu'il a deux chefz, l'un du coul de l'os de la cuisse: & l'autre du grand vireur. De ce commencement oblique & large, il va contre bas, environnant de façon l'os de la cuisse, que ses deux parties au derrière d'iceluy sont presque contigues: & tant plus il descend, tant plus se fait gros, & charnu, iusques à ce qu'au dedans de l'antérieure partie de la cuisse, iouxte la meulete du genoil il s'eleue en vn demicercle, gros, & charnu, duquel procede vn tendon large & puissant qui embrace la meulete. Ce muscle au droict du susdict demicercle, & du coul de l'os de la cuisse en toute sa longueur se voit tousiours plus gros & plus charnu: mais au lieu, ou il est couché sous le septième muscle, il est beaucoup

coup plus mince, y demeurant toutesfois charnu. Or al'endroiect ou ce muscle au dedans del'antérieure partie de la cuisse, & en la longueur d'icelle, est plus gros & plus rehaucé, & l'antérieure portion du septième est estendue droiect par dehors, & a costé, du deuant de la cuisse, ces deux muscles par ensemble font vne cauité enfoncée, de couleur fort liuide, en laquelle, le long de toute la cuisse, est assis le neuvième muscle. Ce muscle au denombrement de Galien est le premier.

Le neuvième n'a point son origine comme Galien dict chap. 5. liur. 2. des Administr. Anatom. du grand vireur, & du coul de l'os de la cuisse, ains d'une bossète eminente au flanquet, au dessus de la boîte de la hanche, comme son chef estant nerveux & poinctu, descéd droiect en l'antérieure partie de la cuisse, il prend creuë d'une substance charnue, & forme ce muscle, couché en la cauité qu'auons dict estre faicte par ensemble du septième & huitième muscle. Or premier qu'en descendant ce neuvième muscle aye passé outre le meillieu de la lógueur de la cuisse, se faisant petit à petit plus gresse & plus estroit, asses haut au dessus de la iointe du genoil, il se termine en vn tendon large, & tenure, qui allant droiect à la meulete du genoil, se dilate au deuant d'icelle, & se mesle avec les tendons du septième & huitième. Toutesfois ce tendon ne s'vnit & ioinct point si fort avec les autres, comme font ensemble les tendons du septième & huitième: car avec vn rasoir en couppant de trauiers, on le peut separer des tendons qui luy sont au dessous, iusques au deuant de la greue, sans le rompre

rompre & deschirer beaucoup. De ces trois muscles les derniers se faiēt donc vn tendon, qui couure toute la meulete, fors la partie interieure, ou posterieure, qui entre en la cavitē grauee entremi les deux restes inferieures de l'os de la cuisse. Comme ce tendon faiēt des trois muscles susdictz, embrace la meulete, au lieu ou il la touche, & nō plus l'os de la cuisse, il est oinct d'une grande quantite de gresse quelque peu dure: & abreuvee d'une humeur visqueuse, & glueuse: puis s'avanceant outre la ioincte du genoil, il s'estroicit, & epaisit, & finalement s'insere au deuant de la greue, assēs pres de la ioincte. Aux singes il ne s'estroicit & engrosit point comme en l'homme, ains demeurant membraneux, il s'insere beaucoup plus bas qu'en l'homme. il est aussi à noter, que les tendons des muscles susdictz, estans rondz en l'homme, sont aux singes larges, & applatis, comme Galien les décrit. ce tendon au denombrement de Galiē est le second. Voila les neuf muscles qui remuent la greue, exposes & declarēs le plus facilement, & par le menu, que j'ay peu, ainsi qu'on les observe en l'Anatomie du corps de l'homme. Quant au dernier muscle recitē, il faut entendre que des ligamens qui attachent la cuisse avec la greue, il y en a vn en l'exterieure partie du genoil, fort gros & robuste, en la posterieure partie duquel est le chef de ce muscle nerveux, lequel autant qu'es-tend sa largeur, par dehors touche le derriere de la ioincte du genoil, sans estre en aucun lieu fermement adherent à l'os de la cuisse. Ce chef augmentē & aggrandi de filetz charnus, descend fort de biais

de biais en l'interieure partie, formant vn muscle de bien peu plus long que large. Son implatation qui se faict iouxte la racine de l'epiphyse de l'os de la greue, au dedas de la posterieure partie, a de largeur autant que tout le muscle, & est ceste insertion oblique, comme aussi le muscle. Car commençant au dehors de la posterieure partie de la greue, il descend cōtre bas vers l'interieure, si de biais, que la moindre portion d'iceluy est portee sus les ligamens du genoil, & la plus grāde sus la greue. Au dessous de l'insertion ou naissance de ce muscle ni en a point d'autre, ains il est prochain aux ligamens & os de la ioincte, caché & tapis sous les muscles, qui naissans des testes inferieures, de l'os de la cuisse font, (principalement avec le quatrième du pied,) le mol de la greue, de sorte que Galien, non sans propos, l'appelle latent & caché. Vessal chap. 55. liure 2. dispute contre Galien, ce muscle ne pouuoir flechir le iarret, comme il a escrit chap. 9. liur. 2. des Administr. Anatom. pource qu'estant oblique il ne peut faire vn mouuement droit: qu'il est trop petit, pour remuer vn si gros & pesant membre: & qu'il n'est produict ni de la cuisse, ni de la hanche, ni du flanquet: incontinent que les muscles qui font le mol de la greue, sont separés des testes de la cuisse, on veoit ce muscle apparemment & aisement au repli du iarret.

Des muscles qui remuent le pied, & les doigtz du pied: assis sus la greue. Chap. VIII.

A Vtour de la greue y a quatorze muscles, qui l'environnent: sept en la partie posterieure, & sept en l'anterieure. Aux Administrations Anatom.

romiques nous auons donné la raison pourquoy les Anatomistes fameux & de grande reputation, les ont comptés pour huit. De ceux qui sont assis en la postérieure partie de la greue, les * trois se finissent en l'os du taló: les trois remuent * les doigtz, & la ioincte de tout le pied: le septieme * se termine en vn tendon, applati & dilaté, qui s'infere au dessous de toute la partie du pied, qui est sans poil, & sans chair. Des trois qui s'insèrent au talon, les deux * ont leur origine en la postérieure partie des testes de l'os de la cuisse: le troisieme * couché au dessous d'iceux, naist en la sommité de l'eguille. Ce muscle demeure charnu iusques en la fin, & par derriere s'implante en l'os du talon: mais les deux * susdictz apres qu'ilz se sont mis & ioinctz ensemble, s'estre auancés outre le mol de la greue, font vn tendon robuste, & puissant, qui s'implante en l'extremité du talon, touchant ladicte insertion charnue * du muscle qui est produit de l'eguille. Vn autre * quatrieme muscle (entre les posterieurs,) a mesme comencement que l'vn des deux muscles * susdictz, à sçauoir celuy qui a sa naissance en la teste extérieure de l'os de la cuisse. Mais le * muscle (duquel nous parlons,) est separé d'iceluy * manifestement au mol de la greue: & se terminant en vn tendon fort large, premierement il s'implante en l'inférieure partie du talon, puis se dilatant il s'estend au dessous de tout le pied. Son utilité est de faire la plante du pied ferme & solide, tendue, dure, sensible, & sans poil. L'office & actio de ceux * qui s'implantent au talon, est de tirer en derriere ledict os avec tout le pied. De ces quatre muscles

* Le 1. 2. & 4. du pied.

* Le 2. & 3. des doigtz & le 5. du pied.

* Le 3. du pied.

* Le 1. & 2. du pied.

* Le 4. du pied.

* Le 1. & 2. du pied.

* Du 4. du pied.

* Le troisieme du pied.

* Le 2. du pied.

* Le 3. du pied.

* Du 2. du pied.

* Du 1. 2. & 4. du pied.

* *Le 1. &* muscles, les * deux son presque de pareille grosseur, à sçauoir ceux, desquelz se ioignans & met-tans ensemble nous auons dict estre fait le tendon inferé au talon. Mais le * muscle de couleur li-
 2. uide, duquel l'implanation au talon est charnue & plus haute, est quasi au double plus gros que
 * *Le 4. du* chacun d'iceux: & celuy qui fait le tendon * se di-
 pied. latât au dessous du pied, n'est point plus gros que
 * *Le 3. du* la troisième partie d'iceux. Des * trois autres mu-
 pied. scles posterieurs, l'un & le plus grand, adherent à
 * *Le 2. & 3.* la plus haute partie de l'eguille, se termine * en vn
 des doigtz: & le 5. du tendon aucunement robuste, qui va au dessous du
 pied. pied, entre l'os du talon, & l'extremité de l'os de la
 * *Le 2. des* greue. A cestuici est adiacent l'autre tendon * pro-
 doigtz. duiet du muscle naissant en la greue, & sembla-
 * *Du 3. des* blement passant au dessous du pied. Ces deux té-
 doigtz. dons sont implantés aux doigtz du pied: le pre-
 * *Du 5. du* mier en l'anulaire, & au doigt du meillieu: le se-
 pied. cond en l'indice & au petit doigt. Le ponce seul
 * *En l'os du* reçoit vne production de l'un & de l'autre, non
 tarse, ou a- qu'il preigne deux tendons, (à sçauoir vn de cha-
 uapied, con- cun d'iceux,) mais le tendon qu'il reçoit est fait
 tigu au De: des deux: ce qui auient quelquefois aussi au doigt
 & non pas du meillieu. Vn autre tendon * outre les susdictz,
 au premier, descendant par le meillieu des tendons sus men-
 cotigu a l'os tionnés, & naissant d'un autre muscle, comme il
 du peigne est venu pres du talon, s'ecarte seul en l'anterieur
 qui soustient partie, entrant en vne cavitè peu profonde, qui est
 le ponce, cõ- en l'epiphyse de l'os de la greue: puis de la se tour-
 me Galien nant derechef vers l'inferieure partie du pied, se
 cuide. dilate, & s'implante principalement en l'auam-
 pied, * nommé des Grecz Tarse, plus vers le ponce.

Ce mu

Ce muscle tourne & renuerse doucement le pied en dehors, & en derriere: cōme ceux, qui sont implantés au talon, retirent aussi le pied en derriere & en dehors: & certes ce muscle semble estre vne portion de celuy * qu'auons dict estre inseré au petit doigt & en l'indice. Vne portion aussi, & non petite, de ce tendon, * est inserée au Squadron des os du peigne, nommé des Grecz Pedion, rāgé deuant le pouce: qui l'estend obliquement & doucement vers l'exterieure partie. L'origine superieure des muscles susdictz est telle, Celuy * qui va aux doigtz mitoyés, (à sçauoir à l'anulaire & au doigt du meillieu,) naist de l'eguille, en la superieure partie, & en toute la longueur d'icelle, depuis sa sommité iusques à son bout. Le commencement du troisieme muscle * entre ceux qui s'inserent au talon, est adiacent & superiacet au chef susdict, plus en son interieure & posterieure partie, par cē que ce * muscle a plus sa naissance au derriere de la greue. L'autre * muscle qui flechit l'indice du pied, & le petit doigt, a son commencement en la posterieure partie de l'os de la greue, au dessous de sa teste. Ce muscle est presque au double plus gros que celuy * qui flechit les doigtz mitoyens. Le troisieme * muscle, qu'on estime estre vne portio du susdict, * & qui est implaté en l'auampied, ne se peut veoir premier que d'auoir osté & resequé les susdictz. Il occupe toute la partie, qui est entremi l'eguille & l'os de la greue, estant adherent en toute la longueur de ces deux os depuis le haut d'iceux, iusques au bas. Son chef est en la teste de l'os de la greue, al'endroit ou ladicte teste est ioincte avec

* Du 3. des
doigtz.
* Du 5. du
pied.

* Le 2. des
doigtz.

* Le 4. du
pied.

* Le 2. des
doigtz.
* Le 3. des
doigtz.

* Le 2. des
doigtz.
* Le 5. du
pied.
* Du 3. des
doigtz.

l'eguille. Le tendon procedât de ce muscle se veoit manifestement au deuant des cheuilles, au lieu ou ces tédons sont arrestés & retenus par vn puissant ligament trauersier, qui attache l'os de la greue avec l'os du talon. Voila comme sont les muscles posterieurs de la greue. Les anterieurs, ont esté cōptés & tenus pour trois d'aucuns Anatomistes cōsiderans leur origine, & non sans raison: si est il

* Qui sont
le 6. du pied
le 15. des
doigtz: ce-
luy qui est
propre aux
Singes, &
qui appro-
che le ponce
des autres:

le 14. des
doigtz: le 7.
8. & 9. du
pied.

* Le 6. du
pied.

* Le 15. des
doigtz.

* Ce muscle
est propre
aux Singes.

meilleur les mettre en compte pour * sept, comme il est demonstré aux Administrations Anatomiques. Celuy * qui estant inferé en l'auā pied, estend tout le pied, & est le plus grand de tous les anterieurs, a son origine en l'exterieure partie de la teste de l'os de la greue, estant adherēt a l'entour d'icelle, en toute sa longueur. Celuy qui luy * est voisin & adiacent, & qu'on estime estre vne portion d'iceluy, a mesme origine en la superieure partie de la greue, & en tout le reste d'icelle est couché sus le muscle precedent, au dehors d'iceluy, sans toucher à l'os de la greue. Ce muscle est inferé au premier os du ponce, & le tire quelque peu de biais contremont. Apres ces muscles est suiūamment vne aponeurōse inferée en la longueur du ponce, par laquelle il est estendu. Le * muscle, qui faict ceste aponeurōse, estant fort gresse, a son origine entremi l'eguille & l'os de la greue, comprenant & touchant aux deux os ensemble. Or comme il est venu pres du ponce, il passe au dessous d'un ligament ayant telle vtilité, que les aneletz des chariotz, par lesquels les chartierz font couler les lōgues cordes, & courroyes d'iceux. On pourroit estimer ces trois muscles n'estre qu'un. Celuy

luy * qui est apres ce dernier, par lequel les doigtz * *Le 14. des doigtz.*
 sont estendus, commence en la teste de l'eguille, la * *Le 7. du pied.*
 ou ell'est ioincte avec l'os de la greue, estant adhe- * *Le 8. du pied.*
 rent à toute ladiete eguille, le plus long de tous les * *Le 9. du pied.*
 autres, & situé iustement au meillieu des muscles * *Ce muscle est au Sin-*
 anterieurs. La superieure & premiere naissance de *ge: le 7. du*
 ce muscle est le ligament produict en l'exterieure *pied, ayant*
 partie de l'os de la greue, iustement al'endroit de *telle inser-*
 la teste de l'eguille. Apres ces muscles s'en trouuēt *tion: & de*
 trois autres qui naissent de l'eguille: l'un * *vray Ga-*
 le pouce: l'autre * *lien, en tout*
 qui est gresle, recule en dehors *ce discours*
 le petit doigt: le troisieme * *n'a fait au-*
 tend contremont tout *cune men-*
 le pied. Le premier * *tion du se-*
 de ces trois a sa naissance au *ptieme.*
 commencement de l'eguille, gisant incontinent * *Le 9. du*
 au dessous de la peau: & de la va en la partie du *pied.*
 pied qui est au deuant du petit doigt, embraceant * *Ce muscle*
 la partie exterieure de l'osselet nommé Astragalus *est le huitie-*
 des Grecz, & en ce lieu finist en vn tendon rond, *me du pied,*
 qui par l'inferieure partie du pied, va en la premie *qui au Sin-*
 re ioincte du pouce. La ou cesse le chef & commen *ge, s'auance*
 cement de ce muscle, est l'origine du second * *insques au*
 des trois susnomés. * *petit doigt,*
 Ce muscle estant tousiours gresle *pour par des-*
 non trop loin de son origine se finit en vn tendon *sous le recu-*
 rond. Apres l'origine de ce second, se rencontre ia *ler des au-*
 presque le meillieu de l'eguille, d'ou a sa naissance *tres en de-*
 le troisieme des susdictz, qui tire contremont, & *hors, comme*
 acamuse le pied. Ce muscle descend aux parties *le septieme*
 exterieures prochaines de la cheuille, & de l'osse- *au Singe,*
 let, se rerminant en vn tendon, qui s'infer en l'os *s'auance par*
 (du peigne du pied) situé au deuât du petit doigt. *dessous ins-*
 Cet tendon ou il comence a estre produict, est fen- *ques au pre-*
 du en deux parts de grosseur inegale: & entremi

mier os du pouce, pour le flechir.
** Le 8. du pied.*
** Le 6. du pied.*
** Le 15. des doigtz.*
** Le 7. du pied.*
** Le 14. des doigtz.*
** Le 9. du pied.*
** Le 14. des doigtz.*
** Celuy qui est propre aux Singes,*
** le 8. du pied.*
** Propre au Singe.*
** Et qui le recule en dehors ascavoir le 8. du pied.*
** Propre au Singe.*
** Le 8. du pied.*

d'icelles passe * celuy, qui recule le petit doigt en dehors. Les Anatomistes cuident ces trois muscles n'estre qu'un, par ce que leur origine n'est qu'une, & simple, commune à tous trois. Le plus grand, & le plus gros de ces sept muscles, est celuy qu'auons * recité le premier. Le second * & le cinquième * sont de pareille grandeur, & tous deux s'infèrent au commencement du premier os du pouce, le second par la supérieure & intérieure partie du pied, & le cinquième par l'inférieure. Après les susdictz, le mitoyen de tous * qui estend les doigtz, & celuy qu'auons * compté le dernier qui remuë toute la ioincte, sont de grosseur presque egale, mais non de longueur, par ce que celuy qui estend * les doigtz a beaucoup plus longue chassé. Les deux * autres muscles, à sçauoir le petit * compté pour le troisième qui s'implante en toute la supérieure partie du pouce, & le sixième, qui par dehors * va au petit doigt, ne sont pas de pareille & fortable grosseur. Car celuy qui va * au pouce est trois ou quatre fois plus gros : & celuy qui va * au petit doigt est fort gresle & mince : mais ilz sont quasi pareilz en longueur. Les Anatomistes n'ont pas obmis ni laissé aucun de ces muscles, iacoit qu'en l'histoire & description d'iceux, ilz n'ont déclaré beaucoup de choses qui leur concernent, se sont grandement trompés, & ont dict plusieurs mensonges. Je ne sçay certes pourquoy ilz n'ont parlé de celuy qui est caché au iarret : lequel, combien qu'il soit court, est neantmoins fort & puissant, & principalement al'enuiron de son chef, qui est vn ligament fort robuste, produit de la teste extérieure

rieure de l'os de la cuisse. Il est caché & mucé par-
tie de la ioincte, & parrie du ligament, qui par de-
hors va de l'os de la cuisse en l'os de la greue. Ce
muscle est quelque peu oblique: & à ceste raison il
faict la flexion de la greue: non pas droicte, mais
auec quelque douce inclinatio en l'exterieure par-
tie. Comptons le pour le quinzième des muscles
de la greue. L'entens celuy que nous auons recité
& nommé le dernier entre ceux qui remuent la
ioincte du genoil.

Des muscles situés au pied. Chap. IX.

EN la main il y a deux genres de* muscles seu-
lement, situés & posés en l'interieure partie
d'icelle: mais au pied il n'est pas de ceste sorte: ains
ceux qui font le mouuement oblique de tous les
doigtz,* sept en nombre, ont mesme & semblable
situation qu'en la main. D'auantage ceux qui re-
muent la premiere ioincte de chaque doigt, ont
mesme proportion* que ceux de la main. Outre
ces muscles il y en a encor d'auantage deux genres
d'autres: l'un coché en l'auampied par dessus: l'au-
tre couché en l'auampied par dessous. Ceux qui
sont* couchés par dessus font le mouuement obli-
que des doigtz, semblable au mouuement des
doigtz de la main, que font les muscles* descen-
dants du braçal: & ceux* qui sont couchés par des-
sous, flechissent la seconde ioincte de chaque
doigt.

uisée en quatre tendons & comptée pour le 16. des doigtz.

* Le 4. 5. 6. 7. 8. des doigtz de la main.

* La masse de chair diuisée en 4. tendons & cōptée pour le premier des doigtz.

* Les 7. qui
font le mou-
uement obli-
que des
doigtz: à
scauoir 4.

lampreons:
deux qui re-
culent le pon-
ce & le pe-
tit: celuy qui

approche le
pouce: & les

10. qui re-
muent la pre-
miere ioin-
cte des
doigtz.

* Quatre
qui sont por-
tions du 12.

vn qui re-
cule le pon-
ce: vn qui

l'approche,
vn qui re-
cule le petit

doigt.

* En gran-
deur figure,
nombre si-
tuation,

* La masse

de chair di-

MEs amis cuident qu'en ce liure i'aye parlé trop sommairement, des muscles du pied, en proportion & comparaison de ce que j'ay traité des muscles des autres parties. A ceste raison j'ay transferé & transcrit, pour le leur faire lire, en ce liure, ce que j'en auois ia écrit au second des Administrations Anatomiques. * Au pied, y a quatre genres de muscles, & non pas seulement deux, cōme en la main: trois en l'inferieure partie du pied: & vn en la superieure, assis & couché en l'aum-pied. Ces muscles (situés en la partie superieure) gouuernent les mouuemens obliques des doigtz, correspondans en proportion aux muscles assis en l'exterieure partie du bras. Les sept posés au dessous du pied correspōdent en proportion aux sept qui sont en l'interieure partie de la main, & qui font le mouuement oblique de chaque doigt d'icelle. Et cōme des sept de la main, deux sont produictz des premiers os du poignet; ainsi des sept du pied, deux precedent des premiers os de l'aum-pied, qui ecartent loing des autres les doigtz-exterieurs, (à sçauoir le petit doigt & le ponce.) Nous reciterons incontinent ci apres les cinq autres. Il y a d'autres petits muscles en la partie inferieure, * qui naissent des tendons par lesquels sont flechis les doigtz, premier que chacun desdictz tendons soit exactement * fendu, & leur office est flechir la seconde ioincte de chaque doigt. Car comme les tendons sont parfaictement diuisés & fendus, il sont produictz autres muscles * moindres encor, semblables & correspondans à ceux de la main, qui font

* Chap. 9.

* Je lis: d'ou naissent les tendons flechissant les doigtz: ces muscles se voyent au deuant desdictz tendons, premier que chacun d'iceux.

* Il entend les quatre portions charnues, semblables au muscles, auquel les se diuise le premier muscle des doigtz du pied.

* Il entend les 4. portions des doigtz.

qui font le mouuement oblique de chaque doigt: & sont ces muscles quatre en nombre, cōme ceux de la main: auxquelz adioustant les deux susdictz, qui reculant loin des autres le ponce, & le petit doigt,* & celuy qui approche le ponce de l'indice, ilz seront sept en nombre. Il y a vn autre troisieme genre de muscles, qui au deffous du pied sont adherens aux os, & correspondent en proportion à ceux de la main, totalement incogneus des Anatomistes. Tu les pourras veoir au pied semblablement comme en la main, si tu couppes & reseques tous les autres tēdons. Leur assiete, nombre & utilité est toute pareille à ceux de la main ci dessus exposez. Deux d'iceux situés au deuant de la premiere ioincte de chaque doigt, la flechissent doucement & mediocrement: s'ilz font leur action par ensemble, & d'une empainete, ilz la flechissent sans incliner çà ni là: & la faisant seulement & separement l'un d'eux, la ioincte est flechie avec quelque petite inclination de costé. Quelquefois on trouue ces muscles en chaque couple si conioinctz l'un avec l'autre, qu'on estimeroit, en chaque doigt, les deux n'estre qu'un seul.

* Ce muscle particulier au Singe, a son origine de l'os du pēgne, situé au deuant du ponce, & s'implante en l'interieure partie d'iceluy. Vressal l'a remarqué en la declaration du 18. des doigtz chap. 60. liure 2.

Fin de la Dissection des muscles.

Corollaire sus les trois derniers chapitres.

Suivant l'ordre acoustumé, nous dechifrerons particulièrement les muscles qui remuent le pied: & ceux qui remuent les doigtz d'iceluy. Le pied est flechi, estendu, & mené de biais. Les muscles ordonnés pour ces mouuemens sont neuf en nombre.

Le premier a son origine en la racine de la teste

interieure de l'os de la cuisse, en la ioincte mesme du genoil. Son chef semble estre double, par ce qu'yne sienne partie, à sçauoir l'exterieure & inferieure est luide & nerueuse, & l'autre à sçauoir la superieure & interieure est charnue, & rouge. Ces deux parties se meslent ensemble vn peu au dessous de la ioincte du genoil, & forment ce muscle qui est tout charnu, & gros en ce lieu la, mais peu apres, auant qu'il soit venu iusques à la moitie de la greue, il s'estroicit, cesse d'estre charnu, & de son extremité inferieure produict vn tendon large, qui en son meillieu retient encor quelque portion de sa substance charnue. Ce muscle est assis au dedans de la posterieure partie de la greue.

Le second, est assis au dehors d'icelle, ayant son origine en la teste exterieure de l'os de la cuisse, & est totalémēt semblable au premier. Ces deux muscles non trop loin de leur origine, se ioignent & adherent l'vn avec l'autre, par quelques filetz, & tant plus ilz vont contre bas, tant plus se serrent ensemble, tellement que le tendon produict d'iceux est manifestement simple & vnique: ce neantmoins le premier est par plus lōg espace charneux que le second. Le tendon produict de ces muscles vn peu au dessous de sa substance charnue, se ioint si fort au quatrieme muscle du pied, lequel declarerons ci apres, qu'en nulle façon on ne le peut diuiser, & separer d'iceluy, depuis le lieu ou ilz se ioignent, iusques au talon. Mais aux guenós il s'implante separement au derriere du taló. Les chefs de chacun de ces deux muscles ont vn os sesamoide plaqué par dessous, qui les cōtregarde & preserve

serue d'estre offencés & heurtés de la bosse de l'os de la cuisse, chose qui leur est particuliere, & speciale. Galien chapit. 10. liur. 3. de l'V sage des part. maintient contre l'opinion des anciens Anatomistes, le tendon produict de ces deux muscles estre inferé en l'inferieure partie du talon, separeement d'auec le tendon du quatrieme, en quoy V vessel le reprend chap. 59. liur. 2.

Le troisieme a son chef gresse, & charnu, en la teste exterieure de l'os de la cuisse, s'elargissant soudain apres son origine, en vne circoscription grosse. Incotinent sous le iaret ce muscle produict vn tendon fort mince, & tenure, lequel au dessous des deux muscles precedens, & au dessus du quatrieme va de biais contre bas, iusques au lieu ou le tendon des deux precedens commence à se ioin- dre avec le quatrieme muscle. De là, il va s'inferer en l'interieure & posterieure partie du talon, sans passer outre au dessous de la plante du pied: mais au singe, estant receu dans vne coche grauee en l'os du talon, pour l'arrester, & tenir ferme, qu'il ne s'ecarte çà ni là, il se dilate en toute la plante du pied, faisant vn tendon large, semblable à celui, qui est estendu au dessous de la peau en la paume de la main: ce qu'on deuons noter, pour entendre Galien chap. 3 & 5. liure 1. des Administr. Anatom. & chap. 10. liur. 3. de l'V sage des part. En l'homme, au lieu de ce tendon dilaté, y a vn ligament fort, produict de la partie du talon qui touche terre, quatre fois plus epais que le tendon dilaté en la main. Ce ligament couure toute la plâte du pied, exceptés deux muscles, qui reculét, l'vn le ponce,

L'autre le petit doigt, d'avec les autres doigtz. On penseroit celigament estre vne propre membrane du premier muscle des doigtz, n'estoit qu'il se separe d'iceluy, al'endroiect ou les tendons dudict muscle passent au dessous du ligament trauerrier des quatre doigtz. Certes quelques fois en la main, on veoit, de semblable façon ce tendon large n'estre produit d'aucun muscle particulier, ains du ligament situé en l'interieure partie du poignet, ou de l'un des tendons qui flechissent ledict poignet.

Le quatrieme, & plus grand de tous les muscles enuironnans la greue, occupe toute la posterieure partie d'icelle, tant il est large, & a son chef nerveux & puissant, en l'enioincture de l'eguille & de l'os de la greue, & au derriere de ladicte enioincture. Son chef est si ample, qu'il surmonte la largeur de l'eguille, & de l'os de la greue, estant neantmoins plus large qu'epois. Ce muscle au dessus du meillieu de la greue, s'estroicit petit à petit, & quelque peu au dessus du talon se termine en vn tendon epois, & puissant, produit non seulement d'iceluy, mais aussi du premier & second muscle susdictz. Pour luy donner plus facile & commode insertio, nature a faict toute la posterieure partie du talon en laquelle il s'implante, apre & rabaissee. Au dessous de ce gros tendon faict par la coccurrence des trois muscles susdictz, les bouchers font coustumierement trauerfer vn baston, au iambes des animaux qu'ilz tuent, pour les pendre en quelque croc. Ce muscle en la posterieure partie est fort liuide, comme le premier, & second, en leur anterieure

rière. L'antérieure partie de son tendon est charnue par plus long espace, que la postérieure: & descend telle, quasi iusques au talon, combien qu'en icelle & le talon y aye notable interualle, auquel elle n'est plus charnue: mais au singe ce quatrième muscle demeurant charnu est inseré au talon, comme Galien a curieusement noté sus le singe, au second des Administr. Anatom. & troisième del'V sage des part.

Le cinquième gist aussi en la postérieure partie de la greue, estât caché sous les quatre susdictz, & les deux qui flechissent les doigtz du pied: parquoy, pour le veoir, est necessaire oster, & leuer les six muscles sus mentionnés. Il est couché pres du ligament membraneux, qui tout le long de la greue attache l'os d'icelle avec l'eguille. il a son origine desdictz os, al'endroit ou ilz commencent a s'entreouuir, & separer l'un d'avec l'autre, estant en son origine mesme charnu, & de telle largeur, qu'il retient iusques à l'epiphyse inferieure de l'os de la greue, occupant & couurant toute la face postérieure dudit ligament mébraneux, & du derrière de l'os de la greue, adherent audit ligament, & à l'interieure partie de l'eguille. Estre descendu en l'inferieure partie de la greue, & y estant encor aussi large qu'en la supérieure, il produit de son interieure partie vn tendon rond, qui reposant dās vne coche grauee en la cheuille du dedans, & retenu en icelle coche par vn ligament trauesier, s'auance obliquement en l'inferieure partie du pied, au dessous de tous les muscles situés en icelle, & ainsi se traine iusques en l'os du Tarse, ou

auampied, prochain & contigu au Dé, & non au premier os de l'auampied, comme Galien escrit chap. 7. liur. 2. des Administr. Anatom. *

* Galien
estime vne
portion du
tendō de ce
muscle aller
iusques au
premier os
du ponce,
& le tirer
obliquemēt
en dehors.

Le sixième situé en l'antérieure partie de l'os de la greue, a son origine dudict os & de l'eguille, en leur ioincte, & au deuant d'icelle. il préd aussi vne partie de son origine du ligament commun auxdictz os. Son chef commence d'un angle presque agu, puis soudain s'elargit faisant le ventre de ce muscle, quelque peu plus large qu'epois. Premier que ce muscle aye outrepasse la moitié de la greue, il s'estroicit petit à petit, & assés loin sus le pied se termine en vn tendon rond, qui se trainant par l'antérieure partie de l'os de la greue, glisse au dessous du ligament trauersier, estendu de l'os de la greue en l'eguille, & auoir franchi ledict ligamēt, descendant en l'interieure partie du pied, s'appuye en vne petite cauité preparee pour cest effect au ligament qui ioinct l'os de l'auampied le plus interne avec l'esquif, iusques à ce qu'il paruienne en l'interieure partie de l'os du peigne du pied, situé au deuant du ponce, trouuant audict os vne certaine apophyse dediee à son implantation, qui est certes forte, & qui comprend ledict os du peigne, & celui de l'auampied qui le soustient. Pour donner place à ce muscle, & autres qui sont au dessous d'iceluy, la partie superieure & exterieure de l'os de la greue est faicte oblique, & comme vuidee.

Le septième contigu à l'exterieure partie du sixième, a, comme aussi le huitième, son chef puissant & nerueux au costé exterieur de l'apophyse de l'eguille, & aux ligamens qui en ce lieu la attachent

chent les os ensemble, al'endroiect ou nous auons
 dict estre inferé le quatriéme de ceux qui remuent
 la greue. Ce muscle s'estre vn peu auancé s'ecarte
 de l'eguille, à laquelle il estoit adherét au parauât,
 ayant couché au dessous de soy le chef de l'huiet-
 iéme du pied, & al'endroit ou il laissel'eguille, mō-
 stre sa face exterieure liuide, & son interieure qui
 touche aux autres muscles, rouge, & vrayement
 charnue. Ce muscle a cela de propre, qu'en son
 anterieure partie, & en ses deux costés pres de son
 origine il apparoiſt tout charnu, voire iusques ou-
 tre la moitié de la greue, & au meillieu de sa par-
 tie posterieure engendre vn tendon robuste, accō-
 pagné & costoyé çà & là d'une substāce charnue.
 Or auoir passé asses loin outre la moitié de la gre-
 ue, ce muscle cessant d'estre charnu, produict vn
 tendon rond, lequel descendant obliquemēt vers
 le derriere de l'eguille, abandonne & laisse la che-
 uille exterieure nue, & depourueue de chair, puis
 s'auanceant en l'inferieure & posterieure partie
 de l'eguille, trouue là vne coche appropriée pour
 luy, & glissant sous le tendon trauerſier, estendu
 de l'eguille au talon, va en l'anterieure & inferieu-
 re partie du pied, se flechissant & retournant de
 sorte, qu'il est inferé en la racine de l'os de l'auam-
 pied, situé au deuant du ponce, & lequel os en son
 exterieure partie a vne apophyse dressée & eminē-
 te, pour receuoir ce tendon. Quelquefois ce tēdon
 s'implante en la racine non de l'os qu'auons dict,
 ains de l'os du peigne, qui soustient le doigt du
 meillieu. Nature conduit & meine ce tendon en-
 tre les os du pied, & les muscles occupans l'infe-
 rieure

ricure partie d'iceluy, par vne merueilleuse & sage industrie, à fin qu'il ne soit blessé & offensé d'iceux, & aussi qu'il ne les offense, & empesche lesdictz muscles de faire leur action. Premièrement elle a taillé vne coche quelque peu large, mais peu profonde pour le loger, en l'inférieure partie du Dé, qui regarde l'extérieure partie du pied: puis elle a engraisié ladicte coche d'une humeur glueuse, & l'a enuironnée d'un ligamēt lisse, & glissant. Outre ce elle n'a mené a ladicte coche ce tendon rond, & roullant, comme il estoit au parauāt, ains dilaté & applati, à fin qu'il demeure plus ferme dans ladicte coche, estant danger s'il estoit rond de sortir & echapper hors d'icelle. Dauantage ne se contentant de cest applatissement, par vn artifice excellent, en cest endroict el a endurci de maniere ce tendon, qu'il semble estre vne chartilage, voire quelquefois est plus dur qu'une chartilage, ayant vn os sesamocide au dessous de soy, pour supporter sans offence & rompre la violence de son mouvement, faicte par sa reflexion angulaire. Galien sans propos au liure 2. des Administr. Anatomiq. chap. 8. dict ce tendon ne se trouuer point en l'homme. Au singe ce tendon s'auance iusques aux os du pource, & aide à faire la flexion d'iceluy. Galien ci dessus le compte pour le premier des trois qui naissent de l'eguille.

Le huitième estant tout caché sous le septième, fors l'antérieure partie de son tendon, a son origine de l'eguille: vn peu au dessous de l'apophyse supérieure d'icelle. Son chef est du tout charnu. Auoir passé outre la moitié de l'eguille, il finit en

vn tendon rond, qui comme le septième, en descendant se flechit vers la postérieure partie de ladicte eguille, & estant couché pres & le long dudict septième tendon, est receu en vne coche, taillee en la postérieure partie de l'inférieure epiphyse de l'eguille, puis glissant sous le tendon trauesier, n'augures mentionné, s'implante en l'apophyse de l'os du peigne qui soustient le petit doigt, & ce, nō par vne simple insertion, comme les tendons susdictz, ains par vn tendon fourchu & applati, à fin que demeurât seul & simple, il ne fust trop gros & empeschant. Aux singes, les tendons de ce muscle montent iusques aux os du petit doigt, le reculans & ecartans des autres, en dehors.

Le neuvième est vne portion charnue du quatorzième des doigtz, qui est de les quatre d'iceux. Ceste portion charnue produicte de l'extérieure partie dudict muscle, iouxte le meillieu de la longueur de la greue, se termine en vn tendon, qui passant sous le ligament trauesier assis en l'antérieure partie de la greue, s'estend par le dessus du pied, & s'attachant avec certains filetz aux muscles qui luy sont couchés dessous, se diuise en deux petits tendons & minces, lesquels s'implantent en l'os du peigne qui porte le petit doigt, pres du lieu ou ledict os en sa supérieure partie se ioint avec le Dé.

Voila les muscles qui remuent le pied: desquelz le premier, second, & quatrième, tirans le talon en derriere & contremont, plaquent & ferment le pied contre terre, ou bien le flechissent contre bas, vers sa postérieure partie. Le cinquième leur aide à faire tel mouuement, approchant le pied contre

terre

terre, & le flechissant de sorte vers la partie postérieure, que par ce moyen nous pouuons cheminer sus le bout des doigtz. Encor que la force & actiō du troisiēme muscle soit petite, si sert il neātmoins à mener le pied obliquement en dedans. Le sixiēme, septiēme, huiētiēme, neuviēme se guindans tous ensemble, & d'une empaincte, flechissent le pied contremont, vers son anterieure partie, n'estant toutesfois leur mouuēmēt si robuste & gailard que des muscles posterieurs: mais si ces muscles font leur action alternatiuement avec ceux qui sont assis en la partie posterieure de la greue, ilz remuent obliquement le pied çà & là: & ainsi les muscles qui estendent & flechissent le pied, font aussi ces mouuemens obliques, comme nous auons ci dessus dict des muscles qui remuent le poignet.

Les cinq doigtz du pied ont pareil mouuēmēt, que les quatre de la main: ne se iettant point le ponce sus les autres, par vne flexion opposite à la leur, comme il faict en la main: & n'ayant ledict ponce autre mouuēment que les quatre suiuan. La premiere ioincte des doigtz est flechie ou tout droit, ou en inclinant quelque peu de costé, reculant & approchant les doigtz les vns des autres: tout ainsi qu'en la main. La seconde ioincte du ponce, (car il n'est composé que de deux os,) la seconde & troisiēme des autres quatre doigtz, sont estendues & flechies tout droit; & n'ont aucun mouuement oblique, comme en la main. Le mouuement des doigtz du pied se faict par vingt & deux muscles, desquelz:

Le pre

Le premier occupe l'inférieure partie du pied, ayant sous toute sa substance charnue fort adhérent & uni, le ligament, lequel ci dessus nous auôs dict en l'exposition du troisième du pied, donner mesme vsage que le tendon applati, estendu sous la peau de la main. Son origine partie nerveuse, & partie charnue, est en l'inférieure partie du talon, & en l'anterieur partie de l'eminence d'iceluy, laquelle eminence, en marchant, se plante contre terre. Son chef incontinent apres son origine deuient tout charnu, s'elargissant petit à petit, tellement qu'il demeure plus large qu'épais. Auoir passé outre la moitié du pied, il se diuise en quatre petites pieces charnues, lesquelles estre separees l'une d'auec l'autre, produisent chacune vn tendon, s'implantant au doigt qui leur est au deuant. Ces tendons, tout ainsi qu'en la main, sont conduictz sous vn ligament trauersier, posé en la racine du premier squadron de chaque doigt, iusques à ce que s'entr'ouurans d'une longue fente, & donans passage aux tendons du dessous, qui les trauersent, en fin ilz s'elargissent, & inferent en la racine du second squadron des quatre doigtz, & en toute la longueur d'iceux. L'action de ce muscle est flechir la seconde ioincte des quatre doigtz.

Le second & troisième couchés sous le quatrième, & sus le cinquième du pied, ci dessus declarés, plus larges qu'épais, ainsi que sont les dictz quatrième & cinquième muscle, flechissent la troisième ioincte des quatre doigtz, & la seconde du pouce. Le second a son chef charnu en la posterieure partie de l'assemblage, & conionction de l'os de

la greue & de l'eguille, s'estendant le long de la posterieure partie de l'eguille, & par quelque espace adherent à icelle. Or comme il est descendu en l'inférieure partie de la greue, il produict vn tendon, apparoissant ia plus haut, en la partie charnue d'iceluy, qui est logé d'as vne coche, taillee en l'interieure partie de l'os du talon, al'endroiect ou il reçoit l'osselet, & passant sous le ligamēt trauersier assis là, s'insinue de biais au dessous du pied, entre les quatre muscles, que dirons approcher les quatre doigtz du ponce, & ceux qui flechissent le premier squadron de chaque doigt. Tenant ce chemin, il va presque tout au ponce. Je dis notamment presque, par ce qu'environ le meillieu de la plante du pied, vne petite portion decidee & prise d'iceluy, se mesle avec aucuns tendons du troisieme, & avec iceux aide à flechir la troisieme ioincte de l'indice & du mitoyen: mais la plus grande & robuste partie d'iceluy, va obliquement au ponce, & passant sous vn ligament trauersier situé au premier os du ponce, va le long dudit os, puis s'implante, par vne insertion large, au second os d'iceluy, & le flechit. Avant que d'estre implanté au second os du ponce, ce tendon a sous soy vn os sesamocide, lequel de sa face posterieure lisse & glissante est mis au deuant de la coche, taillee au meillieu des bossètes du premier os du ponce, lesquelles entrent dans les fossètes, & cauités du second.

Le troisieme, couché de son exterieure partie au dessous du second, se tourne plus vers le dedans de la greue qu'iceluy, estant plus appuyé sus l'os d'icelle, que sus l'eguille. Estre descendu presque
au talon

au talon, & demeurant encor large, de son interieure partie il produit vn tendon, pour lequel recevoir & conduire, nature a expressement dressé vn ligament trauersier, & graué vne coche particuliere. Ce tendon coulant dás ladiete coche, passe tout rond au dessous du pied, croisant le tendon du second en forme de sautoir, ou de la lettre X. parce que le tendon du second de l'exterieure partie du pied, va en l'interieure & anterieure. & ce tendon vá de l'interieure aucunemét en l'exterieure, à raison dequoy ilz se rencontrent & entrecroisent au meillieu de la plante. Depuis que ce tendó c'est auancé quasi iusques à la moitie de la longueur du pied, il se dilate quelque peu, & se diuise en quatre autres tendons, se rendans aux quatre doigtz, & correspondans aux tendons de la main, qui flechissent la troisieme ioincte des quatre doigtz d'icelle. Ces quatre tendons cachés au dessous des tendons du premier, estre venus en la racine des doigtz, glissent avec iceux sous vn ligamét trauersier situé la, tout ainsi qu'en la main: & pour atteindre le troisieme os des doigtz, trauersient la fente des tendons du premier muscle, & se dilatans sont implantés le long dudit troisieme os. Comme a esté dict ci dessus, aucunes fois les tendons qui vont en l'indice, & au mitoyen, prénent quelque petite portion du tendon du second muscle qui va au pouce: quelque fois ilz n'en recoient point du tout, ains est tout iceluy tendon employé pour le mouuement du pouce. Galien chapit. 7. liur. 2. des Administr. Anatom. dict, la premiere, seconde, & troisieme ioincte des doigtz estre flechies par les

tendons de ce muscle, non seulement la troisième, sur quoy Vvessal conteste, plaid chap. 60. liure 2. Aux guenons les tendons de ces deux muscles sont en proportion plus longz qu'aux hommes; & ne sortét point d'une partie seule du muscle, comme aux hommes, ains de tout le muscle reserré & restroici d'auantage puis qu'ilz se sont croisées en sautoir, le tendon du second muscle se mesle avec celui du tiers, & des deux s'en fait vn seul, duquel vne petite portion est mandee trauesierement, & conignée au ponce. Le reste du tendon, fait par telle meslange, est diuise en quatre autres tendons plus gros que celui du ponce. Voila quelle est la difference du guenon, sus lequel Galien fait sa description, à l'homme, quand aux tendons de ces deux muscles.

Les muscles qui flechissent la premiere iointe de chaque doigt du pied, dix en nombre, correspondent aux dix, qui flechissent la premiere iointe de chaque doigt en la main. Vray est qu'ilz ne sont si apparemment distingues & separés qu'en la main: ains se veoit vne masse de chair rude, & lourde, quelque peu tracee de filetz droictz, couchee le long du peigne, qui farcit & remplit les interualles, & s'implante en la partie inferieure & interieure de chaque premier squadron des doigtz, tât du ponce que des autres, n'estant moins forte & puissante que celle de la main. Les deux tendons enuoyés de ceste masse au ponce, qui sont courts, & quelque peu larges, ont sous soy deux os Sesamoïdes, les plus grâdz de tout le corps: desquelz l'interieur est beaucoup plus grand que l'exterieur.

Chacun

Chacun des autres huit tendons en ont pareillement, mais beaucoup moindres que les deux susditz, & toutesfois plus grâdz que ceux de la main, situés sous l'insertion des semblables muscles.

Le quatorzième assis en l'antérieure partie de la greue, au dessous du sixième du pied, naist de l'os de la greue là où il est conioinct avec l'eguille au dessous du genoil. Son chef estant nerveux, se fait incontinent charnu, & descendat tout droict vers le pied, presque au milieu de sa chassé, de son extérieure partie enuoye & produit vne portion charnue, que ci deuant nous auons mise en compte pour le neuvième du pied. L'auoir produict & demeurant encor charnu, il suit son chemin contre bas, iusques à ce qu'il passe sous le ligament trauersier, dressé en l'antérieure partie de la greue: & premier que de franchir ledict ligament, il se diuise en quatre autres tendons, qu'estans separés les vns des autres, & se trainant par le dessus du pied, se dilatent & inserent en toute la longueur des quatre doigtz, faisant l'extension de toutes leurs trois ioinctes.

Le quinzième destiné pour le mouuement du ponce, & assis en l'antérieure partie de la greue, est partie situé au dessous du quatorzième: & partie estendu le long de son costé intérieur. Son chef est en l'extérieure partie de l'os de la greue, là où le ligament membraneux qui attache l'eguille avec l'os de la greue, est fait & produit d'iceluy. Ce chef commence d'estre charnu al'endroit où ledict os de la greue s'ecarte & entr'ouure de l'eguille. Depuis là ce muscle tendant contre bas, & fort

adherent au ligamēt susdict, suit l'antérieure partie de l'os de la greue, & se termine en vn tendon, qui passant sous le ligamēt trauesier, posé en l'antérieure partie de la greue, s'auance au dessus du pied, & finalement s'infere en toute la logueur du ponce, l'estendant droict contremont.

Le sezième est vne masse de chair, qui a son origine a l'endroit ou le Dé est ioinct avec le talon, a costé de l'oslet: à sçauoir des ligamens situés en celieu là. Ceste masse s'estend obliquemēt en deuant, vers les doigtz, & se diuise en quatre portios charnues, desquelles chacune produict vn tendon rond. Le plus interieur le plus grand & le premier de tous est infere en l'exterieure partie du ponce, tendant vers l'extremite d'iceluy: le second est infere en l'exterieure partie de l'indice: le troisième en l'exterieure partie du mitoyen & le quatrième en l'exterieure partie de l'annulaire: tellemēt que le petit doigt seul ne reçoit aucun tendon de ladite masse, ia soit qu'aucune fois on aye obserué vn petit tendon luy estre enuoyé d'icelle. Ces tendons menent les doigtz en l'exterieure partie du pied. Aux singes ceste masse est diuisee en deux muscles situés fort obliquemēt au dessus du pied, qui ecartent & reculent du pied: les autres quatre doigtz: & au lieu du plus grand tendon d'icelle infere en l'exterieure partie du ponce, & qui l'approche des autres doigtz, les singes ont vn muscle particulier, situé entremi l'eguille & l'os de la greue, adherent & contigu au quinzième susdict, grosse & mince, duquel le tendon implanté en la susdite partie du ponce, fait le mouuemēt par lequel il est

il est approché obliquement des autres doigtz: ce qui est fort à noter, pour entendre Galien en ce chapitre, & au chapitre 7. liure 2. des Administr. Anatomiques.

Le dixseptième assis en l'exterieure partie du pied, a son chef nerueux en l'exterieure partie de l'os du talon, là ou ledict os a vne cminence releuee. Soudain il deuient charnu, & auât qu'il paruienne en la premiere ioincte du petit doigt, se termine en vn tendon rond, qui est inferé en l'exterieure partie du premier os d'iceluy. Encor que ce muscle soit petit, il est neantmoins puissant. Son action est reculer en dehors le petit doigt loin des autres.

Le dixhuietième qui recule le pouce loin des autres en dedans, gist en l'interieure partie du pied, suiuant toute sa longueur. Son chef nerueux est produit des ligamens qui attachent le talon avec l'osselet. Outre son origine il se faict incontinent charnu, & epais: & se termine en vn tendon rond, qui s'implante en l'interieure partie de la premiere ioincte du pouce. Outre ce muscle Galien en la fin du dernier chapitre de ce liure en recite vn autre, situé au dessous du pied, qui approche le pouce de l'indice. Ce muscle est particulier aux singe, & comme auons ci dessus adnoté, prenant son origine de l'os du peigne, rangé au deuant du pouce, il s'implante en l'interieure partie d'iceluy.

Restent quatre muscles, qui font le mouuement oblique des doigtz en dedans. Ilz sont estendus tout ainsi qu'en la main, le long des tendons du troisieme qui flechissent la troisieme ioincte des

quatre doigtz. La difference du pied & de la main, quant à cela, est, que au pied ilz n'ont point leur origine des ligamens membraneux, qui enuoloppent les tendons du troisieme muscle, comme en la main, ains du talon, à sçauoir des ligamens qui attachent les os de l'auampied, avec les os postérieurs du pied.

Voila le nombre, la situation, connexion, origine, insertion, action des muscles du pied & des doigtz d'iceluy, practiquee sus le corps de l'homme, & non du singe, du chien, ou de quelque autre animal. Et pource que les deux derniers chapitres de ce liure, qui declarent la diuersité des muscles situés au pied & en la main, ont quelque obscurité, en faueur des apprentis, ie l'eclairciray par la table suivante:

En la superieure partie vn, qui sont les quatre portions du sixieme des doigtz.

Ceux, qui flechissent la premiere iointe de chaque doigt: en nombre dix.

Ceux, qui flechissent la seconde des 4. doigtz: qui sont les 4. portions du premier des doigtz.

Au pied y a 4. genres de muscles:

En l'inférieure partie trois

Ceux, qui font les mouuemens obliques des doigtz: en nombre sept.

Quatre qui sont le 19. 20. 21. 22. des doigtz.

Vn qui recule le ponce en dedans.

Vn qui recule le petit en dehors.

Vn qui approche le ponce de l'indice propre au singe.

Ceux qui flechissent la premiere iointe de chaque doigt: en nombre dix.

Au dedans de la main sont deux genres de muscles seulement.

Ceux, qui font les mouuemens obliques des doigtz: en nombre sept.

Quatre adherentz aux 4. tendons du second muscle des doigtz.

Vn qui approche le ponce de l'indice.

Vn qui recule le ponce en dedans.

Vn qui recule le petit en dehors.

En l'ex

En l'exterieure partie de la main ni a aucū muscle. Galien en ceste diuision ne faict aucune mention des trois muscles, qui flechissent la seconde ioincte du pouce, comme s'il ne les eust point cogneus. Leditz muscles mis au compte de ceux de la main, feroient vn troisieme genre. Maintenant il ne fera hors de propos reciter sommairement les noms François, desquelz nous auons vſe, pour appeller & signifier les parties de la iambe, mentionnees en ce liure, en mes corollaires & adnotations, à fin que plus aiseement on m'entende, & qu'on s'en serue. La iambe nommee des Grecz σκελος, des Latins crus, est diuisee en la cuisse, nommee des Grecz μηρὸς, des Latins femur: en la greue nommee des Grecz κνήμη, des Latins tibia: & au pied. La cuisse n'a qu'un seul os, qui s'estend iusques à la ioincte du genoil, au deuant de laquelle est la palle, meulete ou rouelle du genoil, nommee des Grecz ἐπιγονατις & μύλη, des Latins molla. La greue est composee de deux os, l'un & le moindre l'eguille, nommee des Grecz περὶνη, des Latins fibula: l'autre, & le plus grand, l'os de la greue, nomme des Grecz τὸ τῆς κνήμης ὀστέον, des Latins ostibia. La partie de cest os anterieure, est particulierement nommee des Grecz ἀντικνήμιον, que pouons dire l'anterieure face de l'os de la greue. Les extremités inferieures des deux os susdictz eminentes & bossues, sont les cheuilles du pied, nommees des Grecz τὰ σφυρά, des Latins mal-leoli. Le pied est composé du talon nomme des Grecz ἰστίον, des Latins calx: de l'osseter, nomme des Grecz ἀσφάλος, des Latins talus: de l'esquif,

nommé des Grecz τὸ σκεφοειδές ὅσεν, d'aucuns Latins cymba pedis, d'aucuns vieux chirurgiens le nauculaire: du Dé, nommé des Grecz τὸ κυεζοειδές ὅσεν, des Latins tellera. Ce Dé, avec trois autres os, qui n'ont aucun particulier nom en Grec, ni en Latin, font l'auampied, nommé des Grecz τέρας, & en Latin n'ayant aucun nom propre, iacoit qu'aucuns le nomment vestigium ou plâta pedis, mais abusiuement, prenans le tout pour la partie, estant vestigium ou planta pedis, toute la partie du pied, qui demeure marquée en noz pas, quand nous cheminons sus vn lieu, qui puisse recevoir sa figure. Après l'auampied est le peigne, nommé des Grecz πιδίον, & en Latin n'ayant aucun nom peculier. Après le peigne viennent les squadrons des os des doigtz, qui sont deux au pouce, trois aux autres, nommés des Grecz φαλαγγες & στυλαί, des Latins internodia digitorum. Telles sont les appellations Grecques, Latines, & Françoises des parties de la iambe. Et pource que Galien en ses œuvres Anatomiques parlant des muscles du corps, met souuent en compte ceux qui sont particuliers aux singes, lesquelz il auoit obserué sus iceux, & lesquelz ne se trouuent point au corps de l'homme, à fin que le lecteur ne se travaille à les chercher sus l'homme, ou sus le repertoire qu'il aura faict des muscles du corps humain, ie les reduiray en vn sommaire.

Premierement les singes ont deux muscles propres, vn de chaque costé, descritz au premier liur. chap. 7. qui naissent au dessous de la seconde coniugation des muscles du palleron, & se rendent en

l'angle

l'angle superieur de la base d'iceluy.

Secôdement ilz ont quatre petits muscles, deux 4
de chaque costé, situés al'entour de la ioincte de
la teste, & descritz sur la fin du chap. 9. liur. 1.

Tiercement ilz ont deux muscles vn de chaque 2
costé, naissans en l'apophyse pertuisée & traues-
siere de la seconde rouelle du coul, & descendans
iusques à la cinquième costé, en l'anterieure par-
tie de la poictrine. Ces muscles sont descritz au
chap. 15. liur. 1.

Quartement ilz ont deux muscles, nud de cha- 2
que costé, naissans en la partie trauessiere de la li-
gne droicte du fourchon de la langue, ou os hyo-
eides, & s'implantans en la partie trauessiere de la
machoire, au dessous de ses muscles propres. Ces
muscles sont descritz chap. 12. liur. 1.

Quintement ilz ont deux muscles, vn de cha- 2
que costé, naissans des flaquets, & inserés aux te-
sticules, descritz chap. 22. liur. 1.

Dauantage ilz ont six muscles, trois de chaque 6
costé, descritz chap. 1. liur. 2. desquelz les deux pre-
miers naissent en la plus basse partie du brichet,
& au dessous des deux premiers de l'auambras
vont s'implanter par vn tendon membraneux en
l'anterieur bord de la cavitè grauee en la teste de
l'auambras, dás laquelle est logé le plus gros chef
du premier muscle qui flechit le braçal. Les deux
secondz naissent de la peau des flancz & des costes
fauces, & s'implantent par vn tendon mébraneux
en l'auambras, au dessus du tendon des deux main-
tenant descritz, & du tendon du premier muscle
de l'auambras. Les troisièmes naissent au meillieu
de la

- de la coste basse du palleron, tirant vers son coul,
 & s'implantent en l'exterieure partie de l'auãbras.
- 2 Puis ilz ont deux muscles vn de chaque costé,
 descritz chapit. 2. liur. 2. naissans avec le moindre
 chef du premier muscle du braçal, & s'implantãs
 au meil ieu de la largeur de l'auãbras, vn peu au
 dessous de sa teste, entre les tendons du sixieme &
 septieme de l'auãbras.
- 2 Outre ce ilz ont deux muscles, vn de chaque co
 sté, descritz chap. 8. liu. 2. naissans entremi l'os de la
 greue & l'eguille, cõtigus au quinzieme des doigtz
 du pied: qui tenans lieu du premier & plus gros té
 don entre les quatre aux quelz se diuise le sexieme
 des doigtz du pied, s'insèrent en l'exterieure partie
 du pouce, & par dessus l'approchent de l'indice.
- 2 Finalement, ilz ont deux muscles, vn de cha
 que costé, mentionnés au 10. & dernier chap. liur.
 2. naissans au dessous du pied, en l'os du peigne, se
 rué au deuant du pouce, & inséré en l'exterieure
 partie d'iceluy, qui par dessous l'approché de l'in
 dice. Somme toute, le singe a vingt & quatre mu
 scles plus que l'homme: & plusieurs diuersités aux
 insertions, productions, & autres particularités
 du reste des muscles, declarees pour la plus part en
 noz adnotations. Or si quelqu'un desire scauoir le
 nombre des muscles en general, certes il est diffi
 cile de les sommer, pource que les Anatomistes ne
 les comptent d'une semblable façon, comme Ga
 lien mesme nous auise chap. 4. liur. 1. des Anatom.
 Administr. Toutesfois suiuant le denombrement
 qu'en auons faict ci dessus, ilz sont en tout quatre
 cens & dix muscles, ce qui se peut verifier par l'a
 brégé de ce rolle.

M V S C L E S.

Des yeux.	14 . 12
Du nez.	4 . 6
Les ioncs & des leures.	8 . 12 . 4 . 1
De la machoire inferieure.	8 . 6
Du jourekon de la langue.	8 . 10
De la langue.	9 . 4
Du sifflet, propres.	12 . 14 . 4
Du sifflet, communs.	8 . 6 . 1
De la teste.	14 . 14
Du dors.	16 . 6
Des pallerons.	8 . 8
De la poictirine, & des costes, y adionstant & comprenant le Diaphragme.	81 . 57
Du ventre.	8 . 10
Des anambas.	14 . 18
Des bracalz.	10 . 6
Des rayons.	8 . 8
Des poignetz.	8 . 8
Des doigtz des mains cōprenant les deux qui sont les tendons applatis sous la peau des mains.	58 . 54
Des genitijz.	2 . 2
De la verge.	4 . 4
Du coul de la vescie.	1 . 1
Du fondement.	3 . 4
De la matrice.	2
Des cuisses.	20 . 30
Des greues, comprenant les deux eachés dans les iaretz.	20 . 22
Des piedz.	18 . 12
Des doigtz des piedz.	44 . 44

Somme 410.

F I N.

vidan

Les fautes commises à l'impression.

Page 4. ligne 2. vostre. lig. 14. muscles, & qui.
pag. 11. lig. 11. ne le veult. pag. 12. lig. 3. μωδες. pag.
15. lig. 21. μασητῆρες. pag. 16. lig. 3. & au bout. lig. 14.
ζύγωμα. lig. 21. πτερυγοειδεις. pag. 16. lig. 2. ouste le
troisieme aiant. pag. 21. lig. 9. est celuy. pag. 31. lig.
16. θυρεοειδης. pag. 32. lig. 26. ἀρυταινοειδης. pag. 33.
lig. 2. ἐπιγλωττις. pag. 37. lig. 5. ἐξελονοειδεις. pag. 66.
lig. 5. ἐκφύσσις.